

Wengele Iyesus Kristoose Matiwoose Toohi

Intawte

Wengele Matiwoose, kipposi okaye Iyyesusena qharitema fallami Uso qhamu dhinisambako kodhdhisa Halliko Mat'aafa Katabe Pa'atatesa k'aalesi kippito waarsho huusunu itteehi Usottay qhamu dhikkisi k'aale otissay fallasiki iqabati. Ote k'aalisanaka Iyesuse ho'usundhe kitteema dhaladhipa qohu, koro Ayhudhatenu patta fandhima koro piyye qhat'ete faqa kaasanu. Matiwoose a'ishiqqa payni teeḥako Hallikto payyo, kodhmo huusuka qhawho k'arat'o soofa, kodhmo huususika helahxurupa Poqolho kala ashshoy (Mat. 9: 9-13). Mat'aafa Luk'ase pa hoMark'oose Matiwoosena Lewi innapayepa toohongu. Wengele Matiwoose Mat'aafa hetifitadhettay aqarisi, dhaladhe Iyesusenuki payipa qhoota shoḥatatepa qhoota temmamatesi ihi'asi tubettay piyye Gelilasa koro kollise pa kodmo dhinisatesiki itt'oosi. Nakalleema Iyesuse piyye Gelilanu karo Iyyerusalamu kula ashshepa Perresi ippiyye qhaat'ema i'oladhipa torpa dhikkatana olho tookko tookko kodhdhamadhisiki ḥawwadhi; usundhisaka dhisame tuusupa farte tuusu pana haḥe huususiki illa qabadhi. Wengeli Iyesusesi Uso hohigge Hallikitoosi lshiqenu humna sheeqa. Holupa Ahxase Hallikitoosi kollisenu Iyesuse kollisampako haḥa qhamo ikkodhisamateki itt'oosi. Kollisisay tuususi hassapo hsubinsamateki aqooti.

1. K'albe koro Ahxase Hallikitona, kodhmo usundhe qeeḥasa, it'asi dhikatate torre qubito hi'aase (qho. 5-7).
2. Kolladhambawhesi hudhdhanpa lakki, wengele torruyenu a'usundhe erakana dhehamte anuteeḥi (qho. 10).
3. Liqidhe fawni fawni qhoota Ahxase Hallikitona iit'uye (qho. 13).
4. Kollingo qhoota ishshiqe kolladhambawhungito koro ḥulisa (qho. 18).
5. Kollingo qhoota dhikkatte perre hantuna pa qhoota okayite Ahxase Hallikitona teeḥamti (24-25).

Olho Mat'aafi Illema Qapadhi

Iyesuse Kristoose sanynye innaokayipa dhaladhe tuusu 1:1-2:23

Shoḥambako Yohanisena kodhmo huusu 3:1-12

Iyesusena shoḥatte pa temmame tuusu 3:13-4:11

Iyesuse piyye Gelilasa kodhmo payye huusu 4:12-18:35

Piyye Gelilanu karo Iyyerusalamate ashshe huusu 19:1-20:34

Torpa dhikkatattana Iyyerusalamepa godhadhe hiisina 21:1-27:66

Poqolho haanina haŕepa armadhe tuusu 28:1-20.

Sannitte Sanynye Dhalata Iyyesusena

(Luk'. 3:23-28)

1 ¹Sanynyessi Dawite pa teAbrihaame kodhdhanna sanynye dhaladhe Iyesus Kristoose tisi.

²Abrehaame Yisak'esiki dhali, Yisak'eka Yaik'oobesiki dhali, Yaik'oobeka Yihuda pana qharumaadhepa ŕassawhe huususiki idhdhali; ³Yihuda ħiskato anapayi Tĩimaarena Faresepa Zaranesiki dhali. Fareseka Hesroonesiki dhali; Hesrooneka Aramesiki dhali; ⁴Arameka Aminadabesiki dhali; Aminadabeka Ne'asoonesiki dhali; Neasooneka Selemonesiki dhali; ⁵Selemoone naħaye tanapayi Re'abena Boezesiki dhali; Boezeka ħiskato tanapayi Ruutena Iyyobeedesiki dhali; Iyyobeedeka Isseyyesiki dhali; ⁶Isseyyeka Dawitesiki dhali. Nigusa Dawiteka naħaye Oriyona Selemoonesiki dhali.

⁷Selemooneka Robiaamesiki dhali; Robiaameka Abiyasiki dhali; Abiyaka Asafesiki dhali; ⁸Asafeka Iyyosafet'esiki dhali; Iyyosafet'eka Iyyoraamesiki dhali Iyyorameka Oziyasiki dhali; ⁹Oziyaka Iyyoatamesiki dhali; Iyyoatameka Akasesiki dhali; Akaseka Hisk'iyaasesiki dhali; ¹⁰Hisk'iyaaseka Minasesiki dhali; Minaseka Amot'esiki dhali; Amot'eka Iyyosiyasesiki dhali; ¹¹Iyyosiyaseka ħingessi waarsho

Isiraelate poojuyamipa piyye Babilone kula ashshonnaki Ikoniyanane pa ŕassawhe huususi idhdhali.

¹²Piyye Babilone kula ipoojuyame tubettay Ikoniyanane Selatiyalesiki dhali; Selatiyaleka Zerubabelesiki dhali; ¹³Zerubabeleka Abiyudesiki dhali; Abiyudeka Eliyak'eemesiki dhali; Eliyak'eemeka Asoresiki dhali ¹⁴Asoreka Sadok'esiki dhali; Sadok'eka Akimesiki dhali; Akimeka Eliyudesiki dhali; ¹⁵Eliyudeka Alazaresiki dhali Alazareka Maatanesiki dhali; Maataneka Yaik'oobesiki dhali; ¹⁶Yaik'oobeka Mariyaamessi Iyyesus Kristoose dhaltina hossi akkambako hiisi kodhdha Yosefesiki dhali.

¹⁷Lammi haga Abrehame pa Dawite saasa dhalata hudhdhanpa salaħ, haga Dawitenu paayatipa haga poojko Babilone saasa dhalata hudhdhanpa salaħ, haga poojko Babilonenu paayyati haga Kristoose saasa dhalata hudhdhanpa salaħ.

Dhaladhe Iyyesus Kristoose

(Luk'. 2:1-7)

¹⁸Dhaladhe Iyyesus Kristoose tisi: yayye tuusu Mariyaame Yosefenu irabatamtipa haannay yeilleŕale rafongina qhara'ita Nasso K'ulk'ullottay sheeqoy. ¹⁹Akkambako hiisi Yosefe qhawho ħeesa qhooti kodhdhi maallay, Mariyaamesi

koro miinta palamise yewo’uka, hussa maallay, iseesi bhadhamtettay helahxuri dhihadhi,²⁰ naqharray iolissasi hela qadheete faqana, erkambate Poqolhito ulsingettay nuarmadhipa hasa napayi: “Ato Yosefe hosanyne Dawitena kodhdhiti, haante taahu Mariyaame Nasso K’ulk’ulottaki sheeqtiye, iseesi manne haahu kula akkeni oloqaabi.²¹ Iseka mi’aye shambho idhalinti; uso qhooti waarsho huususi c’uppo huusundhina dhinisni maallay makañko huusuka Iyesuse annapayinti.”

²² Olissa kaasay olhunnamallay kodhdhamadhi, olhossi Poqolho hxuumambako huusuttay ihasa payipa falladhu: ²³ “Haadhi, shette teyet’iirako aruki sheeqnapa mi’aye shambho dhali; makañko huusuka Amanueele anapaynipa isa’oo’fa” qhamu dhikkaninu. Amanueele payyo Halliko ine fale.

²⁴ Yosefeka ippi’atatte tayrina, qhamossi erkambatte Hallikito nufalliti kula haante tuusu Mariyaamesisi manne huusu kulaki akki. ²⁵ Ikodhdhitama kabay mi’ayisa hiisisi hagi dhalinti saasa yena’ale rafuka, makañko huusuka Iyesuse innapayipa makañu.

Korossi Huske Moontito Eema
Hayto Oqhaye Liqanna Koru Okayi

2¹ Iyesuse perre nigusa Herodisenna katamasi piyye Yihudanna kittate faqa Beeteleheeme anapaysa idhaladhina, koro

huske moontito eema hayto oqhaye liqanna koro katama Iyyerusalamé kula okayi. ² Usundheka hasi payepa kasfadhongi: “Nigusasi Ayhudatte dhaladhi ahaate? Hayto oqhaye liqanna koruki anhuskite tuusu moontito eemnipa Usoosi sagatenu okayaaniye.”

³ Nigusa Herodise ihussasi abaqhina immuruki; koro katama Iyyerusalemena faaka kaasaka murrugoy. ⁴ Rafisambawhe k’eesadheete pa kollisambawhesi higgate kaasasi illaholasupa hasa napayupa kasfadh: “Kristoose hangasaamate idhdhalanni?”

⁵ Usundheka hasi payepa nuholasoongi: “Hxuumambakottay hasi payamtipa toohamoy, Kristoose katamasi piyye Yihudanna kittate faqa Beeteleheemema idhdhalanni:

⁶ <Ato Beeteleheeme, tepiiyye Yihudanna kittate faqay

Hossi waarsho hayyu Isiraeelenu intawnapa ti’fadhoy qhooti hela kittate liqni maallay,

katamaadhessi kaanooma piyye Yihudanna kittate faqana olho anakalla qhac’tittay ye’faqi.>”

⁷ Haysay tubettay Herodise hessi huske moontito eemaasi bhadhamtetaki oo’fasipa kuya’agusa huskitisa nuhimbhathiisi uuma nakasfadhupa hulsadhu, ⁸ hasaka napayupa Beeteleheeme kula eragu: “Ashshindhapa qhoota mi’ayisana uuma kasfadhangu, attayte

payni aokaynangu yeʼallanguma anoka anashshinapa nusagataye.”

⁹Usundheka olhossi nigusa nuʼfalliisi iʼabaqhe tubettay illiqepa ashshongi, lammi huskitesi hayto oqhaye liqanna koru iʼeeme haytosi Miʼaye naʼaqisa hagi shikkaarti saasa innuuntawtipa isinnaqharaʼita ashshay.

¹⁰Huskitesisika ihienna uumi hxasoodhe;

¹¹manne kalaka hulloongipa Miʼayessi hoyaye Tuusuna kaanta ʼaqaasi hiʼongi, piyyeema qulladhongipa nusagatongi; saʼinadhe huusudhiisika qhaqhashongipa warkʼepa tankarepa olho oshoʼfa karbe anapayisi^a nuteehongi.

¹²Korossi huskite eemaka Herodise kula qhamu yehollenuka Halliko ulsingettay qhoota innuʼalli maallay onke pilettaki holepa karo piyye tuusundhi kula ashshongi.

Miʼayesisi Qhamu Akkepa Gibtʼe Kula Qoradhongittay

¹³Hessi huske moontito eema iʼashshe tubettay erkambatte Poqolhito ulsingettaki Yosefenu himbhatipa hasa napayi: “Herodise Miʼayesisi qhooti poqenu qeeʼi maallay haʼ pa Miʼayisaasi yayye Tuusu illay akkapa piyye Gibtʼate kula qoradhattay, haga anhoʼfallini saasa haama qayyo.”

¹⁴Hussanu Yosefeka singatto awnettaki haʼipa miʼayesisi yayye tuusu illay akupa

piyye Gibtʼate kula ashshottay. ¹⁵Herodise hagi farri saasa haami qayyi, hussaka Kʼaalesi Poqolho hxuumambako huusuttay payina: “Miʼaye Hayyusi Gibtʼenuki anoofi” qhamu dhikkantinu.

Herodise Qhamu Miʼaadhe Paaʼhasi

¹⁶Herodise korossi huske moontito eema qhamu uso tatakesa iubadhina uumi miiroodhi. Husa maallay karo Beeteleheeme pana qodhdhadhisa nakaʼita ʼaqa kaasa kula foolisadhe huususi eragu. Qhamosi koro huske moontito eema nuʼallipa nuʼhuli kula miʼaadhe shambhidhe heperko lakki hxafasepa heperko lakkinu hatoosi paaʼhasu.

¹⁷Hingisana hxuumasi hxuumambako Ermiyaasettay:

¹⁸“Raheele Miʼaadhe hiisi maallay iooyana ikkito riirate pana ikkito ooye maqanaki piyye Raamana qhaskadhi; Miʼaadhe hiisika nabsadhattay yeʼaqa maallay adhiqtisana ikellamati payipa ʼallu idhikadhi.”

Piyye Gibtʼatenu Karo katama Nazirate Kula Holle

¹⁹Herodise iffari tubettay Yosefe ipiyye Gibtʼatena ʼaqana erkambatte Poqolhito ulsingetaki nuʼhimbhatipa hasa napayi:

²⁰“Korossi miʼaye poqenu qeeʼa qhooti

^a2:11 Karbe payyo karko piyye madhitona fuuʼapa pishko huusu olho raʼfa hoʼorʼhe liqapa isitararapa isioshoʼfa holupa kʼorishanu isikodha naliqi.

farri maallay haf pa mi'ayesi yayye tuusu
illay akka pa piyye Isiraele kula holattay.”

²¹Yosefeka ihafipa mi'ayesisi yayye tuusu
illay akkupa piyye Isiraele kula holuttay.

²²Naqharray Arkelawoose paapo huusu
Herodise kabeema piyye Yihudasa qhamu
poqlumiisi i'abaqhina Yosefe hakula
ashshesi iqaabi. Ikodhdhitama kabay qhoota
a'ulsingettay nufalli maallay piyye Gelila
kulaki ashshi. ²³Qhooti hxuumambawhe
payenna: “Qhawho piyye Naziratennaki
anapayni” qhamu idhdhikkaninu katama
anapay Nazirate kulaki ashshipa isihaha
faaka.

K'aale Shoħambako Yohanise Torruyi

(Mar. 1:1-8; Luk'. 3:1-18; Yoh. 1:19-28)

3 ¹Hingisana Shoħambako Yohannise
mandhosi piyye Yihudana faqanuki
okayipa isiK'aale Hallikitoosi torruya.

²Ikollisanaka: “Ahxase Moontito qhooti
it'uyti maallay c'uppito kalla hola” kipayi.

³Qhamosi hxuumambako Isayase qhoota

Yohanise iyyina: “Ikkito qhawhito
mandhito hasa payipa isiriira: <Onke
Poqolhitoosi qarisa,

onkadhe takkuma uso na'ashshinisika

qete'isangu>” husi uso.

⁴Lalle Yohanniseka ufurko kaalanaka
akodhdhi, kuudhe itaka teebgo ishshabadhi,
yi'o huusuka ayyakopa sagmo taantate.

⁵Hingisana koro katama Iyyerusalemena
faqa pana koro piyye Yihudana faaka
kaasapa koro kolle Yordanosena kaa'ita faaka
kaasay Yohanise kulaki okaye. ⁶C'uppo
huusundhiisika isihelapuut'angipa usoka
kolle Yordanoosesa shoħate isiusundhe
shoħa.

⁷Naqharray Feresawadhe pa
Seduk'awaadhe ishoħattenu okaayana
Yohanise i'usundhe hi'ipa hasa napayu:

“Hune mi'aadhe puutate, miirasi Hallikito
okaayana kalla qhama qoradhintenu yaħa
hune falli? ⁸Lammi kodhmo c'uppito

kalla hole haahundhi hi'aasa kodhapa
⁹pukaƣate tahundina <Appa haani Abrehaame
ansheeƣni> olopayepa isadhihadhangu,

momalla payni anhunena payana Halliko
Abrehaamenu awruqinna mi'aadhesi hafise
i'algasna. ¹⁰Hantu kaki irkaƣosi kaarete kulle

kaleema ahawwadhi, momalla payni karko
awsho heesasi yeawshi kaasay aqoħnapa
hatte kitteema ak'uru. ¹¹C'uppito kalla qhama

holtenu haadhi ano shoħatte fandhetetaki
anhune shoħi, naqharray hoyekaleema
okayna Nasso K'ulk'ullopa hattetaki hune

shoħni, Uso hoyeesi uuma qula, ano
hxobe luqqe huusunakaki hudhdhooqhe
yeyeƣeƣasti. ¹²Sifteka ħarqqo huusuna. Uso

qintesi tomomi qarisi tubettay, kaspoosi
unguleemi yakni, naqharray kac'eesi hatte
ye'ime sheeqtisa idhdhilli.”

Shohadhe Iyyesuse

(Mar. 1:9-11; Luk'. 3:21-22)

¹³ Hingisana Iyesuse kolle Yordanoosesa shohatte shohadhenuki piyye Gelilanu hafipa Yohannise kula okayu. ¹⁴ Naqharray Yohannise: “Yekodhdhinti, yeesiki Ato shohatte yeshohinti dhiishey mala Ato yekula okaayti?” Kinapayipa isidhawrasa. ¹⁵ Iyesuse kabay hasi payi: “Hxur, kodhmo pare faqeete kaasasi onkittay kodhe qhooti ine qeefasti maallay ihasa kodhdhita.” ¹⁶ Iyesuse ishohatte shohadhupa fandheete kittate liquna hattaki moonto qhaashami, Nasso Hallikitoka liqno falalakitottay oodhdhupa Iyesuse sappeema isiƴakkadhana hi’u. ¹⁷ Hingisana ikkitto hasa payi moontikki qhaskadhi: “Haadhi Mi’aye Hayyu anc’igadhupa isanusottay hxasoodha husi uso.”

Temme Iyyesuse Dhappisenu Iit’uye

(Mar. 1:12-13; Luk'. 4:1-13)

4 ¹ Haysa tubettay Orrito qhamu Uso temmininu Nasso K’ulk’ullo Iyesusesi mandho kuli ashshittay. ² Haamateka kuyaƴago hudango salaḥ pa awne hudhango salaḥ yi’o male oladhu pa puffu. ³ Temambakosika Iyesuse kulaki okayipa hasa napayu: “Ato Mi’aye Hallikito akodhdhiti payni, into awriqi qhamu dhilanko kodhdhinenu hay!”

⁴ Naqharray Iyyesuse hasi napayi: “Qhawho K’aale pago Hallikitona liqay kaasataki faaki dhiishey, yi’ottay patta fandhika kippayamtipa toohamoy.”

⁵ Haysa tubettay Orrito Iyesusesi karo katamasi k’ulk’ulawwi Iyyerusalame kulaki ashshitapa Manne Hallikitona qharo sappeema shikkaarashupa hasa napayu: ⁶ “Ato Mi’aye Hallikito akodhdhiti payni into, haynu kalasa hek’ur; mo’o maalla payni hasa payamtipa toohamoy: Awruqe luqpe haahuusi qhamu yekuttumnenu harqqe huusundhittay qhamu hohellenu Halliko erkambatadhe huususiki i’hohayni.”

⁷ Iyyesuseka iholipa hasa napayu: “Waako Poqolho haahuusi olotetemmi kippayamtipa toohamoy.”

⁸ Orritoka holipa Iyesusesi qubo uuma sikaaba sappeema hadhdhasu pa mangistadhe piyye qhat’ete faqa pana kaanaste tuusundhi kaasasi nuhi’aasu pa hasa napayu: ⁹ “Aqulladhitipa yesagata payni hisi kaasaka anhoteehni.”

¹⁰ Hingisana Iyesuse hasi napayi: “Waako Poqolho haahunu sagat, usoosi patta kaanas! Kipayamtipa toohamoy.”

¹¹ Haysa tubettay Orrito Iyesusesi ihxuri, erkambatadhe Hallikitoka okayongipa nukodhadhongi.

Iyyesuse Qhamu Kollise Paayi

(Mar. 1:14-15; Luk². 4:14-15)

¹²Iyyesuse Yohannise qhamu shabamisa i'abaqhina piyye Galila kulaki ashshi.

¹³Katama Nazirateesika helahxurupa piyesi Zabloni pa Niftaleme paso Gelilana kaanta faqa K'efrenahoomo kula okayu pa isihaha faaka.

¹⁴Olisakka K'aalesi hxuumambako Isayase payina,

¹⁵“Onkesi paso kula ana'ashshi pa piyye kolle Yordanosena afeete faqay piyye Zabilone pa piyye Niftaleme pana piyyesi Gelilay koro Ayihudate yekodhdhu na'faaki,

¹⁶waarshosi tukkangito kittate faaka hammako dhamma ihi'i, koro kaase fartatena kalla faakanuka hammako nuliqi” qhamu dhikkantinu.

¹⁷Haysanu paayati Iyyesuse hasi paypa torrue paayu: “Ahxase Moontito qhooti it'uyti maallay c'uppito kalla hola.”

Iyyesuse Koro Hxaare Qappasi Qhamu Oofi

(Mar. 1:16-20; Luk². 5:1-11)

¹⁸Iyyesuse ipaso Gelilanna kaa'ita liqqana, qhawho lakki faaso pa qharungo Simioonesi anaPet'rose payi pa faaso huusu Indriyaase; usundheka koro hxaare qappa qhooti kodhdhe maallay hepasooma marabadhdhe qaasasiki hi'i. ¹⁹Iyyesuseka innapayina:

“Yekaleema okayama qhamo hxare qapaste kula hekoro yeqappasa anhune konniye.” ²⁰Usundheka hattaki marabadhdhe huusundhiisi helahxurepa nakala ashshongi.

²¹Haytusanaka ita tahxina, dhelle Zebdiwoose Yaik'oobe pa faaso huusu Yohannisesi hi'u. Usundheka hepaapo huusundhi Zebdiwoose illay konkito sappeete marabadhdhe qarsadhaasi oofu.

²²Usundheka hattaki kongo pa paapo huusundhiisi haama helahxurepa Uso kaleema ashshongi.

Iyyesuse Koro Kishaasi Qhamu

Kollisipa Dhinnisoy

(Luk². 6:17-19)

²³Iyyesuseka mannadhe huusundhi qissootatena kallaki kollisi pa Ahxasesi ote heesana isitorruyapa qhararo pa koro udhango pile pilettay udhdhamaasika isidhinnisapa piyye Galilay kaasay isia'ashsha. ²⁴Ote Tuusu piyye Sooriya kaasay qhooti qhaskati maallay, koro udhango pile pile pa udhango koro foot'uya pa koro nassidhdhe maqoomattay qappami pa koro udhango koro yimmeesa na'fagi pana koro totooni kaasasiki Uso kula okaase, Usoka dhinnisoy. ²⁵Koro piyye Galilapa koro Katama-Hudhdhanna pa koro katama Iyerusaleme pa koro piyye Yihuda pana koro kolle Yordanosena afenu okayi koro kisha Iyyesuse kaleema ashshi.

Kollise Iyesuse Qubito

5 ¹Iyesuse waarsho kisha hoUso kala ashshasiki hi'ipa qubo sappeema hadhdhupa ƴakkadhu; kolladhambawhe huusuka okayongipa Uso kapeema ƴakkadhongi. ²Hasa payupa usundhe kollise paayu.

Hxaso Dhukate

(Luk'. 6:20-23)

- ³“Koro ƴaako Nassawngitottay hiyyumi hohepoqadhi, Ahxase Moontito tuusundhi maallay.
- ⁴Koro ooya hohepoqadhi, Halliko qhooti usundhe dhigtisni mallay.
- ⁵Laalawhe hehepogadhe, qhooti piyye tayne maallay.
- ⁶Koro pare ƴaqenu puffapa isidheebodha hohepoqadhi, qhoti dhalañni mallay.
- ⁷Hekoronu hxurako kodha hehepogadhe, qhooti hxurako tayanne mallay.
- ⁸Hesaƴƴe huusundhi naheese hehepogadhe, qhooti Halliko hiine mallay.
- ⁹Hekoro ararsapa isi'nagayho kodha hehepogadhe, mi'aadhe Hallikito ippayame mallay.
- ¹⁰Heqhoota pare ƴaqe maallay a'usundhe qoqori hehepogadhe, Ahxase Moontito tuusundhi ikodhdhinti mallay. ¹¹Koro qhoota hayyu maallaki hune dhaqqisapa isihune qoqorapa maqno kaasasi

ayyadhettay isihuna torruya payni hune hehepoqate. ¹²Olho Ahxase Montitona atayante hodhamma qhooti kodhdhi maallay hxasoodhindhapa hxasa hoqhangu. Momalla payni hxuumambawhe hune qhara'ita ƴaqasika qhamusa kulaki qoqoreye.”

Liqno Sooqhito Pa Hohammakito

(Mar. 9:50; Luk'. 14:34-35)

¹³Nakaleemaka Iyesuse hasi payi: “Hune sooqho piyyina, naqharray soorno soqhungitosiki dhabi payni mali soore alkasni? Qintekata helatuqhepa luhhettay oqenuitoy malapasini. ¹⁴Hune hammako qhaa'ete, katama aqubo sappeema qubadhi bhadhdhame ye'algasi. ¹⁵Qhawho hammako qhawsisapa isinna taango qhubabi yeƴaqi, laadhdhi koro manneete kalla ƴaqa kaasanu qhamo haahninu hayto armadha sappeema aħawwadhi. ¹⁶Qhamussa kula koro qhamu kodhmo haahundhi heesasi emnipa Paapo haahundhi moontitonu kalata teeħunnu hammako haahudhika korito mintate ihaaha.”

Higge pa hxuumambawhe

¹⁷Iyyesuseka iholipa hasa payu: “Ano hohigge Muuse pa kollise hxuumambawhatte pullenu okayi innahune liqu, Ano qhamu dhikkannenu kan okayi dhiishey pulenu anuokayuka. ¹⁸Dhuke anhune ƴalli, moonto pa piyye hagi liqqine saasa higge idhdhikkanay dhiishey toħite to'ote taakinti

tohite tikisakaki yenahaqhniti. ¹⁹Hussa mallay qhawho hayidhina kittate teqhac'aasi pullapa koroka qhamu pullinu isikollisa Ahxase Moontitona hoqhac'a ipayamni. Naqharray qhawho hayidhi kaasasi kodhapa koro pileka qhamu konninu isikollisa Ahxase Moontitona hoqula ipayamni. ²⁰Lammi pare faqe haahundhiki pare faqe kollisambawhe higgatepa feresawadheetena yequlu payni Ahxase moontito kula mo'okaki payni hunihullinte.

Onke yeqe'astittay olomiirodhi

²¹“Koro kedhdhana <Olopoqi, qhawho qhawho poqisa innaqhaqhamnay> qhamo anapaysa a'abaqhte. ²²Ano naqharray anhunena payana: qhawho qharungo taakinti faso huususa miiroodha kaasay innaqhaqhamnay, holuppa qhawho qharungo huusu taakinti faso huusuna <feebako> napayipa dhaqqisusa tanynyadhe naqhaqhite qhaqhna, qhawho qhawhito <Tarurko> payipa dhaqsamu kaasasi hatte Gahanamatesa ik'uramni. ²³Hussa maallay ato hayto teeħakitosa ateeħako teeħenu iif'uytipa qhawhana dhappiti isifaqapa helataaya payni, ²⁴teeħako haahuusi hayto anateeħako teeħi minteema ħawwadħpa qhariteema ashshopa qhawhusa fale araramay, ħaysa tubettay okayapa teeħako haahuusi Hallikonu teeħay. ²⁵Paragaritto haahu hokasasipa ille'fale manne qhaqhittate kula

isaashshangu payni asanito qayyanguna uso fale araram. Hasaki yekodhdhu payni paragaritto haahu tanynyanki hoteeħni, tanynyaka hohoshapnanuki hoteeħnipa manne shappeetesa ħullay. ²⁶Dhuke anho'fali, pirraadhe haga murtipa dhikkisa saasa shappeete atuliqinti.”

Kollingo Qhoota Maaso Kaa'ita Ateeħi

²⁷Nakaleemaka Iyesuse hasi payi: Olomaase qhamo anapaysa a'abaqhte. ²⁸Ano naqharray anhunena iyyana: qhawho ħiskato emmipa dharrau kaasay, ħingisana sa'fago husuttay immaasi payyo. ²⁹Apayni ehxte taahu miskitte hodhappisa payni helayukpa k'uray, dhaginte taahu kaasay Gehaneme hatte yeime sheeqtisa holak'uramnana kaanta dhaginte taahunaka karo tookko dhabintiki howoyyina. ³⁰Apayni ħarqo haahu miskitto hodhappisa payni helaqoħpa k'uray, dhaginte taahu kaasay Gehaneme hatte yeime sheeqtisa holak'uramnana kaanta dhaginte taahunaka karo tookko dhabintiki howoyyina.

Kollise Qhoota Illeishiqate

³¹“<Qhawho naħaye tuusu ishiqa kaasay iwwarak'ate ishiqateesi tooħipa nuteeħu>” kippayamti. ³²Naqharray Ano anhunena payana: Qhawho naħaye tuusu yemaasuna ishiqi kaasay qhamo immastinuki kodhasi,

qhawho ħiskato onke hasa liqattay ishqamtiisi akkika immaasi.

Kollise Qhoota Agutteete

³³ Holuppa qhamu akoro kedhdhana hasa paysi a'abaqhte, Olo'ayya agutadhe, naqharray agutte taahundhisi Poqolhonu hxura. ³⁴ Ano naqharray anhunena payana: inna'agutadhongu. Moonto ħakkate Hallikito qhooti kodhdhi maallay, moontoosi olo'agutadhe; ³⁵ piyyeka oqqadhe luqqe Hallikitona qhooti kodhdhiti maallay piyyesika olo'agutadhe; Iyyerusalemeka katamasi Nigusa dhammana qhooti kodhdhiti maallay olo'agutadhattay; ³⁶ kaso haahuna kittate to'okosikaki hopi'fa taakinti hokumma kodhe qhoota atualkasinti maallay hettaka olo'agutadhi. ³⁷ Husa maallay ħallite taahundhi, "Ee" payni "Ee" taakinti "Errayto" payni "Errayto" ikodhdhita. Naqharray ħallite ħayna liqiti teOrittito.

Haalo Holase Yeqee'asti

(Luk'. 6:27-36)

³⁸ "Qhamo apayna <Ehxte kaba ehxte, ilqako kaba ilqakosa> a'abaqhte. ³⁹ Ano naqharray hasa anhunena payi, koro huneema maqno kodhasi olohaaluye. Apayni qhawho hola ħadho miskito kana'asadhi payni tokkoosika nanulaaq. ⁴⁰ Apayni qhawho hola koote taahu kaluusi akkadhe woapa

isihokasasa payni koote qutuusika nanuteeħ.

⁴¹ Apayni qhawho hoyyana <Kilo metire tookkopa karo saasa ye'ale ashshopa> isihokittuya payni ato holpa husa kula qa'itti padhawpa na'ale ashshoy. ⁴² Qhawho hola olo qissadhanu teeħ! Qhawho hola pasante kas'adhaasi olodhawri."

Baragara C'igadhe

(Luk'. 6:27-36)

⁴³ "Qhamo apayna <Dhalito haahuusi c'ikadha, paragara haahuusi shikkasa> a'abaqhte." ⁴⁴ Ano naqharray hasa anhunena iyyi, paragaradhe haahundhisi c'ikadhinda, [koro hune qhic'anu sakintha, koro hune shikkanu olho ħeesa kodha,] koro olho maqa huneema kodhapa isihune qoqoranu qissadha. ⁴⁵ Olisa kotte payni Paaposi haahundhi moontito ħaakana mi'aadhe Huusuka kodhdhinte. Uso koro maqooma pa koro ħeesoomanu oqhaye innulihasa, holuppa koro pare ħaqa pana koro yepare ħaqinuka irrawosi innudhibasa. ⁴⁶ Momalla payni koro hune c'ikaasi pattaka ac'ikatte payni mo'o atayadhinte? C'uppolawheka hussasi ikodhangi ħandhi? ⁴⁷ Dhalito haahundhisa pattaki aħaste payni olho qula mo'o akkotte? Koro yeHalliko arika olisaasi ikodhdha ħandhi? ⁴⁸ Husa maallay Paapo haahundhi moontito qhooti pare kodhdhi maallay hunekka pare kodhdha.

Qhoota Hiyyawhe K'ark'are

6¹ Nakaleemaka Iyesuse hasi payi: “Koronu hehi’asettay kodhmo haahundhi heesasi kodhete kalla hetifitadhinda, apayni qhamusa kulaki akotte payni Paapo haahundhi moontitona kaanta olha tayadhinte yeŋagi. ²Hussa maallay hinga ahiyawhenu teeḥako teeḥtena qhamosi koro hepaseesa mannadhe qissootate pana onkadheete kaattame yoqha kula hune koronu olohehi’aase. Dhuke anhune ŋalli, usundhe olhu tayadhe usundhe qeeŋastiisi qhariteemi akkadhe. ³Ato naqharray ahiyyawhenu teeḥa payni olho ḥarqo haahu miskitto kodhiisi ḥarqo piḥato haahu inniaru. ⁴Huusa mallay ato teeḥakoosi bhadhamtettay teeḥ, Paapo haahu olho abhadhamtettay kodhiisi hi’a kodhmo haahu heesana olhu tayadhe hoqeŋasisi ihommurraye.

Qhoota Qissootate

(Luk'. 11:2-4)

⁵“Aqissadhangu payni qhamo korossi hepaseesa kula olokodhdhe, usundhe koronu hehi’asenuki mannadhe qissootate pana onkadheete hinaseema shikkaarepa qissooti c’igadhe. Dhuke anhune ŋalli, usundhe olhu tayadhe usundhe geŋasisi qhariteemi akkadhe. ⁶Naqharray ato aqissadha payni manne kalla ḥullipa mankaḥe k’ubopa Paaposi haahu ḥayto olohi’ina ŋaqapa isiye’armadhiisi qissadhay, Paaposi haahu

olho abhadhamtettay kodhiisi hi’a, kodhmo haahu heesana olhu tayadhe hoqeŋasisi ihommurraye.

⁷“Hune aqissadhanguna qhamossi koro yekoro Ayihudate kodhdhu kula k’aaladhe taytena olohohole, usundhe ipaynangina k’aaladhetete hoholettay Halliko qissoote tuusundhiisi hona’abaqhnaki nuliqti. ⁸Hussa mallay qhamo huusundhi kula olokodhdhe, olho hune qeeŋasaasi Paapo haahundhi haannay huni qissadhonguna qhara’ita i’araye. ⁹Hussa maallay hune onke hasa liqattay qissadha:

Appa haani moontito ŋaaka,
Makaḥko Haahu ik’ulk’ulawwa, ¹⁰Ahxase
taahu i’okayta,
wo’ogo haahu qhamu montooma kodhdhi
kula,
piyyeemaka ikodhdha.

¹¹Yi’o haani kuyaŋagitoosi kuyyu ineteeḥ.

¹²Koro inena dhappinu qhamo annuhxurri
kula,

dhappite taanisika inehxur.

¹³Temmateema oloine ḥulleesima
maqnitito ine pinnis.

[Ahxase pa humna pa kaanaste
perre yehume sheeqena Haahuye.

Ameen.]

¹⁴“Apayni koro hunena dhappinuki adhdhappite tuusundhi hxurte payni, Paapo haahundhi moontitoka c’uppo haahundhisi ihune hxurra. ¹⁵Naqharray koronuki dhappite tuusudhiisi hunihxurte payni Paapo

haahundhika c'uppo haahundhisi yehune
hxurri.”

Qhoota Yi'o pa ũugte Male Qissadhe

¹⁶Nakaleemaka Iyesuse hasi payi: “Korossi hepasesa ħinge iyyi'o pa ũugte male qissadhena koro qhamu yi'o pa ũugte male iqissadhesa arrinu koro azana kula minte tuusundhisi hela oohesa hune minte taahundhisi olohela oohe. Dhuke anhune ũalli: usundhe olhu tayadhe usundhe qeũasisi i'akkadhe. ¹⁷Naqharray ato ħinge ayi'o pa ũugte male qissatina minte taahuusi helashoĥ, pukaũate taahuusika helashiinay, ¹⁸onke hasa liqattay yi'opa ũugte male qissadhe taahuusi Paapo haahu yearmadhi pattama yaĥaka yearri; Paaposi haahu kodhmo abhadhamtettay kodhiisi ħi'a olhu tayadhe hogeũasisi ihommurra.”

Shorokunko Moontito

(Luk'. 12:33-34)

¹⁹Iyesuse iholipa hasa payu: “Shorokunkoosi ħayto itte naĥarkishtipa isinnak'oorasa, kerũeka qoqondhopa isinnakereũasa piyyisaama oloilla holsadhe. ²⁰Husana kaanta shorokungo haahundhisi ħayto itte yenaĥarkishintipa ħayto yenaĥarkishintipa kerũeka yeqondhintipa kereũe algasisa moontooma illaholsadha; ²¹momalla payni ħayto shorokungo haahu ũaqina saũago haahuka ħaytusanaki ũaqni.

Hammako Pishkito

(Luk'. 11:34-36)

²²“Ehxhxe hammako pishkito, husa maallay ehxhxe taahu teĥeesay kodhdhi payni pishko haahu kaasay hohaaha ikodhdhini, ²³naqharray ehxhxe taahu udhama payni pishko haahu kaasaka tukkango ikodhdhini. Lammi hammako hola kittate ũaqa tukkani payni tukkangoka uumati naũani!”

ũaako Piyyinu Olorakkadhi

(Luk'. 16:13; 12:22-31)

²⁴“Qhawho yaĥakka poqolho lakkinu kodhadhe yealkasi. Tokkoosi ishikkina, tokkoosi kabay ic'iganna, taakinti tokkoosi ikaanasna. Tokkoosi kabay idhafna. Hallikopa kodhatenu kodhambawhe kodhdhe hunialkasinte. ²⁵Hussa maallay anhunena payana ũaqa haahundhinu <Mo'o ayyiinaani? Ata mo'o anũugnaani?> Taakinti pishko hahundhinuka <Mo'o an'urkuynaani?> Olopayepa isarakadhangu. Yitito kaanta ũaqa, lallate kaantaka pishko yequli? ²⁶Into aaqe moontito eemindha, yepooĥadhe, yeqimadhe, riqteemaka yeyakadhe, ikodhdhitama kabay Paapo haahundhi moontito usundhe yi'asha; laadhdhi hune aaqenu uuma huniqulte? ²⁷Keeni hunena kittate qhawho rakkadhipa perre huususa saate toote padhaawadhe alkasu yaĥa?

²⁸ “Eepa isamoonu laallenu rakkadhangu? Into miisisa lefako’ita pise qhamu malaala qohe eemindha! Yetardhe, yesaqhuyeka; ²⁹ ikodhdhitama kabay anhunena payana Selemoonekaki kaanaste tuusuna usundhena kittate qhamo pisitako tookko kula ye’urkuyuka. ³⁰ Hune hedhukkaysadhe hunena qhac’iti Halliko fashkusa lifaka’ita kuyyu armadhapa qhayna hatteema isiyaknasiki hasa urkeesi payni, huneesi malaalaki yequlasnipa hune urkeesu? ³¹ Husa maallay olopayenna: ‹Mo’o ayyinaani? Mo’o anfugnaani? Ata mo’o anurkuynaani?› Pa isarakkadhangu. ³² Momalla payni olissa kaasasi korossi yeHalliko ariki tayadhenu qeefa, olissa kaasay qhamu ihune qeefasisa Paapo haahundhi moontito i’ara. ³³ Hune naqharray olho kaasana intoosapa Ahxase Hallikito pa pare fagungo Huusu qeefanguma hissa kaasay ihune padhaawamnaye. ³⁴ Husa mallay kuyafago qhaynanu olorakadhe, momalla payni kuyafago qhayna puka fate tuusunuki rakkadhiye kuyafago faqa kaasay rakko uso hxafnaasiki sheeqi.”

Koro pileema oloqhaqhitte qhaqhe

(Luk. 6:37-42)

7 ¹ Nakaleemaka Iyesuse hasi payi: Qhamu yehuna qhaqhamintinu ya hamaka qhaqhite oloqhaqhe. ² Momalla payni qhaqhitisay akkoro pileema qhaqhtettay huneemaka iqhaqhamnay, bhat’olissay

abhat’tenguttaki ihune bhat’aminti. ³ Moonuki a’ehxte qharungo taakinti faso haahuna kittate ammiisite takkasasi eemtipa dhibtakussa ehxte taahuna kittate faqaasi isiatuhela hiiti? ⁴ Holupa dhibtakussa ehxte taahuna innifaqana, malaala faso taakinti qharungo haahuna iitina: Into miisitissay ehxtate hola faqaasi anhola yuka? ⁵ Ato hohepaseesa! Qhariteema dhibtakussa ehxte taahuna faqaasi helayukuma, haysa tubettay miisitisa faso taakinti qharungo haahuna ehxtate faqaasi yukenu toomomate ahiintiye. ⁶ Olho k’ulk’ulawisi harrenu oloteehe, fureesi luumadhe minteema oloyake, luumadhe fureesi luhhetaki ihunena oqne, harreka ihollapa hune qhawwongi.

Olho Qissooteta tayama

(Luk. 11:9-13)

⁷ Qissadhama ahune tee hnaye, qee fama atayananguye, mankahe kohisama ahune qhaashamnaye, ⁸ momalla payni qhawho qissadha kaasanu ittee hamna, qhawho qee fadha ittayanna, qhawho mangahe kohisanuka innuqhashamna. ⁹ Hunena kittate qhawho mi’aye huusu innadhilantako kas fadhana honuawruko tee ha ya ha? ¹⁰ Taakinti inahxaarite kas fadhana tawwo innutee hna? ¹¹ Lammi hune hemaqawhe kodhdhiteki mi’aadhe haahundhinu olho heesa tee he ara payni Paapo haahundhi moontito faqa heUso qissadhanu olho heesasi maallaki yequlasnipa nutee hu.

¹²Hussa maallay olho koro huneesi qhamu konninu awoote kaasasi hunekka koronu qhamusa kula kodha. Mat’afaadhe Higgate pa heHxumambawhateka hasi koroosi kollise.

Qhoota Mankahe T’ululana

(Luk². 13:24)

¹³Mankahe t’ululattay hulla, moomalla payni mankahe karo patitate kula anaḥulli heqandhaḥa, onkeka teqandhaḥay. Koro mankaḥissattay hullinaka hokisha. ¹⁴Naqharray mankahe karo ḥaqito kula anaḥuli het’ululla, onkeka tekoro rakkisa, henahulinaka heqhac’a.

Hxuumambawhe Ayya

(Luk². 6:43-44)

¹⁵Ḥillo ḥeemate urkuynepa huna okayongi, naqharray kitte tuusundhi qhamo ooshe olo simidha kula kodhdhe, hxuumambawhe ayyanna kalla hetifitadhindha. ¹⁶Usundheesi awsho huusundhitaki aupadhinte. Akkatate awsho weynate taakinti hxashhxashito awsho karko belesatena anayuuta? ¹⁷Laadhdhi karko ḥeesa kaasay awsho ḥeesa i’awshi, naqharray karko maqa awsho maqaasiki awshi. ¹⁸Karko ḥeesa awsho maqaasi awshe ye’alkasika, karko maqaka awsho ḥeesasi awshe ye’alkasi. ¹⁹Karko awsho ḥeesa ye’awshi kaasasi aqoḥnapa hatteema ak’uru. ²⁰Hussa maallay hxuumambawhe ayyasi awsho huusundhitaki a’upadhinte.

²¹Qhawho wo’ogo Appa hayyu Moontitona kodha dhiishay hoyela Poqolho hayyu, Poqolho hayyu payi kaasay Ahxase Moontitosa yeḥullinika. ²²Kuyaḥago qhaqhitatena koro kisha hasi yelapayni: Poqolho hayyu, Poqolho hayyu, Makaanko Haahuuttay hxuuma iniḥaladhooni? Nassidhdhe maqoomaasi Makaanko Haahuuttay inilihasooni? Dhahxhooaadhe kishaasi Makaanko Haahuuttay inikodhooni? ²³Anoka kuyaḥagusana hasa anapayni: “Hune hehigge huni tifitate mo’okaki payni anuhuneari! Yela kanta sikaabuya.”

Manne Amoqhorko pa taḥakoma Qubadhi

(Luk². 6:47-49)

²⁴“Momaalla payni qhawho yaḥakka K’aali tayyusi abaqhasipa isikodha kaasay, qhawho moqhorko sappeema manne qubtadhiisiki liqi. ²⁵Irrawwo idhdhibi, kolleka sorri, uruureka ururuyipa mannesisi suqquri, naqharray mannissa qhooti moqhorkooma qubtame maallay yeranongi. ²⁶Naqharray qhawho yaḥakka K’aale tayyusi abaqhipa isiyekodhi, qhawho ḥeebako hotaḥako sappeema manne qubtadhiisiki liqi. ²⁷Irrawwo idhdhibi, kolleka sorri, uruureka ururuyipa mannesisi suqquri, mannisaka ranongi, ranisaka hemaqi kodhdhe.” ²⁸Iyesuse i’olisaasi torruyipa dhikkisu tubettay waarsho kollise tusuttay idhdhahxhxi. ²⁹Olhunamallay dhahxhika, Uso kollisambawhe Higgate kula

yekodhdhuma qhamo qhawho humna rafisate sheeqa kula qhooti kollisinu.

Iyesuse Qhawho Udhango Lemt'attay^b

Qabamiisi Qhamu Alheesi

(Mar. 1:40-45; Luk'. 5:12-16)

8¹Iyesuse iqubonu oodhina, waarsho kisha Uso kaleema ashshi. ²Ĥingisana qhawho udhango lemt'e anapay nafaqiki okayipa hasa payupa naminteema qulladhu: “Poqolho hayyu, awo'ay payni yealheesesi a'alkasnay.” ³Iyesuseka ĥarqqotaki shokki qappadhupa: “Awo'aye alheesama.” Napayupa qhawhossi lemt'e nafaqtika minakalte alheesami. ⁴Ĥaysa tubettay Iyesuse, qhawhosina hasi napayi: “Oliisi yaĥanuka innafallu, naqharray ashshapa k'esitonu hehi'aasay, teeĥakosi Muuse hayiisi itt'oosay, hussaka misikire innakodhdhniye.”

Iyesuse Qhamu Rafisambako Dhippana

Kodhambako Huusu Dhinisi

(Luk'. 7:1-10)

⁵Iyesuse ĥingsi ashshipa katama K'ifirenahoomesa ĥullunna, qhawho piyye Roomena hokoro orĥangito qhawho dhippa rafisa Uso kula okayipa hasa payupa waatadhu: ⁶“Poqolho hayyu, kodhambako hayyu totoonipa isiuuma ōofo'odhapa isirafa” ⁷Iyesuseka innapayina: “Ano okayna

pa dhinisa.” ⁸Naqharray qhawhossi koro orĥangito qhawho dhippa rafisaka hasi payipa nuholasu: “Poqolho hayyu, Ato manne hayyu kaleema ĥullenu ano qhawho qeeŋasa ŋandhika, naqharray K'aale patta ŋallima, kodhambako hayyu idhdhinnaye. ⁹Qhamusa kula ano pukaŋate tayyuna rafisambawhe hayyunu honuhayama, heorĥango qhiba heanhayi ŋaqa, usundhisana kittate tookito: <Ashsha> kanabay payni i'ashsha, tookitoka <Okay> kanabay payni i'okaya, kodhambako hayyunaka: <Oliisi kodh> kanabay payni i'kodha.”

¹⁰Iyesuse i'olisaasi abaqhina idhahxhxi pa korossi Uso kala ashshanaka hasa payu: “Dhuke anhune ŋalli, dhukkaysadhi hasaqafiti dhammaasi koro Isiraelatena kaki anuhiu. ¹¹Kulay anhunena payana: waarsho kisha ĥayto oqhaye liqa pa oqhaye ĥullana koru okaynapa Ahxase Moontitona Abrehome pa Yisaak'e pana Yaik'oobe ŋale yi'enu ŋakkadhu. ¹²Naqharray koro Ahxasi Moontito nuqarsamti qinte kalay tukkangoosi seeto koray ŋaqa kitteema a'usundhe yakni. Ĥaytusanaka ooye pa ilqe illaqhume kodhdhamanna.” ¹³Ĥaysa tubettay, Iyesuse rafisambakosi dhippana hasi napayi: “Ashshapa qhamu adhukkaysatisa ihokodhdhita.” Saatisi hasa napayna kodhambakosi huusuka idhdhini.

^b8:1 Qhamo Ma'afa K'ulk'ullo ŋalli kula (Lewa. 13-14) lemt'e payyo udhango pishkito korito liqaba isiliqno ŋawni ŋawni sheega pa isikora tahxha.

Iyesuse Koro Kisha
Houdhdhamaasi Qhamu Dhinnisi

(Mar. 1:29-34; Luk². 4:38-41)

¹⁴Iyesuse hoPet'iroosena manne kulaki ashshipa ħulluna sooqitte Pet'iroose ippawwaŋatipa isirafay. ¹⁵Iħarqo hiisisi naqappadhina tornosi nasalipa haŋi olho usundhe geeŋasa nukodhi. ¹⁶Ĥayto i'awnuyina koro nassidhdhe maqoomattay qappami hokishasiki Iyesuse kula okayettay, Usoka nassidhdhesi maqoomaasi K'aalettaki nalihasi, koro udhama kaasasika dhinnisoy. ¹⁷Olisaasi kodhettay hxuumasi Isayase hasa payipa ŋalladhuki dhikkadhi: "Udhume haanisi Uso inena akkadhi, qhararo haanisika inena dhooqhadhoy."

Rakkidhe Koro Iyesuse
Kala Ashshasa Hxafna

(Luk². 9:57-62)

¹⁸Iyesuse koro kisha qhamu Uso kapeema illa holiisiki hi'ina kora pasito afe koray qhamu tahxhxinenu kolladhambawhesi hayu. ¹⁹Ĥaysa tubettay kollisambako higgate, Iyesuse kula okayipa hasa napayu: "Kollisambako hayyu, ħayto Ato nakula ashshinti kaasay anoka hoŋale anashshini." ²⁰Iyesuseka hasi paypa nuholasu: Kaŋalle hxohxonidhe ishsheege, aaqe moontitoka

mannaadhe ishsheege. Naqharray Ano Mi'aye qhawhito ħayto annahxaysanikaki anusheeqi.

²¹Kolladhambawhatte kittate tookko hasi paypa Iyesusesi kasŋadhu: "Poqolho hayyu, qhariteema qhama ashshinipa paapo hayyu maayasanu yepay". ²²Iyesuse kabay hasi napayi: "Ato yekala okay! Hefarresi hehuusundhi farre qhamu maynenu hxur."

Iyesuse Qhamu Bimbe Hess Paasi

(Mar. 4:35-41; Luk². 8:22-25)

²³Iyesuseka ikonko sappeema hadhdhina kolladhambawhe huusu naŋali ashshe. ²⁴Tutuppe bimbe haħay qhooti pasosisa paayati maallay kakantulame ŋandheete konkosisi loqheemati it'oose, naqharray ħingisana Iyesuse ippiaadhi. ²⁵Kolladhambawheka Uso kulaki itt'uyepa haŋisoongipa hasa napayoongi: "Poqolho haani! Ata kulay anhumaaniye inepinnis!"

²⁶Usoka innapayina: "Hune hedhukkaysadhe hunena qhac'ti, ata mo'o hune tayipa isaqaabangu?" Ĥaysa tubettay Iyesuse ihaŋi ururepa kakantulame pasositosi qheeru, olho kaasaka hess payu. ²⁷Korossika dhahxhxupa isihasa kodhdha: "Ata Qhawhu binbepa pasoka nuhayame homalaliqa?"

Iyesuse Qhawho Lakki Henassidhe
Maqattay Qappameesi Qhamu Dhinnisi

(Mar. 5:1-20; Luk'. 8:26-39)

²⁸Iyesuse afe koraki tahxhuxipa piyye Gergesoone kula okayunna, qhawho lakki henassidhe maqattay qappameki hayto hawlaadheetenu liqipa naahxafongi, qhooti maqawhe kodhdhe mallay qhawho onkisattay liqqe ye'alkasika. ²⁹Usundheka hasi payepa riirongi: Ato Mi'aye Hallikito Iyesuse, manhola sheeqni? Heere haani yehxafonginnaki a'ine foot'uyenu okayti? ³⁰Haytusa usundhe faqena hayto okoto sikaabana luumadhe kisha hekoshadhaki faqa. ³¹Nassidhdhesi maqaka hasi payepa Iyesusesi waatadhongi. "A'ine lihasna payni luumadhe irpangusa kora kitteema qhamo anashshinanipa yakamaaninu inelaaqi!" ³²Iyesuseka innapayina: "Ashshindha!" Husa maallay qhawho lakkisina kittate illiqepa ashshongi luumadhesi kitteema yakamongi. Irpantisa kaasay polle kati hayyepa fandhe kitteema loqhqhadhongipa farroongi. ³³Hessi luumaadhe koshaka iqoradhepa ashshongi katamana hulloongipa olho kodhdhamadhipa olho qhawho lakkissi nassidhdhe maqattay qappamesa kodhdhamadhi kaasasika torruiyongi. ³⁴Haysa tubettay koro katamisana faaka kaasay Iyesuse eemenuki okayipa hi'unna

qhamu piyye tuusundhina liqnipa ashshonuki waatadhe.

Iyesuse Qhamu Qhawho Tonnako Dhinisi

(Mar. 2:1-12; Luk'. 5:17-26)

9¹Haysa tubettay Iyesuse konkoomi hadhdhipa pasito tahxhxupa karo katama huusu kula okayu. ²Haysanna koro qhawho totoonisi Uso kula okayittay. Usoka dhukkaysadhe tuusundhisiki innahi'ipa qhawhossi totonina hasa payu: "Haay ato mi'ayi oloqaabima c'uppo haahu ihohxuramiye." ³Hingisana kollisambawhe higge Muusena kittate tookke tookke hasi payepa isisa'fe kittekata dhihadhangi: "Kula qhawhu Hallikoosiki dhaqisi" ⁴Iyesuseka dhihattoote tuusundhisiki inna'aripa hasa napayu: "Moonuka olisa maqaasi assa'fe haahundhina kittekata dhihatte? ⁵Kenni <C'uppo haahu ihohxurami paye> taakinti <Ha'apa ashshoy> payeete fallitisana tingaki nawoyya? ⁶Naqharray Ano Mi'aye qhawhitonu piyyina sappeete c'uppo hxurasenu qhamu humna sheeqisa anhune arasi" kippayipa qhawhossi totoonina hasa payu: "Ha'apa t'arfe taahu dhooqhadhopa manne haahu kula faagoy". ⁷Qhawhosika iha'ipa manne huusu kula faagoy. ⁸Waarshoka i'olisa hi'ina idhdhahxhi, humna hasa liqaasi koronu tee'ettay Hallikoosi kaanasongi.

Iyesuse Matiwoosesi Anapay

Lewesi Qhamu Oofi

(Mar. 2:13-17; Luk. 5:27-32)

⁹Iyesuse ihaytusana liqqana qhawho k'arat'o soo'fa hoana Matiwoose payi ho'hayto k'arat'itona fakkadhasiki hi'ipa hasa napayu: "Yekala okay!" Usoka hafupa nakala ashshoy.

¹⁰Iyesuse hoMatewosena manneete iyyi'o yi'ana koro k'arat'o soo'apa c'uppolawhe okayipa Usopa kolladhambawhe huusu fale yi'o yi'enu fakkadhongi. ¹¹Feresawadheka olisaasiki hi'epa kolladhambawhe huusuna hasa payongi: "Kollisambako haahundhi moonuki koro k'arat'o soo'fa pa c'uppolawhe fale yi'o yi'i?" ¹²Iyesuseka olisa ifalladhesiki abaqhipa hasa napayupa nuholasu: "Akimito koro udhdhamanu dhiishay koro heesoomanu yeqee'asika. ¹³Ashshindhapa k'aalesi iyyana <Ano hxurako awo'i dhiishey tee'ako fandhika> qhottusadhangupa arongu. Ano olhannu okayi hepare faqanu fandhima c'uppolawhesi karo Hallikito holasenu."

Kasfo Qhoota Yi'o pa fugte Male

Qissadhe Kaa'ita Iituyi

(Mar. 2:18-22; Luk. 5:33-39)

¹⁴Hingisana kolladhambawhe Yohaniseki Iyesuse kula okayipa hasa payongipa kasfadhongi: "Ine pa Feresawadhe kuyafago kaasiki ant'oomni, naqharray

kolladhambawhe haahu moomallaki qhamusa kula yekodhe?" ¹⁵Iyesuseka hasi napayi: Akkambako i'usundhe fale faqana uyyattadhe azani alkasna? Naqharray kuyafago akkambakusa usundhena kaanta akamniki okayna, hingisana it'oomnangi.

¹⁶Qhawho lalle keeshshattema muuqhatte qhawtite muuqha ye'faqi, hasi kodhi payni muuqhatte qhawtitsay lalle keeshatisaasi ikka'anapa kaa'fanisaka uuma qandhafi.

¹⁷Qhamusa kula qhawho surbo keeshshakooma t'ajje weynate madhdheesi tiiqa ye'faqika, naqharray hasi kodhi payni, surbusa ik'oona, t'ajje weynateka ituqhamnay, surbusaka iharkishamna. Naqharray t'ajje weynate madhdheesi surbo qhawtitoma atiiqi, onke hasa liqattay lakkintoy he'heesaki kodhdhine.

Mi'aye Iyya'iroose Pa Hiskatosi

Lalle Iyesuse Qappadhiti

(Mar. 5:21-43; Luk. 8:40-56)

¹⁸Iyesuse ihannay olisaasi nutorruiyana, rafisambako manne qissoote koro Ayihudatenaki Uso kula okaypa luhhe kala naranupa hasa napayu: "Akko kulay mi'aye tayyu yelafari, naqharray Ato okayipa harqo haahuusi nasaappa qabadha payni idhdhinnay". ¹⁹Iyesuseka iha'ipa na'fale ashshoy, kolladhambawheka nakala ashshongi.

²⁰ Hiskato to'on teperko hudhdhanpa lakki kaasay k'eeqhte na'eltiki okayipa konnatta koru kayle lalle Tuusuna qappadhi.

²¹ Olhu namallay hasa kotti qhooti hasa paytipa dhihadho maallay: "Lalle tuusu pattakaki annaqappadhini payni andhinna".

²² Iyesuseka illaqqammi ise emmupa hasa napayu: "Haay, mi'aye tayyu, dhukkaysadhe taahi ihedhinisti" Hiskatosika satisana idhdhinti.

²³ Haysa tubettay Iyesuse qhawhossi manne qissoote koro Ayihudate rafisana imanne huusuna hxafina koro ilmata hosootadhe yoqha pa koro howac'ac'a pa isiriira pana isi'ooyasiki hi'i. ²⁴ Usoka hasi napayi: "Haysana liqa. Momalla payni mi'ayi kulay ippiatima yefaruye." Naqharray usundhe inakishshafe. ²⁵ Korossi illiqi tubettay, Iyesuse manne mi'ayesi nakalla faqti kaleemi hullipa harqo naqabuna, iseka iha'ati. ²⁶ Olissa kodhdhamadhika piyyaadhisana haysa kaa'ita faqa kaasaki qhaskadhi.

Iyesuse Taafawhe Lakkipa Qhawho

Muumisi Qhamu Dhinisi

²⁷ Iyesuse i'ha'ipa isi'ashshana, taafawhe qhawho lakki hasa payipa isiriirapa isinakala ashsha: "Mi'aye Daawite, ma'ala ine qhararsadh." ²⁸ Iyesuse immanne kala hullina taafawhesi Uso kulaki okaye, Usoka hasina payi: "Oliisi qhamu ankodhe alkasisa adhukaysadhangu?" Usundheka hasi payepa nuholasoongi: "Ee, Poqolho haani." ²⁹ Haysa

tubettay Iyesuse ehxhe huusundhiisi inaqaqappadhipa hasa napayu: "Qhamo dhukkaysadhe taahundhisa ihune kodhdhita".

³⁰ Ehxhe huusundhika naqhaashamongi. Iyesuseka: "Oliisi ya'hanuka olo'falli" kinapaypa kokkisupa nu'alu. ³¹ Naqharray usundhe i'ashshepa olhossi Iyesuse nukodhiisi piyyaadhdhe haysa kaa'ita faqa kaasay torruiyongi.

³² Korossi ehxhe naqhaashame illiqipa ashshona, koro pile holipa qhawho nasso maqattay qabamipa mumusi Iyesuse kula okaasu. ³³ Nassossi maqaka innaliqi tubettay qhawhossi muumika i'falladhi. Waarshoka: "Oli hasa liqa piyye Isiraelatena haga kuyyu saasa olohi'u!" Kipaypa dhahxhu. ³⁴ Naqharray Feresawadhe i'iyangina: "Kulay Uso rafisambako nassidhdhe maqattaki nassidhdhe maqa lihhasi."

Iyesuse Qhamu Waarsho Qhararsadhi

³⁵ Iyesuseka mannadhe huusundhi qissootatena kallaki kollisi pa Ahxasesi ote heesana isitorruyapa qhararo pa koro udhango pile pilettay udhdhamaasika isidhinnisapa katamaadhe pa qodhdhadhe kaasay isia'ashsha. ³⁶ Naqharray iwwarshoosi eemina femme koshshito dhabe pa hxurmadhonkipa isirakkadha kula qhooti kodhdhe maallay iqhararsadhi. ³⁷ Husa maallay kolladhambawhatte hasa innapayi: "Lammi qimako ikkisha, naqharray kodhambawhe qimakusana

heqhac’a. ³⁸Hussa mallay Paapo qimakito kodhambawhesi qhamu qimako huususa padhawnipa eragunu waatadha.”

Hudhdhanpa Lakkissi Iyesuse

Qhoota Huusu Kaba Eragi

(Mar. 3:13-19; 6:7-13; Luk’ 6:12-16; 9:1-6)

10¹Iyesuse kolladhambawhe huusu hudhdhanpa lakkissi hekulaki oofipa nassidhdhe lokmadheesi qhamu lihasnema udhango pa qhararo kaasanaka koro dhinnisonginuki rafise nuteehi. ²Hudhdhanpa lakkessi qhoota huusu kaba erakina makahe huusundhika haadhi hisi: payyootema Simioonessi anapay Pet’iroose pa faso huusu Indriyaase pa dhelle Zebdiwoose Yaik’oobe pa Yohanise pa ³Filp’oose pa Bertelomewose pa Matiwoosessi k’arat’o soofa pa Tomaase pa mi’aye Ilfiyose Yaik’oobe pa Tadewoose pa ⁴Simioonessi piyye tuusunu yooka pana Yihudassi Ask’oroottay Iyesusesi likkasipa teeñu.

⁵Iyesuse hudhdhanpa lakkissi iqhoota huusu kaba eraki, hasi napayipa hayu: “Koro yekoro ayihudhate kodhdhu kula oloashshe, katama Samariyadheete kulaka oloñulle. ⁶Husana kaanta waarshosi Isiraelate qhamo femmeete patti kula ⁷ashshindhapa hasa napayangupa nutorruyangu: <Ahxase moontito i’it’uyti!> ⁸Koro udhamaasi dhinnisindha, koro farriisika hafisa, koro lamt’e nafaqtiisi alheesidha, nassidhdhe maqoomaasika korito lihasindha, qhoota

ahasa akkate maallay ashshindhapa hasa teeñangu. ⁹Work’e taakinti kodhate taakinti naasesi innakiisema sheeqadhongu. ¹⁰A’onkeema hafagunna borsapa lalle oohadhate takinti hxobe oohadhate pa tollakoka olodhooqhadhe. Momalla payni qhawho kodhadha yi’o uso gee’asa. ¹¹Katama taakinti qodhdhe tinganaka añullite payni qhawho qee’asa hunga qhamu kodhdhisa qhottosadha, ñaytusa annafaqteesi haga hxurtepa ashshongu saasa haama qayyindha. ¹²Manne annañullite kaasanu ñasa. ¹³Apayni mannissa henagayho haahundhinu qee’asa payni nagayhussa haahundhi inukodhdha, naqharray apayni yenuqe’asi payni nagayho haahundhi hune kulaki holli. ¹⁴Apayni koro yehune akkadhipa K’aale anufalliteesika isiye’abaqhi payni mannissa taakinti katamissa annafaqtenna kittate aliqangunna tullubako luqqe haahundhina helahisshisapa ashshongu. ¹⁵Dhuke anhune f’alli, kuyafago qhaqhitatena katamisana kaanta dhoñatte koro Sedoome pa Gemorana iwwoyyinay.

¹⁶“Haadhi qhamo femmeete anooshe kitta’ita hune eragniye, husa maallay qhamo tawwito hayyidhe, qhamo falalakito laalawhe kodhdha. ¹⁷Hune pukafate taahundhina hetifitadhindha heqhaqhite qhaqhanuki likkasnema hune teeñongi, mannadhe huusundhi qissootatena kallaka ihune tutubhina. ¹⁸Qhoota Hayyu maallay rafisambawhe pa nigusadhe minteema ahunettay ashshini, usundhe pa koro

hoyekoro Ayhudate kodhdhu minteema misikiradhe akkodhinte. ¹⁹ Hinge koro hune qappi pa qhaqhite minteema hune it'oosuna olopayenna <Mo'ò anfallannani?> Taakinti <Mo'ò anhelaholasnaani?> Pa isarakadhangu. Momalla payni hingisana olha fallante ihune teeħamnaye. ²⁰ Hohune kitta kodhdhinapa isifalladha Nasso Paapo haahundhi Moontitona dhiishey hune fandhika. ²¹ Qharungo faso huususi fartenuki likkasnipa teeħu, paapoka mi'aye huususi fartenuki likkasnipa teeħu, mi'aadheka ahxkaadhe huusundhisa maqno iha'isnepa paaħongi. ²² Qhoota makaħko Hayyu maallay koro kaasaki hune shikkina, naqharray qhawho haga dhikkate saasa kokisadhi uso dhinna. ²³ Apayni katamissa annafagtenaki irrakko huna hafise payni katama pile kula qoradha, dhuke anhune falli, Ano Mi'aye Qhawhitoka haga anholipa okaya saasa katamaadhe Isiraelate kaasay hunihxafasinte. ²⁴ Hokolladha kollisambakito yequli, aylekka poqolho huusunu yequli. ²⁵ Husa maallay kolladhambako qhamo kollisambako huusu kula, aylitoka qhamo poqolho huusu kulaki kodhdhi payni i'uso hxafna. Apayni Paapo manneetenaki <Orrito> payepa ooŋongi payni ahxke huususi safi malaalateki yequlasnepa ooŋongi!

Yaħaasi Qhamu Qaabe Qeefasti

(Luk'. 12:4-7)

²⁶ "Lammi koroosi oloqaabe, momalla payni hobhadhamipa isiyearmadhi, hohemuqisipa isiyearami mo'oka yeŋagi. ²⁷ Husa maallay olho atukankito kittate ahune falli hune hammako'ita torruya, olho aħash-ħashtettay hune fallika liŋako'ita torruya. ²⁸ Hesagango patta poqapa nabsesi poqe isiy'ealkase oloqaabe, hussana kanta hossi nabse pa sagangoosi hatte Gahanamatesa k'ure alkasasi qaabindha. ²⁹ Purrayitte lakkissi bakkanaama alasi fandhi? Ikodhdhitama kabay usundhisana kittate purrayite to'otekaki wo'o Paapo hahundhi moontito malettay piyyeema yepuŋitika. ³⁰ Naqharray hunena kasusa pukaŋatekaki hodhihami. ³¹ Lammi hune oloqaabemma ħorto haahundhi purraye kishanu iqulaye.

Qhoota Kristoose falle

Olho Qeeŋasa Qhamu Kodhdhi

(Luk'. 12:8-9)

³² "Qhawho qhoota hayyusi koro minteema falla kaasasi Anoka Paaposi hayyu moontito faqa minteema qhoota huusu anfallina. ³³ Naqharray qhawho koro minteema yemarmadhaasi Anoka Paaposi hayyu Moontito faqa minteema An'uso marmanna. ³⁴ Ano piyyisa honagayho okaasenu okayi innanhune liqu. Orħango qhipasenukan

okayi dhiishey nakayhonu fandhika. ³⁵ Ano olhannu okayi, shanbho paapo huususa kalla, shetteka yayye tiisina kalla, haanteka haqqite tiisina kalla qhootenu. ³⁶ Husa maallay qhawhonu baragaradhe huusu ahxke manneete. ³⁷ Qhawho yaḥakka Yela kaanta paapo huusu taakinti yayye tuusu qulasipa isic'igadha Hayyu kodhdhe yeuso qeefasi; qhawho yaḥakka Yela kaanta shanbho taakinti shette tuususika qulasipa isic'igadha Hayyu kodhdhe yeuso qeefasi. ³⁸ Qhawho mask'alako huususi yedhoqhadhupa yekala isiyeokaayi Hayyu kodhdhe yegefasi. ³⁹ Qhawho nabse tuusu pinnisadhe wo'a kaasay ihelapatisa, naqharray qhawho nabse tuususi yemallay helapatisa kaasay idhinsadha. ⁴⁰ Qhawho huneesi akkadha Yeesiki akkadhi, qhawho Yeesi akkadhaka hoyeesi eragisiki akkadhi. ⁴¹ Qhawho hxuumambakoosi makaḥko hxuumambakitota akkadha hxayye hxuumambakitosiki akkanni, qhawho qhawho pare faqaasi akkadhaka hxayye qhawhusa pare faqanaki akkanni. ⁴² Husa maallay dhuke anhune falli, qhawho yaḥakka hisi takkuma kolladhambawhe Hayyu kodhdhena kittate qhawho tokkonu fandhe shalala kubbaya to'okokaki nuteehi payni hxayye huusu yedhabnika”.

Korossi Shoḥambako Yohanise
Iyesuse Kula Eragi

(Luk'. 7:18-35)

11 ¹Iyesuse kolladhambawhe huusu hudhdhanpa lakkinu hayo innuteehi tubettay haytosi innafaqisi ihela hxuripa katamaadhe haysa kaa'ita faqa kula k'aale torruyepa koroosi kollisenu ashshoy.

² Shoḥambako Yohannise iqabamipa isimanne shappeetena faqana kodhmo Kristooseki abaqhipa kolladhambawhe huusu lakkina hasa payupa nakula eragu: ³“Hossi apayina i'okayna ata Atom pilako anti'anaani?” ⁴Iyesuseka hasi payipa nuholasu: “Ashshindhapa olho a'abaqhte pa ahiiteesi Yohanisenu fallangu. ⁵Taafawhe haytosi ihi'angi, tonnawheka ihaḥapa isi'ashshangi, heudhango lemt'ate naḥagika i'alheesama, dhakkawheka i'abaqhanghi, koro farika fartate ihaḥa, hiyyawhenuka ote heesasi anutorruyna. ⁶Qhawho Yeesi yedhappu hohepoqadhi.”

⁷Hessi erkame i'ashshe tubettay, Iyesuse hasi paypa qhoota Yohanise waarshosinu falle paayyu: “Ata mo'o eemenuka mandho kula okayte? Ata shombok'usa uruure lelehisti eemenum? ⁸Mo'o eemenuka okayte? Ata qhawho lalle heesa urkuysi eemenum? Kulay koro laalladhe heesooma urkuya mannadhe poqladheetenaki faqe. ⁹Emma mo'o eemenuka okayte? Ata hxuumambako eemenum? Ee, laadhdhi hohxumambakonu

qulaasi eemenuka okayte kanhunena payi. ¹⁰Kulay hossi ahasa paypa qhoota huusu toohoy uso: <Haadhi erkambako hayyu ashshinapa hossi onke qaribusiki anhoqhara'ita eragni.> ¹¹Dhuke anhune f'alli: koro h'iskeete dhaladhi kaasana kittate qhawho Shoħambako Yohanisenu qula yeƣaqika. Naqharray Ahxase Moontitona qhawho koro kaasana kalla qhac'na usonu qulla. ¹²Ahxase moontito perre Shoħambako Yohanisenu payyati haga kuyyu saasa aise toora^c, hekokisadhe i'ise tayna.

¹³“Momalla payni kollise hxuumambawhatte pa Higge Muuse kaasay haga Shoħambako Yohanise saasa qhamu kodhdhesa hxuumi f'alle. ¹⁴Lammi akkadhe woote payni, Eliyaasesi apayina i'okayna Yohanisi uso. ¹⁵Qhawho qhaame abaqha sheeqa i'abaqha!

¹⁶“Dhalatisi liqno moytotaki anhi'asni? Dhelle mooriteema f'akkadhapa peelle huusundhiisi isio'oƣapa isihasa napapayasiki liqi: ¹⁷<File anhune yoqhnina hunidhiite; anhune kolanina woyyo woyyo huni payongu!> ¹⁸Momalla payni Yohanise i'okayna, qhooti yeyi'ipa t'ajje weynatesika isiyeƣuqi maallay <Nasso maqa naƣaqa> kinnapaye ¹⁹Ano Mi'aye Qhawhito anokayna qhoota yi'o yi'ipa isanƣugte ƣuga maallay hasa iyyela paye: <Haadhi husi hoyi'opa ƣugte t'ajje weynate c'igadha, dhalitto koro k'arat'o

sooƣapa hoc'uppolawhatte!> Ikodhdhitama arnane qhamu dhuke kodhdhesa kodhmo huusundhitaki arame.”

Katamaadhe Qhoota

Yedhukkaysadhe Maallay Ameetuyi

(Luk'. 10:13-15)

²⁰Nakaleema Iyesuse katamaadhe innakitteema dhahxhxoootaadhe Huusu kisha kodhipa c'uppo huusundhina kalla isiyehole maallay hasi napayipa meetuye paayyu: ²¹“Heoyadha ato katama Koraze! Heoyadha, ato katama Beetesayday! Momalla payni dhahxhxoootaadhissa akatamaadhe hahundhisa kodhdhamadheki katama T'iroosepa Sidoonasa kodhdhamadhi payni ahxay koro piyyisana kedhdhaki kayle lalate hafƣila laaqadhepa tarfo heema pullongipa c'uppo huusundhina kalla holongi. ²²Hussa maallay Anhunena iyyana, kuyaƣago qhaqhitatena hunena kaanta dhoħatte koro katama T'iroosepa Sidoonenu iwwoyyinay. ²³Ato katama K'efirnaoome, moonto ƣila ahequlasti? Naqharray Hxohxono (Sioole) kitteema a'oodhinti! Ahxay dhahxhxoootaadhissa ahekitteema kodhiisika akatama Sedoomesa kodhi payni katamissa haga kuyyu sasa yepatu! ²⁴Hussa maallay anhelaiyyana: kuyaƣago qhaqhitatena hela kaanta dhoħatte katama Sedoomena iwwoyyinay.”

^c11:12 Aise toora payyo pako Grikatettay onke lakkitaka ishigi: Mangiste Montito aisetooro iseka itoaray

Kristoosettay Hxaysingo Tayadhe

(Luk'. 10:21-22)

²⁵ Hingisana Iyesuse hasi payi: “Poqolho moontito pa hopiyyate Appa hayyu, oli kaasasi qhoota koro arnane pa koro arno sheeqa qharay bhatipa mi'aadhenu hi'aasa maallay anhokaanasa. ²⁶ Ee, Appa hayyu, momalla payni husi wo'ogo haahu heesa hasa kodhdhamadhi. ²⁷ Olho kaasasi Pappo hayyu yetteehi, Pappo malettay yaħakka hoMi'aye ara yeƔaqi; holupa Mi'aye malettay qhawho Pappo ara yeƔaqi; yaħakka hoMi'aye nuhi'aase wo'i malettay hoPapposi ara yeƔaqi.

²⁸ “Hune hetardhitepa dhooqhoka huneema naƔu kaasay, yekula okaya, Anoka anhune hxaysisnaye. ²⁹ K'ambara hayyusi dhooqhadhindhapa yela kolladhangu, Ano laalakopa saƔago hayyuka toodhito maallay nabse taahundhinu hxaysingo atayadhinteye. ³⁰ Momalla payni k'ambara hayyu holuntuqha, dhoqho hayyuka hosholo'a.”

Kasfo KuyaƔago Hxaysingito Kaa'ita Itt'uyi

(Mar. 2:23-28; Luk'. 6:1-5)

12 ¹ Haysa tubettay Iyesuse kuyaƔago hxaysingitona pasho kaspito kitta'ita illiqqi; kolladhambawhe huusu qhooti pufte maallay tische iqhut'adhepa qhume paayyongi. ² Feresawadhe olisasiki hi'epa Iyesusena hasa napayoongi: “Haadhi,

kolladhambawhe haahu olho kuyaƔago hxaysingitona kodha olopayuusiki kodhe.”

³ Usoka hasi napayi: “Dawite pa korosi uso Ɣale Ɣaqa hingesi ippuffena uso olhu kodhiisi huni napapongu intaa? ⁴ Uso Manne Hallikitosa ihullipa dhilangosi k'ulk'ulawwi k'eesadhe male uso pa korusa uso Ɣale Ɣaqanu yepayamu dhilangosi k'ulk'ulawwi yioy. ⁵ Holupa k'eesadhe kuyaƔago hxaysingitona manne Hallikitona higge kuyaƔago hxaysingitoosi idhappi payni dhappite qhamu yenukodhintisa higge Muusesi huni napapongu intaa? ⁶ Naqharray anhunena payana: hoManne Hallikitonu qula haadhi hassi Ɣaqi. ⁷ Holupa k'aalesi iyyana <Ano teeħakito kaanta hxurako awo'o'i> qhamu immo kodhdhitisa ahela taayte payni koro dhappite yenaƔaqtisa ahxay hunina qhaqhinte. ⁸ Momalla payni Ano Mi'aye Qhawhito Poqolho kuyaƔago hxaysingitona.”

Iyesuse Qhawho Ĥarqqo Natoonisiki Dhinisi

(Mar. 3:1-6; Luk'. 6:6-11)

⁹ Iyesuse ĥaytusana ihafi ashshopa manne qissoote koro Ayhudattesa hullu, ¹⁰ haahaka qhawho to'on hoħarqo natooni Ɣaqa, koro tookko tookko hoIyesuse dheehenu naonke qeeƔadha hasi paypa Uso kasƔadhu: “Intaa kuyaƔago hxaysingitona qhawho udhamaasi dhinise ipayamti?” ¹¹ Iyesuseka hasi napayi: “Keenni hunena kittate qhawho Ɣeemte toote sheeqapa kuyaƔago hxaysingitona

hxohxono kitta napuŋfi payni qhawho
 hxohxonousana kittate yekiiknipa yuku yaŋa?
¹² Emma qhawho ŋemmtenu uuma yequli?
 Husa maallay kuyaŋago hxaysingitona
 olho ŋeesa kodhe ipayami.” ¹³ ŋingisana
 qhawhossinna hasa payu: “Into ŋarqo haahu
 qete’is!” Usoka iqete’isina ŋarqo huusu
 innadhini pa tokkosi ŋeesa kula nukodhdhu.
¹⁴ Naqharray Feresawadhe ŋaytusana illiqepa
 Iyesuse qhamu mala paasinepa patisongisi
 suladhongi.

Kodhambako Halliko Qholladhi

¹⁵ Naqharray Iyesuse sulo huusundhiisi
 inna’aripa laqqammu, waarsho kisha
 haŋipa Uso kala ashshoy. Iyesuseka koro
 udhdhama kaasasi dhinnisoy. ¹⁶ Naqharray
 Uso yaŋa qhamu kodhdhisa yaŋanuka
 qhamu yeŋallinenuki usundhe hayi. ¹⁷ Olike
 hukodhdhamadhi, hxuumasi Isayase ŋalladhi
 qhamu dhikaninu: ¹⁸ “Haadhi kodhanbakosi
 hayyu anqholladhi hussi; Usoka hoano
 c’igadhipa isiyehxaseesa!

Nasso Hayyusika Uso sappeema anhawani,
 usoka qhaqhite dhukatesiki waarsho piyye
 kaasanu salunyi.

¹⁹ Uso yekoro tamakannika, taakinti
 yeriirika,
 onkadheeteka qhawho usona ikkitto
 apaqhna yeŋaqika.

²⁰ Shombok’ako bhaqhisikaki yeqondhini,

Shaloote kutamasikaki ye’imasni,
 olisasika hunnukoni qhaqhite dhukatatte
 hagi putinti saasa.

²¹ Waarsho piyye kaasanaka makaŋko
 huususiki kippani.”

Iyesuse pa Bielzebule

(Mar. 3:20-30; Luk. 11:14-23; 12:10)

²² Haysa tubettay koro qhawho nasso
 maqattay qabami taafakko homuumittay
 Iyesuse kula okayi. Usoka dhinisu, husa
 mallay qhawhosika ŋalladhupa ŋayto hi’e
 alkasu. ²³ Waarsho kaasaka “Ata qhawhu
 mi’aye Daawiteki kodhdhinim?” Kipaypa
 uuma dhahxhu.

²⁴ Naqharray Feresawadhe i’olisa
 abaqhenna hasi paye: “Hussi kulay
 rafisambako nassidhdhe maqana kodhdhi
 Bielzebuletakki^d yekodhdhu payni nassidhe
 maqaasi yeliasni.” ²⁵ Iyesuseka dhihattoote
 tuusundhisiki inna’aripa hasa napayu:
 “Ahxase ille qhoqhoota kaasay ippannay;
 qhamusa kula katama tookko takinti ahxke
 tookke ille qhoqhoota payni kokisadhepa
 shikkaare yealkasneka. ²⁶ Apayni Seet’ana
 holipa isiSeet’ana lihasa payni i’ille qhoqhooti
 payyo, hasi kodhdhiti payni ahxasisa
 tuusu mali shikkaare alkasinti? ²⁷ Ano
 nassidhe maqaasi Bielezebulettay lihasa
 payni dhelle haahundhi yaŋattaki lihase?
 Husa maallay dhelle haahundhiki huneema

^d12:24 Orrito payyo pako Grigatettay Bielzebule

qhaqhite qhaqhna. ²⁸Naqharray Ano Nasso Hallikitottay Nassidhdhe maqaasi lihasa payni Ahxase Hallikito hune kula qhamu iit'uytisa arindha. ²⁹Taakinti qhawho tookko qharritema tannabgosi yeshabuna malali manne huususa hullinipa olhu sheeqisi sare alkasu? Naqharray ishabi tubettay sareesi i'alkasna? ³⁰Qhawho yefale yekodhdhu kaasay iyyetoora, qhawho yefale ye'illa holsadhika ippulla. ³¹Hussa maallay anhunena payana koro c'uppo kodhipa koro dhaqqiso kaasanu innuhxuramna; naqharray qhawho Nasso K'ulk'ullo dhaqqisinu yenuhxuramni. ³²Qhawho Ano Mi'aye Qhawhitosa pako maqa falladhi kaasanu innuhxuramna; naqharray qhawho Nasso K'ulk'ullo dhaqisi hantuka i'kodhdha qhaat'e qhawtawhesi okaynanaka yenuhxuramni.

Karko Heesa Awshotaki Arami

(Luk'. 6:43-45)

³³“Kaare kaasay awsho huusundhittay qhooti arame maallay, awsho heesa tayadhenu karko heesa sheeqindha, naqharray karko maqa ashsheeqte payni awsho maqa annatayadhinte. ³⁴Hune mi'aadhe puutate, karay hune maqawhena malaala olho heesa falladhe alkasinte? Momalla payni qhawho olho sa'ago huususa nahoqhipa haqhuusiki pako huusuna falladhi.

³⁵“Qhawho heesa olho heesasiki sa'ago huusuna olho heesa lihasi, qhawho maqaka

olhossi maqa sa'agooma nahoqhinaki olho maqa lihasi. ³⁶Ano anhunena paya, koro olho tayte falladhi kaasay kuya'ago qhaqhitea innakaba kas'atamna. ³⁷Hussa maallay fallite taahuna paayyati adhukambako kodhdhinti, holupa fallite taahuna paayyati ihooma qhaqhaminti.”

Kasfo Dhahxhxoote Eeme Kaa'ita Itt'uyi

(Mar. 8:11-12; Luk'. 11:29-32)

³⁸Hingisana kollisambawhe higgatte pa Feresawadheete kittate koro tookko, tookko Iyesusena hasi napayi: “Kollisambako, into olho koro dhahxhxisa inehi'as.” ³⁹Naqharray Uso iholi hasa napayu: “Dhalata maqaku pa mamaasa dhahxhxoote hi'e wo'i, naqharray dhahxhxoote hxuumambako Yoonaase malettay pileesi olonuhi'asni. ⁴⁰Yoonaase karfito hxaarite dhamma kitteema kuya'ago izzañ pa kallabko izzañ qhamu poqqi kula, Ano Mi'aye Qhawhitoka hawle kitteema kuya'ago izzañ pa kallabko izzañ kanpoqini. ⁴¹Kuya'ago qhaqhitatena koro katama Nenewwenna iha'anapa dhalatisa qhaqhite qhaqhu. Momalla payni Yoonaase K'aale inu'falliisi i'abaqhepa Halliko kula holongi, naqharray haadhi hoYoonasenu qula hassi faqi. ⁴²Poqoltesi piyye karo Hakalana qhooti arnane Selemoonesi apaqhenu piye sikaabanu hxafti mallay kuya'ago qhaqhitatena dhalati fali hafintipa naqhaqhite qhaqhi. Hantu kaba haadhi hoSelemoonenu qula hasi faqi.”

Nasso Maqa Qhawho Kित्तेema

Qhamu Holipa Isihulli

(Luk'. 11:24-26)

⁴³ “Nasso maqa qhawhito illiqi payni hayto innahxaysani iqeeḥipa hayto ḥandhe yenaḥaqe piyye haḥawtina isilalaqama, naqharray hayto innahxayisaniisi yetayi. ⁴⁴ Husa mallay hasi payi: ‹Anashshinapa mannessi hayyu annaliqi kula hola› Iholina mannissa heheneḥe kodhdhepa oshamongipa qarongisa ihxafi. ⁴⁵ Haysa tubettay i’ashshinapa nassidhdhe maqa pilawhe taḥḥan he’usona maqnito qulaasi ooḥupa heḥale okayuttay. Usundheka qhawhossi qharo uso naḥaqisa ḥulloongipa isihaaha ḥaakangi. Husa mallay ḥaqo qhawhusana hoqharoona kaanta hantu hoqulatakki innaḥarkishamni. Dhalata maqaku saamateka olho hasa liqa nakodhdhamanna.”

Ahxke Iyesuse dhukkate

(Mar. 3:31-35; Luk'. 8:19-21)

⁴⁶ Iyesuse ihannay olisaasi waarshonu ḥalleete qayyana, yayye pa ḥassawhe huusuki qinteema shikkaaripa isiUso qeeḥa. ⁴⁷ Qhawho tookko Iyesusena hasi napayi: “Kulay yayye pa ḥassawhe^e haahuki qinteema shikkaaripa isihoḥale ḥalladhe wo’a.”

⁴⁸ Iyesuseka hasi paypa nuholasu: “Yayye tayyu yaḥa? ḥassawhe hayyuka koro

yaḥay?” ⁴⁹ Haysa tubettay ḥarqqo huusutaki kolladhambawhe huususi hi’aasipa hasa payu: “Haadhi yayye tayyu pa ḥassawhe hayyu; ⁵⁰ qhawho wo’ogo Paapo hayyu moontitona dhikkisa kaasay ḥaso hayyupa alawte tayyu pana yayye tayyuka uso.”

Liqno Pooḥambakito

(Mar. 4:1-9; Luk'. 8:4-8)

13 ¹ Kuyaḥagusana Iyesuse manneete illiqipa pasito hinaseema ḥakkadhu; ² Koro kisha qhooti Uso kabeema illa holi maallay konko sappeemi hadhdhipa ḥakkadhu, waarshosi kaasaka pasito hinaseemi shshikkaari. ³ Olho kishasiki liqnottay hasa payipa nuḥallu: “Pooḥambako poodhaḥo pooḥenuki pasho kula soofu. ⁴ Ipoodhaḥo pooḥana poodhaḥo tookko, tookko onke hinaseemi hayyipa aaqeka okayongipa sooḥongi. ⁵ Poodhaḥo hubhaka moqhorkoomi hayyi, ḥaytusanaka piyye qhooti yenawanti maallay hattaki fuu’i. ⁶ Ikodhdhitama kabay oqhaye ihxustina iruqhi, qhooti yeḥisse sheeqi maallay ishsha’i. ⁷ Poodhaḥo hubhaka qhat’me kitteemi hayyi, qhat’mesika naaqohipa poodhaḥakosi fuu’isi loqhipa hekala haqhasi. ⁸ Poodhaḥo hubhaka piyye ḥeesassa ihayyipa fuu’u, ibhbhe kishaka awshu, tookko ibhbhite dhippa i’awshi, tookko ibhbhite hudhango tappi awshi, tookkoka ibhbhite hudhango izzaḥki

^e12:47 ḥassawhe payyo pako grikatettay qharungopa ḥasoosi yereehi

awshi. ⁹Qhawho qhaame abaqha sheeqa i'abaqha!"

Iyesuse Momallay Qhamu Liqnottay ƴalladhi

(Mar. 4:10-12; Luk'. 8:9-10)

¹⁰Haysa tubettay kolladhambawhe Iyesuse kulaki itt'uyepa hasa napayoongipa kasƴadhongi: "Emma momallaki a'usundheesi liqnota ƴallati?" ¹¹Usoka hasi usundhena payi: "Huneesi (ƴashate) ƴallite Ahxase Moontitona bhadhamtiisi are ihune teeħamti, naqharray usundheesi yenuteeħamuka. ¹²Momalla payni hosheeƴanu anaanu padhawna, innunaƴanaka, naqharray tookito husa ƴaqaka ana'akkina. ¹³Usundhe i'eemangima kati yehi'ongi, i'abaqhasangima kati yeabaqhongi, holupa yehela taaye maallaki aliqnottay nuƴalli. ¹⁴K'aalesi Isayase hasa paypa tooħoki usundheema dhikkadha:

«Olosi a'abaqhangu, naqharray hunihela taayte, ħaytoosika ahiangu, naqharray saƴagooma huni qabatte.

¹⁵Momalla payni waarshunna saƴƴe huusundhi innafafe, qhaame huusundhi innak'ubame, ehxhe huusundiisika itt'iipe, hasaki yekodhdhu payni ahxay, ehxhe huusundhittay i'eemannapa qhaame huusundhitaka abaqhongipa saƴƴe huusundhitaka helataayongipa

yekulaka holongipa Anoka usundhe dhinniso.»

¹⁶«Naqharray ehxhe haahundhi qhooti hi'epa qhaame haahundhika isi'abaqha maallay hehepogadhe. ¹⁷Dhuke anhune ƴalli: husi hune hiitesi hxuumambawhe pa koro pare ƴaqa hokisha hi'e wo'ima naqharray yehi'ongi, husi hune abaqhteesika abaqhi wo'emma naqharray ye'abaqhongi.

Ishshiqe Liqno Pooħambakitona

(Mar. 4:13-20; Luk'. 8:11-15)

¹⁸«Lammi hune liqno pooħambakitona ishiqe tuusu abaqhasindha: ¹⁹poodhaħusa onke hinaseema hayyi: qhawho k'aalesi Ahxase Hallikitona abaqhasipa isiyehelataaypa Maqakosi isiokayipa k'aalesi saƴago kitteema napoħamitiisi haattay isinna akkisiki hi'aasi. ²⁰Poodhaħusa piyye moqhorkooma pooħamika hok'aalesi abaqhina hattay hxasoottay akadhusiki hi'aasi, ²¹naqharray kuyafe qħac'asa ita pattama ħisse yesheeƴi, maallay qhoota K'aalate maallaki rakko taakinti qorame nahxafti payni minakalti marmadhi. ²²Poodhaħakusa qusako qħat'mate kitteema pooħamika: qhawho k'aalesi apaqhasapa ƴaakonu heqadhe piyina pa tatake shorokungito k'aalesi nanikupa yeawshunna hasa haqhusiki hi'aasi. ²³Naqharray poodhaħusa piyye ħeesasa pooħami: qhawho k'aalesi abaqhasapa isihela taayasiki hi'aasi, usoka i'awsha, tookko

dhippa, tookko hudhango tappi, tokkoka
ibhbhite hudhango izzañki awshi.”

Liqno Firiit’akito

²⁴Iyesuse iholi hasa payupa liqno pile nuƴallu: “Ahxase Moontito, qhawho pashooma poodhaño ñeesa pooñisiki liqti; ²⁵naqharray koro kaasay irrafi tubettay paragara huusu okayipa kasposi kitta’ita firiit’o pooñupa ashshoy. ²⁶Kasposika iqohipa awshuna firiit’oka ñingisana inna’armadhi. ²⁷Hussa maallay kodhambawhesi pashusaasi pooñe hasi payepa paaposi pashitoosi kasƴadhongi: ‹Poqolho, pasho haahusa poodhaño ñeesa annpooñni ƴandhi? Emma firiit’usa ahanuki naokayi?› ²⁸Usoka innapayina: ‹Paragara hasa kodhi.› Kodhambawhesika innapayena: ‹Emma firit’usaasi qhama anashshinanipa narobaninu awoo’aay?› ²⁹Naqharray Uso hasi paypa nuholasu: ‹Yekodhdhinti, momalla payni afiriit’o robanguna kaspo anaƴale robinte.› ³⁰Hussa maallay hxurapa kuyaƴago qimakito hagi hxafni saasa kaspopa firiit’oka i’illeƴale qohe, kuyaƴago qimakitona korusa qimana hasa anapayni: ‹Firiit’oosi qharitteema ropa, qhama hatteema dhillinu illeema marongu, naqharray kaspoosi qimindhapa riqteema yakangu.›”

Liqno Senafic’ate

(Mar. 4:30-32; Luk. 13:18-19)

³¹Hasa payupa liqno pile nuƴallu: Ahxase moontito qhawho poodhañako senafic’ate^f akkipa pashooma pooñusiki liqti. ³²Usoka Poodhañidhe piyyatte ƴaqa kaasana kalla hoqhac’a. Naqharray iqohi payni dhishto takkuma kaasanuki qulipa karko kula qaƴfi kodhdhupa aaqe montitoka okayongi saanne huususa manne quppatadhongipa isinnaƴaaka.

Liqno Haƴasisito

(Luk. 13:20-21)

³³Hantuka liqno pilesiki nuƴalli: “Ahxase Moontito ñiskato haƴasiso akkitipa dhaammo bhat’oolle izzaña illi shukkadhoki liqti, haƴasisusaka pukeesa qhamu horrinuki kodhi.”

Iyesuse Momallay Qhamu Liqnottay Kollisi

(Mar. 4:33-34)

³⁴Iyesuse olisa kaasasiki liqnottay waarshonu torruyi, liqno malettay olho to’okokaki yeusundhe kollisika. ³⁵Momalla payini hosi hxumambakota payami “ƴallite tayyusi liqnotaki antorruyni, olhossi haga perre piyye qhaat’e ummamenu paayyati bhadhamisika anutorruyna”qhamu dhikkadhu.

^f13:31 dhishtakko senafic’ate payyo hoana k’mame paypa poodhaño huusu ñagalakito kula qaƴfi liqa

Iyesuse Liqnosi Firiit'it'oosi Qhamu Ishshiqi

³⁶ Haysa tubettay Iyesuse waarshosi ihelaha'isipa manne kula hullu, kolladhambawhe huusuka Uso kulaki iit'uyepa hasa napayoongipa kas'adhongi: "Into liqno firiit'oosi pashitona ishiqe tuusu ine falli."

³⁷ Iyyesuseka hasi paypa nuholasu: "Hopoodha'husa heesa poohika Ano Mi'aye Qhawhito; ³⁸ pashoka piyye qhaat'i, poodha'husa heesaka mi'aadhe Ahxase Moontitona, firiit'oka mi'aadhe Magakosina. ³⁹ Hofiriit'usaasi poohika

Orrito, qimakoka perre dhikkate piyye qhaat'ina, heqimnaka erkambatadhe.

⁴⁰ Qhamusa afiriit'osi ropipa marropa adhillu kula dhikkate piyye qhaat'naka qhamusa kulaki kodhdhinti. ⁴¹ Hingisana Ano Mi'aye Qhawhito erkambatadhe hayyusiki an'erakni, usundheka i'okaynapa koro qhamu c'uppo konninu koro kodha pa koro maqno kodha kaasasi Ahxase tayyuna kittate soo'ongipa qinte kalay lihasongi, ⁴² hatte yeime sheeqti kitteemaka yakongi, haytusanaka ooyepa ilqe illaqhume kodhdhamana. ⁴³ Naqharray kuya'agusana koro pare faqa Ahxase Paapo huusundhina kittate qhamo oqhqhayate ihxusne, qhawho qhaame abaqha sheeqa i'abaqha!"

Liqno Shorokunko Bhadhamina

⁴⁴ Nakaleemaka Iyesuse hasi payi: "Ahxase Moontito shorokunko pasho kitteema bhadhamisiki illiqi. Shorokunkosiisi qhawho tayupa holu lanka bhadhu, qhooti uuma hxasoodhi maallay i'ashshipa olho isheeqi kaasasi lassopa pashusaasi pitamu."

Liqno Furitate

⁴⁵ Iyesuse iholipa hasa payu: "Holupa Ahxase Moontito qhawho hortambako furite heesa pitamenu qee'asiki liqti. ⁴⁶ Qhawho hortambakosi i'ashshipa furite uuma kaanasamtisi tayyuna i'ashshipa olhu sheeqi kaasasi lassopa furitesisi pitamu."

Liqno Marabatte

⁴⁷ Nakaleemaka Iyesuse hasi pay: "Holupa Ahxase Moontito marabe paso kitteema qaasamtipa hxaare teyeille liqomtiisi qappoogi liqti. ⁴⁸ Ihoqhqhiti payni hessi hxaare qappa pasito hinaase kulaki kiikepa isilihase, fakadhongipa hxaare heesoomaasi naqholongipa maahxato kitteema hawwadhongi, naqharray teyeheesomtisi isihelatuqhe. ⁴⁹ Dhikkate piyye qhaat'eteka hasi kodhdhnti Erkambatadhe i'okaynapa c'uppolawhate kittate koro pare faqaasi reehongi. ⁵⁰ Maqambawheesi hatte ye'ime sheeqti kitteema iyyakne, haytusanaka ooyepa ilqe illaqhume kodhdhamana."

⁵¹Iyesuseka iholipa hasa napayu: “Olissa kaasay ihune huli hantu?” Usundheka innapayena “Ee Poqolho haani!”

⁵²Usoka hasi paypa nuholasu: “Hussa maallay qhawho tookko kollisambako higgate hoʻallite Ahxase Moontito bhadhamtisi tomoma ara, paapo manneete manne maahxetena kittate maahxato qhaytito pa keeshshakosi lihasaki liqi.”

Torakko Katama Naziratena Iyesuseema Haʻi

(Mar. 6:1-6; Lukʻ. 4:16-30)

⁵³Iyesuse liqnidhi kaasasi itorryu dhikkisu tubettay, haytusana haʻipa ashshoy. ⁵⁴Piyye tuusu katama Nazrate kula okayupa mannesi qissoote koro Ayhudhatena kalla isikoro kollisa; koro abaqhi kaasay idhdhahxhxi pa hasa payu: “Ata qhawhu arnani pa dhahxhxootaadhi ikodhiisi ahaati akki? ⁵⁵Husi qhawhosi kaare hxashana miʻaye huusu ʻandhi? Yayye tuusuna Mariyaame anapayi ʻandhi? ʻassawhe huusuka Yaikʻoobe pa Yoosa pa Simioone pana Yihuda ʻandhi? ⁵⁶Alawwe huusu kaasay hasa ine ʻali ʻaqe ʻandhi? Emma qhawhu oli kaasasi ahaati akki?” ⁵⁷Hussa maallay yeUso akkadhongu. Naqharray Iyesuse hasi napayi: “Hxuumambako huyekanasami piyye tuusupa ahxke huusuna patta.” ⁵⁸Qhooti yeUso dhukkaysadhongi mallay Iyesuse haytusasa dhahxhxotheadhe kishaasi yekodhuka.

Farte Shoʻambako Yohanise

(Mar. 6:14-29; Lukʻ. 9:7-9)

14 ¹Hingisana Herodisesi piyye Gelila rafisa qhooti ote Iyesusesi abaqhi mallay. ²Kodhambawhe huusuna hasi napayi: “Hasi kodhdhiti payni Shoʻambako Yohannise fartate haʻi payyo, husa mallaki dhahxhxotheadhisa kaasay usottay kodhdhamadhe.”

³Hayna qharaʻita Herodise shoʻambako Yohannisesi iqabasipa shapupa manne shappeetesa hulleesu, olhu namaallay shabasika, naʻhaye ʻaso huusu Filpʻoose Herodiyada mallay. ⁴Momalla payni Yohannise Herodhisena: “Naʻhaye ʻaso haahuna qhama akkintinu higge yepayukka” qhooti napayinu. ⁵Herodise Yohannisesi poqi woʻipa naqharray waarsho Ayihudate Yohannisesi qhamo hxuumambakito qhooti akkadhi maallay waarshosi qaaboy. ⁶Herodise kuyaʻago innadhaladhisi ikkaanasana shette Herodiyaday korossi yiʻonu aʻooʻi minteema qhooti hiribtipa Herodisesi hxaseeso maallay. ⁷Olhunna kasʻati kaasasi qhamunu teeʻninu nuagutadhu.

⁸Iseka yayye tiisinaki dhihamte abaqtipa hasa napayi: “Pukaʻate Shoʻambako Yohannise taangottay yetteʻh!”

⁹Ihasa paytina nigusasinu inudhagaati, ikodhdhitama kabay, korossi yiiʻo yiiʻa minteema qhootinu agutadhi maallay

korusaasiki qaabipa pukaſate Yohanniseesi qhamu aqhaqhninu hayo teeſu. ¹⁰Manne shappeete kula qhawho eragupa pukaſate shoſhambako Yohanniseesi qhaqhasu. ¹¹Pukaſatesi aqhaqhisika taankottay a’okasupa shettesinu ateeſu, iseka i’akkitipa yayye tiisinu teeſi. ¹²Kolladhambawhe Yohaniseka i’okayepa pukkaſosiisi akkongipa maayongi. Haysa tubettay ashshongipa olisaasi Iyesusenu ſallongi.

Iyesuse Qhawho Kuma Hxubinisiki Yi’ashi

(Mar. 6:30-44; Luk. 9:10-17; Yoh. 6:1-14)

¹³Iyesuse qhamu Yohannise farrisa apaqhnittay Uso pattaki konkooma hadhdhi pa hayto koro yenaſaqi kula ashshoy. Waarshoka hayto Uso nakula ashshisi i’abaqhina katamaadhenuki liqi pa Uso kaleema luqgettay ashshoy. ¹⁴Iyesuse konkito sappeete i’oodhdhina waarsho kisha kihi’ipa qhararsadhupa koro udhdhamaasika dhinnisoy.

¹⁵Hayto i’awnuyina kolladhambawhe Uso kulaki okayepa hasa napayoongi: “Hayto annaſaqni mandho, sateka iliqqiti husa mallay waarshu qhamu ashshinipa qodhadhe’ita olhu yiinesi pittamadhonu helahaſis”.

¹⁶Naqharray Iyesuse hasi napayi: “Ashshe yeusundhe qeeſastiye olhu yiinesi hune nuteeſa!”

¹⁷Kolladhambawheka hasi napaye: “Ine dhilantako hxubin pa hxaarite lakki pattaka ansheeſni”.

¹⁸Iyesuseka hasi napayi: “Into akkapa yekula okayanguttay!” ¹⁹Haysa tubettay waarshosi maſakooma qhamu ſakkaninu hayu. Dhilantako hxubin pa hxaarite lakkissisi akkupa moontaſila emmadhupa Halliko kalataysadhu tubettay dhilantakosiisi qoodhupa waarshosinu qhamu qhonenu kolladhambawhe huususa teeſu. Kolladhambawheka waarshosinu qhootongi. ²⁰Koro kaasay yi’opa dhalahu, kolladhambawheka qodhanadhesi korito kalla haqhe k’unna hudhdhanpa lakkissi nakalla haſisoongi. ²¹Koro yi’usa yi’ika hiſke pa mi’aadhe yedhihamongina tiire patta qhawho kuma hxubin kula qaſitti.

Iyesuse Paso Sappa’ita I’oqadhipa Ashshoy

(Mar. 6:45-52; Yoh. 6:15-21)

²²Hattay kolladhambawhe konkooma qhamu hadhinepa afe kula intawongipa tahxhxonginu usundhe hayupa Uso waarshosiisi haſisenu konakonaye haqhu.

²³Waarshosiisi ihelahaſisi tubettay Uso patta qisootenu qubo tooko kula hadhdhu, hayto ittukanina Uso pattaki haytusana ſaqa.

²⁴Hingisana konko pasito kittati ſaſipa i’ashshana binbe okayipa lallaaqe paayyi.

²⁵Awnate saate kollan tubettay Iyesuse paso sappa’ita i’oqadhipa kolladhambawhe kula okayu. ²⁶Ippaso sappa’ita oqadhapa

isiokaayana kolladhambawhe ittayepa qaabongi, usundheka i'iyangina: “Oli korru kaaradhe!” Payepa riirongi.

²⁷ Iyesuseka haattaki napayna: “Haay! Kula Anoye, oloqaabe!”

²⁸ Pet'irooseka Iyesusena innapayi: “Poqolho hayyu, Ato payni, paso sappa'ita qhama oqanipa hokula okayanu yela pay!”

²⁹ Iyesuseka innapayina: “Okayi!” Pet'irooseka konkito sappeete i'oodhdhipa paso sappa'ita Iyesuse kula isioqadhapa isi'ashsha. ³⁰ Naqharray urure qhooti nafati maallay iqaabi, ipasosina kittakata hullana hasi paypa riiru: “Ako Poqolho hayyu yepehis!”

³¹ Iyesuseka hattaki shokkipa qabupa hasa napayu: “Ato hodhukkaysadhe holaqhad'iti, moonuka heqatti?”

³² Iyesusepa Pet'iroose ikonko sappeema hadhdhena ururesi issalti. ³³ Hessi konkito sappeete faqa hasi payepa Iyesusenu sagatongi: “Dhukeema Ato Mi'aye Hallikito!”

Iyesuse Piyye Genseref'esi

Koro Udhdhama Dhinisi

(Mar. 6:53-56)

³⁴ Pasosina ittahxhpepa piyye Genseref'ena hxafoongi. ³⁵ Koro piyyisana faaka qhamu Iyesuse kodhdhisa iubadhina koro usundhe kaa'ita faaka kulaki koro eragepa koro udhdhama kaasasi aUso kula okaasu.

³⁶ Korossi udhdhamaka kayle lalle tuusuna qappadhenu pattaki Uso waatadhe, heqappadhe kaasaka udhango huusundhina idhdhinne.

Hayo Hallikito pa Tambe Appadheete

(Mar. 7:1-23)

15 ¹ Haysa tubettay Feresawadhe pa kollisambawhe Higge Muusenaki katama Iyerusalamenu Iyesuse kula okayipa hasa payongipa Uso kasfadhongi: ² “Kolladhambawhe haahu moonuki tambe appadheetesi yetifitadhe? Haadhi harqqe yehela sho'honginaki yiito yii'e!”

³ Iyesuseka hasi paypa nuholasu: “Tambe taahundhi tifitadhe maallay hune moonuka hayo Hallikito pulte? ⁴ Halliko hasi payipa hayo tee'u: <Paapo pa yayye taahuusi kaanas, qhawho paapo takinti yayye tuususi dhaqqisi mo'oka payni iffara>. ⁵ Hune kabay aiyanguna qhawho tookko paapo takinti yayye tuusuna napayina: <Olho anhunettay k'ark'are yeqee'fasi kaasay Hallikonuka tee'hako kodhipa it'ooosa> payni, ⁶ qhawhusa paapo pa yayye tuususiki kaanasi apaytepa tambe taahundhi kokisenu isahaayo Hallikitoosi pullangu. ⁷ Hune hehepaseesa, hxuumasi Isayase qhoota haahundhi kaa'ita hasa payipa fallu pare:

⁸ <Waarshu hxibhbhe huusuttay pattaki iyyekaanasi,

naqharray saŕŕe huusundhi iyyelakanta
sigaaba,

⁹ aata koro kodhiisika
higge Hallikito kodhepa isikoro kollisapa
tayte isiyekaanasa.›”

¹⁰ Waarshosi hekulaki ooŕipa hasa
napayu: “Abaqhasindha, helatayaka. ¹¹ Olho
qhawhosi loka hopako qhawhitona liqa
dhiishay olho pako kata ħulla ŕandhika!”

¹² Ĥaysa tubettay kolladhambawhe Uso
kulaki iit’uyepa hasa payongipa kasŕadhongi:
“Feresawadhe olisa ŕallitiisi qhamu abaqhepa
kuttumadhongisa a’ubati?” ¹³ Naqharray
Uso hasi payipa nuholasu: “Dhishtakko
Paapo hayyu moontito yedhishshu kaasay
iroppamina. ¹⁴ Usundheesi helahxurama
usundhe taafawhepa holongi isitaafawhe
sitangiye, apayni taafakko holi isitaafakoosi
sita payni lakkintoy i’illeqabanapa hxohxno
kitteema hayyongi.”

¹⁵ Naqharray Pet’iroose Iyyesusena
hasi napayi: “Into liqnusasi ineishiq”.

¹⁶ Iyesuseka hasi payi: “Hune hannaka
hunihela taayte na’a? ¹⁷ Olho pako kata ħulla
kaasay karŕito kitteema qhamu oodhdhipa
holu isiseeto kula liqiisi hunihela sheeqte?

¹⁸ Naqharray olho pakito liqa saŕakito
kittate illiqi, olho qhawhosi lokaka husa.

¹⁹ Dhihattoote maqa pa qhawho poqe pa
baalagume pa maaso pa kerŕunte pa ayya
ŕalladhe pa hxashato, olisa kaasay saŕago
qhawhitona kittate illiqi. ²⁰ Heqhawho loka

haadhi hisi dhiishey olohela ħarqqe shoĥuna
yii’o yii’e yeqhawho loki.”

Dhukkaysadhe Ĥiskato piyye Kene’anatena

(Mar. 7:24-30)

²¹ Iyesuse haahanu ihaŕipa piyye T’iroose pa
teSidhona kula ashshoy. ²² Hahatika ĥiskato
Kene’anite Uso kula okayipa hasa napayipa
riiri: “Akko Mi’aye Dhawite Poqolho hayyu,
ma’ala yeqhararsadhma mi’aye tayyu nasso
maqattay yelaqabamipa isisoot’o hi’ayye!”

²³ Naqharray Uso olho to’okokaki
yenuholasu. Husa maallay kolladhambawhe
Uso kulaki okayepa hasa napayoongipa
waatadhongi: “Ĥiskatu kulay ine kaleemi
ashshitipa isiriiraye akko ma’ala taahu hela
laaqi.” ²⁴ Usoka hasi paypa nuholasu: “Ano
hannu erkami korossi manne Isiraelatena
qhamo ŕemmeete patti kula patta”.
²⁵ Ĥiskatosi i’okayti luqqe kala naranipa
hasa napayi: “Akko Poqolho hayyu ma’ala
yek’ark’ar!”

²⁶ Usoka hasi paypa nuholasu: “Yiito
mi’aadhetesi akkepa harrenu teeĥe
yeqeeŕasti”.

²⁷ Iseka innapayti: “Ee Poqolho hayyu,
harre kulay qodhanaadhe taanko poqle
huusundhina hayyesi iyyiangi.”

²⁸ Ĥingisana Iyesuse ĥiskatosina hasi
napayi: “Ato ĥiskatu dhukkaysadhe taahi
tedhammay, husa maallay olho ato wooti
ihokodhdha!” Satisana shettesi tiisika
idhdhinti.

Iyesuse Koro Kisha

Ho'udhdhamaasiki Dhinisi

²⁹Iyesuse haahanu ihaŋipa haŋyosi paso Gelilana kaanta ŋaqa kula ashshopa qubo sappeema hadhdhupa ŋakkadhu. ³⁰Waarsho kishaki ŋoobawhe pa taafawhe pa tonnawhe pa koro muumi pana koro udhango pile piletay udhdhamaasi dhodhooqhipa Iyesuse kula okayuttapa luhhe huusu kaleema haŋwadhongi; Usoka dhinnisoy. ³¹Hussa maallay waarshosi koro muumi iŋalladha pa tonnawheka isidhinna pa koro ŋoobika toomoma isioqadha pana koro taafika isieemadhana idhdhahxhipa Waako Isiraelateesi kaanasu.

Iyesuse Qhawho Kuma Salaŋki Yi'ashi

(Mar. 8:1-10)

³²Iyesuse kolladhambawhe huususiki ooŋipa hasa napayu: “Waarshu kuyaŋago izzaŋki yeŋale oladhi pa olhu yiinisi isiyesheeŋi maallay iyyeqadhasa. Qhooti onkadheema hirkinipa mallalo maallay yeolo yi'ongina anuhasa laaqini.”

³³Kolladhambawheka hasi payepa nuholasoongi: “Emma yiito waarshu kaasasi hxafna mandhuna kittate haŋganaka taynaani?” ³⁴Iyesuseka innapayina: “Dhilantako me'eka sheeqte?” Usundheka innapayenna: “Dhilantako taŋhan pa hxaare takkumay teqhac'aki ŋaqa.”

³⁵Usoka waarsho qhamu piyyeema ŋakkanninuki hayi. ³⁶Dhilantako taŋhan pa hxaaressisi akku pa iHalliko kalataysadhi tubettay qoodhupa kolladhambawheema teeŋu, usundheka i'akkepa waarshosinu qhootongi. ³⁷Koro kaasay yi'opa dhalahu; kolladhambawheka qodhanadhessi haqhe k'unna hoqhoho taŋhan nakalla haŋisongi. ³⁸Lammi koro yi'ika hiske pa mi'aadhe olodhihunna tiire patta qhawho kuma salaŋ. ³⁹Iyesuse waarshosiisi ihelahaŋisi tubettay, konko sappeemi hadhdhipa koro piyye Megedone kula ashshoy.

Kasŋo Qhoota Dhahxhxoote

Hi'e Kaa'ita Itt'uyi

(Mar. 8:11-13; Luk'. 12:54-56)

16 ¹Ferisawadhepa Sedhukawadhe Iyesuse kula okayipa isinntemme wo'apa qhamu montito olho koro dhahxhxisa nuhi'asninu kasŋadhongi. ²Naqharay Uso hasi payipa nuholasu: “Awne moonto i'idhipa hi'angu payni appayanguna: <Immasanna.> ³Holuppa apayni haŋto qhayanaki urratte iitipa hi'angu payni appayanguna: <Kuyyu irrawo idhdhibna.> Eepa lammi malke montoosi a'emangupa qhamu mala ligeesi isa'aranguma, kabay milikitaadhe perrina ubadhe hunialkaste. ⁴Dhalata maqaku pa mamaasa dhahxhxooti hi'e wo'i, naqharray dhahxhxooti Yoonaase malettay pileesi olonuhi'asni.” Haŋsa tubettay Iyesuse i'usundhe hxuripa ashshoy.

Haſasiso Feresawadheete
Pa hoSedhuk'awadheete

(Mar. 8:14-21)

⁵ Kolladhambawhe ippasito afe kula tahxhena dhilangu kalſoosadhe taymoodhe.

⁶ Iyesuseka innapayi: “Olho anhune ſallisi hela sheegindha, haſasiso Feresawadheete pa hoSeduk'awadheetena kalla hetifitadhindha.”

⁷ Naqharray usundhe hasi illena papaye: “Peri qhoota dhilango inisheeqadhooni maallaki hasa inena payna.”

⁸ Iyesuseka dhihatoote tuusundhisiki innaubhadhipa hasa napayu: “Hune hedhukkaysadhe hunena qhac'ti! Moonuka iitena qhoota dhilango inisheeqadhooni maallaki hasa inena payipa isa dhihadhangu? ⁹ Ata moonuki hunihela taayte qhari? Dhilantako hxubin qhawho kuma hxubinisi qhamu hxafipa honakala haqhiisi k'unna me'e nakalla haſisangusa hunihela taayte? ¹⁰ Holupa dhilantako tahhan qhawho kuma salahanu qhamu hxafipa k'unna me'e nakalla haqhupa nakalla haſisangusi hunihela sheeqte?”

¹¹ Lammi olisa anhunena payina: “Haſasiso Feresawadheete pa hoSeduk'awadheetena kalla hetifitadhindha!” Qhoota dhilankito qhamu yekodhusa maallaki hunihela taayte?”

¹² Kolladhambawheka olisa Iyesuse napayna hetifitadhindha: kollise Feresawadheete pa teSedhuk'awadhetena kalla qhamu ihetifitanenu dhiishey haſasiso

dhilangitona kalla hetifitadhe qhamu yekodhusa i'ubadhe.

Iyesuse hoPoqluntenu Ashiini

Qhamu Kodhdhisa Pet'iroose Ifalli

(Mar. 8:27-30; Luk'. 9:18-21)

¹³ Iyesuse piyye Filip'oose K'esariya anapayna ihxafina hasi payipa kolladhambawhesi kasſadhu: “Ano Mi'aye Qhawhitona koro yaħa Iyyela payi?”

¹⁴ Usundheka hasi napaye: “Koro tookko tookko <Shohambako Yohanise> koro hubhay <Eliyaase> Ihola payi, koro tookoka <Ermiyaase taakinti hxuumambawhatte kittate qhawho tookko> Ihola payi.”

¹⁵ Usoka innapayina: “Emma hunenaana yaħa ayyela payte?”

¹⁶ Simioonesi Pet'iroose anapay innapayina: “Ato Mi'aye Hallikosi ſaqitona, Kristoose”

¹⁷ Iyesuseka hasina payi: “Mi'aye Yoonay, Pet'iroose ato hohepoqati! Ho'oliisi hohi'aasi, Paapo hayyu moontito dhiishey qhawho ſandhika. ¹⁸ Anoka anhola iyyana ato Pet'iroose, awruko siimikku sappeemateki amanne hayyu kristanaasi qubani; humna fartatekaki yealkasnipa putu. ¹⁹ K'ulfaadhe Ahxase Moontitona anhoteeħni, olho appiyyate shabti kaasay moontitoka hoshabami ikkodhdhini, olho appiyyate ishiqti kaasay moontitoka hoishqami ikkodhdhini.” ²⁰ Nakaleemaka uso Kristoose qhamu kodhdhisa yaħanuka qhamu yeſallinenu usundhe hayu.

Iyesuse Rakko Usooma Okayna Pa
Farte Tuusu Kaa'ita Qharitemi Falli

(Mar. 8:31-33; Luk'. 9:22-27)

²¹ Haysanu paayyati Iyesuse kolladhambawhatte hasina paye payyi: “Katama Iyerusalame kulaki anashshini, haahaka haadhiqe piyyattepa intawambawhe k'eesadheete pana kollisambawhe Higgate yeema rakko okaasnapa yepoqongi. Ikodhdhitama kabay kuya'ago ishanna fartate anha'ana.”

²² Pet'iroose Iyesusesi fawniki qinafakooma oo'ipa hasa napayupa qheeru: “Poqolho hayyu, olho hasa liqa yehooma kodhdhamani! Olisa a'falliti mo'oka payni yehooma hxafnika!”

²³ Iyesuseka Pet'iroose kulaki laaqqammipa hasa napayu: “Ato Seef'ana yelakanta pat! Ato olho qhawhito dhiishey hoHallikitoosi atudhihatti maallay kuttumate ayyekodhiti.”

Kristoose Kaleema

Ashshenu Olho Korito Qee'ama

(Mar. 8:34-9:1; Luk'. 9:23-27)

²⁴ Hingisana Iyesuse kolladhambawhatte hasi napayi: “Qhawho yekala ashshanto wo'a faqa payni ihemarmadhipa mask'alako huusuka dhooqhadhopa yekaleema okayu.

²⁵ Qhawho nabse tuusu pinnisadhe wo'a kaasay ihelapatisa, naqharray qhawho nabse tuususi yemallay helapatisa ippnnisadha.

²⁶ Qhawho piyye qhaafi kaasaki tuusu

kodhdhinapa nabse tuususi dhabu payni moonu qarra? Taakinti qhawho olhu nabse tuusu kaba hela mure alkasni mo'o? ²⁷ Ano Mi'aye Qhawhitoka kaanaste Paapo hayyutaki ankodhdhinipa erkambatadhe illay okaya, kuya'agusana qhawho kaasay kodhmo huusu ikodhina hxayye numurra. ²⁸ Dhuke anhune falli, koru hayna shikkaarana kittate tookke tookke Ano Mi'aye Qhawhito kaanaste Ahxase tayyuttay anokaayana hagiye hiine saasa heye farrineki faqa.”

Oohame Iyesuse

(Mar. 9:2-13; Luk'. 9:28-36)

17 ¹ Kuya'ago tappi tubettay Iyesuse Pet'iroosepa Yaik'oobe pana faso Yaik'oobe Yohannise pattaki hekala oo'ipa qubo sikaaba sappeema hadhdhu. ² Ihaytusana faqana usundhe minteema oohamu, minte tuusuka qhamo oqhayatte nahxusi, lalle tuusuka napi'ipa qhamo hammaakito haahi. ³ Haattay Muuse pa Eliyaase heUso fale falladhaasiki hi'e. ⁴ Pet'irooseka Iyesusena hasi napayi: “Poqolho hayyu, haysa qayye i'ina heesay, awo'a payni kaassito izzañ tookko Hoosi, tookko Muusenu, tokkoka Eliyaasenu anqubadha.” ⁵ Usoka ihannay olisaasi falleete qayyana urratte pi'faki okaypa usundhe bhadhi, urratisana kittate ikkito hasa payiki dhakaadhi: “Mi'ayesi hayyu anusotta hxasoodhipa isanc'igadha haadhi husi Usoye. Usoosi abaqha!”

⁶ Kolladhambawhesika i'ikkitusasi mi'aye hayyusi yepehisma kama'ettaki apaqhena qhooti uuma murruke mallay mintetaki piyyeema ranne. ⁷ Naqharray Iyesuse usundhe kulaki okayipa ħarqo huusutay qaqappadhopa hasa napayu: "Ha'apa oloqaabe" ⁸ Usundheka i'fila ha'epa emmadhongina Iyesuse malettay qhawho pileesi yehiongi.

⁹ I'qubosinnu oodhdhanginna Iyesuse hasi napaypa usundhe hayu: "Ano Mi'aye Qhawhito fartate hagan ha'ani saasa oli ahiitesi ya'hanukka inna fallongu."

¹⁰ Kolladhambawhessika hasi payepa Uso kas'adhongi: "Emma kollisambawhe higgatte moonuki iyyena Eliyaase qhariteema okayna?"

¹¹ Usoka iholipa hasa napayu: "Karayka Eliyaase i'okaynapa olho kaasasi qarisu. ¹² Naqharray anhunena iyyana: Eliyaase ħayna qharaita i'okayina olhu wo'e kaasasiki nakodhe dhiishay yeuso ubadhongi. Holupa Ano Mi'aye Qhawhitoka usundhettay rakko akkadhe yeqee'asa."

¹³ Ĥaysa tubettay Iyesuse qhoota sho'ambako Yohannisesi qhamu torruyisa kolladhambawhenu innu'ulti.

Iyesuse Mi'aye Kama'fe Na'faqtisiki Dhinisi

(Mar. 9:14-29; Luk'. 9:37-43)

¹⁴ Iwwaarsho kula holepa okayongina qhawho tookko okayipa Iyesusena luhhe kaleema quladhupa hasa napayu: ¹⁵ "Akko Poqolho hayyu, ma'ala taahu,

mi'aye hayyusi yepehisma kama'ettaki yelaqabamipa isiyela foot'o hi'aye, kuyya'fe kisha hatteemi rannayipa f'andheemaka isihullayya. ¹⁶ Kolladhambawhe haahu kulaka anokayattay, naqharray dhinise yealkasongi." ¹⁷ Iyesuseka hasi payipa nuholasu: "Huni dhukkaysadhe dhabte; dhalata f'ongololgu ata haga para saasa anhune fale faakni? Haga para saasa anhune dhuubanni qhari? Into mi'ayissattay yekula okaya!" ¹⁸ Iyesuseka nassosi maqaasi iqheeripa mi'ayesina liqu, mi'ayesika haattay dhinu.

¹⁹ Ĥaysa tubettay kolladhambawhe huusu f'awniki Uso kula iit'uyepa kas'adhongi: "Emma Ine momallaki nassusa maqaasi lihase ini alkasooni?" ²⁰ Usoka hasi napayi: "Qhooti dhukkaysadhe hunena qhac'iti maallay, dhuke anhune falli, dhukkaysadhe ibhbhite senafic'ate kula qafittiki ashsheeqtepa qubuna napayanguna: <Ĥayna ha'apa ħaysa korasa ashshoy> payni i'ashshina. Olho hune malalla to'okoka ye'faqni. ²¹ Naqharray kama'fi hasa liqaasi yi'o male qissadhetaki yekodhdhu payni yeliqnika."

Iyesuse Farte Pa Ha'amako Huusu Lanki falli

(Mar. 9:20-32; Luk'. 9:43-45)

²² Kolladhambawhe ippiye Gelilasa illaholenna Iyesuse hasi napayi: "Ano Mi'aye Qhawhito ħarqqe koritosa ayelikasnipa ayete'e'u, ²³ usundheka iyyepoqnangi,

naqharray kuyaŋago ishanna fartate an'haŋana.” Kolladhambawhenuka uumi nudhagati.

Gibirro Manne K'ulk'ulawhattena Mure

²⁴Iyesusepa kolladhambawhe ikatama K'ifirenahoomena hxafe tubettay koro Manne Hallikitona gibirro murasa Pet'iroose kulaki okayipa hasa napayu: “Kollisambako haahundhi gibirro^g Manne K'ulk'ulawhattena yemurri?” ²⁵Usoka innapayina: “E'e immurra.” Pet'iroose immanne kula ŋaaki tubettay Iyesuse i'intoosipa hasa payupa kasŋadhu: “Ato Simioon mali holiqti? Nigusaadhhe piyyina mi'aadhe huusundhinaki gibirro sooŋem koro pilena” ²⁶Pet'irooseka hasi paypa nuholasu: “Koro pilena.” Iyesuseka hasi napayi: “Eepa Mi'aadhe huusundhi gibiroosi yemure payyo. ²⁷Naqharray qhamu iniusundhesi kuttumate kodhdhinenu paso kula ashshapa sherqhosi ahxaareta qappiisi qaasay, hxaarite qhariteema qabamtisi yukay, pakosiki annaqhashti payni pirraadhe annataynti,^h kodhatisasi akkipa hayyupa haahuusi muray.”

Hokaasana Qula Yaŋa?

(Mar. 9:33-37; Luk'. 9:46-48)

18 ¹Hingisana kolladhambawhe Iyesuse kulaki okayepa hasa napayoongipa kasŋadhongi: “Ahxase Moontitona hokaasanu qula yaŋa?” ²Iyesuse mi'aye takkasaasiki ooŋipa usundhe kitteema shikkaarashupa hasa napayu: ³“Dhuke anhune ŋalli, apayni huni oohamongupa mi'aadhe kula kodhdhangu payni Ahxase Moontitosa mo'okaki payni hunihullinte. ⁴Qhawho mi'ayi kula pukaŋate tuusu helatakoosa Ahxase Moontitona uso hoqula ikodhdhini. ⁵Qhawho yeesi paypa mi'ayiisi makaŋako hayyuttay akkadhu yeesiki akkadhi.

Qhawhonu Kuttumate Kodhdheete Hetiŋadhe

(Mar. 9:42-48; Luk'. 17:1-2)

⁶“Qhawho yaŋaka hisi takkumma yedhukkaysadhana kittate qhawho tookko dhappisnana kaanta qhut'me yooqhetesiki amoma hela shabnipa paso kittekata hek'uruki nuwoyyina. ⁷Qhaat'i qhooti koro kuttumenu iheooyadhe; karayka olho koro kuttumna okaye yenahaqhinti, naqharray qhawho kuttumatisanu onke kodhdha iheooyadhi! ⁸Apayni ŋarqo takinti luhte taahu hodhappisa payni helaqoŋpa k'uray,

^g17:24 Qhawho perko 20nu ŋilo ŋaqa kaasay gibirro Manne Hallikitona dhinaarate karo mure qeeŋasa payyo pako grikatettay dirahma lakki.

^h17:27 Pako girigatettay stater payyo dirahma salah.

ħarqo takinti luhte lakki ashsheeqintipa hatte yeime sheeqtisa k'uramana kaanta qhurt'anakano takinti tonnako akodhdhintipa ġaqa kula ħullaki howoyyina. ⁹ Apayni ehxte taahu hodhappisa payni helayukpa k'uray, ehxte lakki ashsheeqintipa Gehaneme, hatte yeime sheeqtisa k'uramana kaanta ehxte toote ashsheeqintipa ġaqa kula ħullaki howoyyina. ¹⁰ Hisi takkummana kittate tokkosi qhamu hunidhafintenu hetifitadhindha. Momallay payni erkambatadhe huusundhi moontito ġaqa Paaposi hayyu moontito ġaqana minteesi kuyaġago kaasa kinaeeme, ¹¹ momalla payni Ano Mi'aye Qhawhito hannu okayi hepatesi qeeġenu.”

ġeemtesu Patipa Tayamina Liqno Hiisi

(Luk'. 15:3-7)

¹² “Into yeġalla? Qhawho tookko hoġeemte dhippa sheeqanaki toote napatti payni tookisa hudhango kollanpa kollaniisi ġarakooma yehxurripa tootisa pattiisi qeeġu? ¹³ Dhuke anhunena payi, ġeemtesu pattiisi ittay payni ġemmisa yepatongi hudhango kollanpa kollanna kaanta ġemtisay ittayitay uumi hxasooni. ¹⁴ Qhamusa kula Paaposi haahundhi moontito ġaqa hisi takkuma ħayna ġaqana kittate qhawho tookko qhamu pannisi yewo'ikka.

He'llena Dhappe Qhamu Mo'o

Kodhe Usundhe Qeeġasti

¹⁵ “Qharungo taakinti ġaso haahu holadhappi payni ato patta nakula ashshapa dhappite tuususi nuġallay, ihola abaqhi payni aholapa qharungo taakinti ġaso haahu kodhay. ¹⁶ Naqharray yehola apaqhu payni misikirungo qhawho lakki taakinti qhawho izzaħttay qhooti dhuge kodhdhi maallay qhawho lakki taakinti qhawho izzaħ qabhadhpa uso kula ashshoy. ¹⁷ Apayni usundhenaka ye'apaqhu payni ashshapa manne kirstananu ġallay, apayni manne kiristananaka yeabaqhu payni, qhamo qhawho yeHalliko aripa c'uppolakoma dhiha.

¹⁸ “Dhuke anhune ġalli, olho appiyyatte shabte kaasay moontitoka hoshabami ikkodhdhini, olho appiyyatte ishiqte kaasay moontitoka hoishiqami ikkodhdhini. ¹⁹ Holupa anhunena iyyana hunena kittate qhawho lakki illaħulipa olho tookko kasġadhongi payni, Paapo hayyu moontito ġaqa innukonna. ²⁰ Qhawho lakki taakinti qhawho izzaħaki Makaħko hayyuttay illaholi payni, Anoka usundhena kittate antayamni.”

Qhoota Hxurakito

²¹ Ĥingisana Pe'iroose Iyesuse kulaki okayipa hasa napayupa kasġadhu: “Poqolho hayyu, qharungo taakinti ġaso hayyu yela dhappi payni me'taki anuhxurako konni? Ata taħħantam?” ²² Iyesuseka

hasi napayi: “Hudhango taḥhanisi tara taḥhanttay nahohola dhiishey taḥhanttay patta anuhola payni. ²³ Husa maallay Ahxase Moontito nugasasi kodhatte kodhambawhe kodhadhettay dhihasiki liqti. ²⁴ Nugusitosi idhdhihe payina kodhambako hokodhate uuma dhaḥammayi¹ naḥaqtiki okayi. ²⁵ Kodhambakusa olhu murri qhooti yesheeqi maallay, naḥaye tuusupa dhelle huusu pana olhu sheeqi kaasasi qhamu lassinipa kodhatisaasi numurunu nigusasi iuso hayi. ²⁶ Naqharray kodhambakosi Poqolhosina luqqe kaleemi qulladhipa hasa napayupa waatadhu: ‹Ma’ala Poqolho hayyu, takkasay yedhupadhma To’oteema anhomurriye.› ²⁷ Poqolhosika kodhambakosisi iqhararrsadhpa kodhatesi kaasasika qhamu yemurinu nuhxuru.

²⁸ “Naqharray kodhambakosi haahanu illiqipa isiashshana qhawho pile huillettay kodhadhepa dinaare pirre dhippa nupasanusiki tayipa haamakata amo naniikupa hasa napayu: ‹Kodhatesi anhopasanisi yemur.› ²⁹ Qhawhossi i’illettay kodhadheka kodhambakosina luqqe kaleemi ranipa waatadhu: ‹Ako ma’ala taahu takkasa patta yedhupadhma anhomurraye!› ³⁰ Naqharray qhawhossi yenudhubadhu. Laadhdi i’qabsisipa hagi kodhatte tuusu numurri saasa manne shappeetesa ḥullesasu. ³¹ Kodhambawhe tookke kabay i’olisaasi hi’ena uumi nudhagaati, ashongipa

olho kodhdhamadhi kaasasi Poqolhossi huusundhinu torruyongi. ³² Poqolhosika kodhambakosi innukodhate dhamma hxuriisi i’ooḥasipa hasa napayu: ‹Ato kodhambako maqako, qhoota ayewaatati maallay kodhatisay hola ḥaqa kaasasiki anhohxuri, ³³ Qhamusa ano hohxuri kula atoka qhawhusa a’illeta kodhatenu hxure yehoqeeḥasti?› ³⁴ Husa maallay Poqolhossi innamiroodhipa kodhatesi naḥaqa kaasasi hagimuri saasa korossi koro shappanu teeḥu. ³⁵ “Lammi huneka pukaḥate pukaḥatenu qharumaadhe taakinti ḥassawhe haahundhinu saḥagottay huni hxurako kotte payni Paaposi hayyu moontito ḥaqaqa qhamusa kulaki hune konni.”

Ahxke Mannete Ille Ishiqe Yeqeḥasti

(Mat. 27-32; Mar. 10:1-12; Luk’ 16:18)

19 ¹ Iyesuseka i’olisaasi torruyipa dhikkisu tubettay piyye Gelilanuki haḥipa piyyesi Yihuday kolle Yordanosenna afeete ḥaqa kula ashshoy. ² Waarsho kishaka Uso kala ashshopa ḥaysasa usundhe dhinnisoy. ³ Feresawadhe tookke tookke Usoosi temmenuki okayepa hasa payongipa kasḥadhongi: “Qhawho olho kodhdhamadhi kaasay maallay naḥaye tuususi ishiqenu ippayamti?”

⁴ Usoka iholi hasa napayu: “‹Uumambako qhariteema tiirakko pa ḥiskato qhamo

¹18:24 Pako Girikatettay 10000 talanti payyo dinaare 6000.

ikodhdhipa uumusa> huni nappabongu? ⁵Hasaka payu: <Qhawho paapo pa yayye tuususi ihela hxurapa nahaye tuusu illay isito'oke kodhdhe, usundhe lakkisa dhaginte toote ikodhdhine.> ⁶Hussa mallay haysanu koru usundhe dhaginte toote dhiishay lakki fandhika. Lammi heHalliko tookke illa kodhiisi qhawho inni'llena kalla reehu.”

⁷Feresawadheka innapayena: “Emma Muuse moomallaki iyyina: <T'iirakko apayni nahaye tuusunu warak'ate ishiqateesi innuteehi payni i'ishiqa?>” ⁸Usoka hasi napayi: “Kulay Muuse dhigitno safse haahundhi maallaki nahadhdhe haahundhi qhama a'ishshiqtenu ihune pay dhiishay, qhara'ita hasa yepayamukka. ⁹Anhunena payana: qhawho nahaye tuusu yemaasuna ishiqipa pilateesi isiakka kaasay immaasa, holupa qhawho tessi ishqamtiisi akkaka immaasa, isekka qhamo immaasti ikkodhasi, qhawho hiskato ishqamtiisi akkika immaasi.” ¹⁰Kolladhambawheka innapaye: “Apayni qhoota t'iirakito pa honahayate hasi liqi payni akke helahxure iwwoyya.”

¹¹Naqharray Iyesuse innapay: “Kollingu koro innuteehamtinu patta dhiishey koro kaasana fandhika. ¹²Holupa hekundhe kodhdhepa dhaladhoongi isi'akke male faakaki faqa, heharqqe qhawhitottaay akundhe usundhe kodhipa isiakke male faakaka i'faqa, holupa heAhxase Moontito

maallay akke male qayyaka i'faqa. Qhawho oliisi akkadhe alkasna i'akkadha.”

Iyesuse Qhamu Mi'aadhe Saki

(Mar. 10:13-16; Luk'. 18:15-17)

¹³Hingisana harqqe huususi qhamu nasaappa qabanipa nuqissadhunuki koro mi'aadhattay Uso kula okayi, naqharray kolladhambawhe korossi mi'aadhattay okayisa inna dheehadhe. ¹⁴Naqharray Iyesuse hasi napayi: “Mi'aadhe iyyekula okayepa olodhawrase, Ahxase Montito qhooti hisi hasa liqoomanu kodhdhiti maallay.” ¹⁵Harqo huususi innasaappa qabhadhi tubettay haytusanu hafupa ashshoy.

Kasfo pongorito shorokitosina

(Mar. 10:17-31; Luk'. 18:18-30)

¹⁶Haysana qhawho tookko Iyesuse kula okayipa hasa napayupa kasfadhu: “Kollisambako hayyu, faqa perre yehume sheeqena tayadhenu olho heesa mo'o ankonna?” ¹⁷Iyesuseka hasi napayi: “Qhoota olho heesa kaa'ita mo'onuka yekasfati? Waako to'oko pattaki hoheesaye, naqharray karo faqito hulle wooti payni hayidhiisi tifatadha.” ¹⁸Qhawhosika hasi napayipa kasfadhu: “Ata hayidhe hinka?” Iyesuseka hasi payipa nuholasu: “Olopoqi; olomaasi; olokerefi; ayya olomasakari; ¹⁹paapo pa yayye taahuusi kaanas; qormadhitto haahuusi qhamo pukafate taahu kula c'igadha.”

²⁰ Pongoritosika hasi napayi: “Hayidhissa kaasasi antiſitadhi, olho pile mo’o yela qhac’na?” ²¹ Iyesuseka innapayina: “Qhawho qari akodhdhe wooti payni, ashshapa olho ashsheeqti kaasasi lassopa kodhattisasi ħiyyawhenu qhootoma shorokungo Moontito illaholisiki attayadhintiye. Ĥaysa tubettay yekala okayay.” ²² Naqharray pongoritusa qhooti shorokungo dhamma sheeqi mallay iſallitisasi apaqhina innamaqtipa ashshoy. ²³ Iyesuseka kolladhambawhatte hasi napayi: “Dhuke anhune ſalli, shorokittonu Ahxase Moontitosa ħulle innuhaĥay. ²⁴ Anna holapa hune ſalla: shorokitto Ahxase Hallikito kula ħullinana kaanta kaala bhaaqhe marfatena ħullinaki woyyina,” ²⁵ Kolladhambawheka i’olisa apaqhena uumi dhahxhpepa hasa payongi: “Lammi yaĥa dhine alkasna?” ²⁶ Iyesuse usundhe kulaki emmadhipa hasa napayu: “Oli qhawhonu ye’alkasami, naqharray Hallikottay olho kaasay i’alkasama.”

²⁷ Ĥingisana Pet’iroose hasi napayi: “Haadhi ine olho kaasaki anhela hxurripa hokala ashshonina mo’o antayanaani?” ²⁸ Iyesuseka hasi napayi: “Dhuke anhune ſalli, ħingesi qhaat’e qhawtawhe okayepa Ano Mi’aye Qhawhito ſakkate kaanastatesa aſakkadhana hunissa yekaleema ashshite ſakkattisay hudhdhan pa lakkisa aſakkantepa kaffesi Isiraelate hudhdhan pa lakkisa qhaqhite qhaqhangu. ²⁹ Qhawho makaĥko hayyu maallay mannadheesi takkinti

qharummadhe pa ſassawheesi takkinti alawweesi takkinti paapo pa yayyeesi taakinti mi’aadheesi takkinti pashsheesi helahxuri kaasay, ĥarqqo dhippa lakki i’akkani, holupa ſaqa perre yehume sheeqena tayadhu. ³⁰ Naqharray koro kisha hointawi hokeeti kodhdhini, koro keetika hointawi kodhdhini.”

Liqno Koro Kodhmo Hxayyasadhina

20¹ “Akhase Moontito, qhawho dhishto huusu weynateesi kodhambawhenu hxayyenu singato awnettay liqiisiki liqti. ² Usoka qhawho kaasanu hxayye kuyaſago tookito dinaare toote toote qhamu innuteeĥninuki illaĥule, kodhambawheesisika pashosi weynate kula eragu.

³ “Issaate izzaĥ kula qaſſiti hxafnana koro kodhmo dhabipa isileſakito shikkaarasi tayupa hasa napayu: ⁴ <Hunekka pashosi dhishto weynate kula ashshindhapa kodhmo kodhanguma hxayye hune qeeſasasi anhune teeĥnaye.> ⁵ Usundheka ihaſepa pashosi dishto weynate kula ashshongi; holupa saate tappipa saate kollanaka ashshopa qhamusa kula kodhu. ⁶ Issaate hudhdhanpa to’on kula qaſſi hxafnana onka’ita liqupa koro kodhmo dhabipa isishishikaarasa hxafopa hasa napayu: <Kuyyu moo hune tayipa isihuni kodhmo kotte?> ⁷ Usundheka hasi payepa nuholasoongi: <Kulay qhawho ine hxayyinaasi qhoota dhabni maallay.> Usoka

hasi napayi: <Lammi hunekka pashosi dhishto weynate kula ashshindhapa kodhadhangu.>

⁸“Hayto i’awnuyina paaposi pasho dhishto weynatena qhawhossi kodhmo kodhatesasi i’ooŋipa hasa napayu: <Korossi kodhmo kodhadhiisi ooŋapa hessi dhikkatate okayesa payapa heqhara’ita hxayansadhe kaasanu hxayyesi huusundhi innakodhadhesi numurroy.> ⁹Hussa maallay korosi saate hudhdhampa tootate hxayansadhi i’okayepa dinaare toote toote akkadhu. ¹⁰Hessi qhariteema hxayansadheka i’okayena koro hxayye qula akkanaki nuliqti, naqharray usundheka pukaŋate pukaŋateema dinaare toote toote i’akkadhe. ¹¹Kodhatesisi akkadhongipa hasa payongipa paaposi dhishto weynatesa isiqhurumumangi: ¹²<Korusa tubenu okayi saate toote pattaki kodhadhe, naqharray ine singato annpayinipa hagi awnuyti saasa oqhaye ineema t’oqhipa tardhaani ŋaleki a’illekito usundheesi teehti.> ¹³Paaposi dhishto weynatena korossi kodhadhina kittate qhawho tookito hasi napayi: <Qhawho hayyu, manhola dhappi, dinaare toote anho teeŋni anpaypa illaŋhulaani ŋandhi? ¹⁴Hussa maallay olo haahu akadhpa ashshoy, hussa anhoosi teeŋni kulaqaŋi hossi tubenu okayinuka teeŋenu wo’ogo hayyu. ¹⁵Kodhatte tayyusi olho awo’i kaasattay kodhe anu’alkasni? Atam kati qhoota anŋorŋito kodhdhi maallaki iholamaqti?>

¹⁶“Husa maallay koro keeti ho’intawi kodhdhini koro intawika hokeeti kodhdhini,

[heoŋame hekisha; heqholame kabay heqhac’a.]”

Iyesuse Rakko Nahxafnasi Iŋha Iŋalli

(Mar. 10:32-34; Luk’. 18:31-34)

¹⁷Iyesuse katama Iyyerusalame kula i’ashshapa isionkate ŋaqana kolladhambawhe hudhdhanpa lakkiisi ŋawniki hekula oŋipa hasa napayu; ¹⁸“Haadhi Iyyerusalame kulaki anashshini, Ano Mi’aye Qhawhitoosi rafisambawhe k’eesadheete pa kollisambawhe Higgatenuki iyyelikkasnepa yeteeŋongi, usundheka qhaqhite fartate iyyeema qhaqhnepa; ¹⁹qhamu iyyelaŋhikkine pa yegarafongi pa mask’alaamaka yedhisongi pa koroye koro Ayihudatte kodhdhunuka yelikasongipa yeteeŋongi; naqharray kuyaŋago iŋhana farttate anhaŋana.”

Dhelle Zebdiwoosena Yayye Tuusundhi

(Mar. 10:35-45)

²⁰ŋingisana yayye dhelle Zebdiwoosenaki dhelle hiisi illay Iyesuse kula okayi pa Uso miinta qulladhipa qhamu olho tooko nukoninu waatadhi. ²¹Usoka innapayina: “Mo’o awooti?” Iseka inna paytina “Dhelli hayyu lakkissi Ahxase Taahuna tokkoosi miskitto kaaŋila tokkoosika piŋate kaaŋila qhamu ŋakkannenu napayi!”

²²Iyesuse kabay innapayi: “Olho aqissateesi huni arte, ŋugtesi rakkito anŋugniisi yeŋale ŋuge a’alkasnangu?” Usundheka innapayena: “Ee, analkasnaani!”

²³ Usoka innapayina: “Karayka ūgtisay tayyu rakkitoosi aūgnangu, naqharray miskitto pa piūhate tayyu kaafila heūakkanna hessi Paapo Hayyu nugarisi dhiishay Ano ūandhiki teeūna.”

²⁴ Kolladhambawhesi hudhdhan iūolisaasi abaqhenna dhelle lakkisisa innamiiroodhe.

²⁵ Iyesuseka illeemi usundhe ooūipa hasa napayu: “Rafisambawhesi koro yekoro Ayhudate kodhdhuna waarsho huusundhi rafisa, intawambawhe huusundhi qhamu humnattay usundhe rafisesa a’arangu.

²⁶ Naqharray hune qhamusa kula kodhe yehune qeeūasti; husana kaanta qhawho hunena kittate qule wo’a ūaqa payni ihuneesi kodhambako kodhdha. ²⁷ Laadhdhi qhawho hunena qule wo’a ihune ayille kodhdha.

²⁸ Qhamusa kula Ano Mi’aye Qhawhitoka qhamu koro Yekodhaninu ūandhima koronu qhama kodhanipa hekishanu nabse tayyu ko’o kodhepa teeūenuka okay.”

Iyesuse Taafawhe Lakkissi Qhamu Dhinisi

(Mar. 10:46-52; Luk². 18:35-43)

²⁹ Iyesuse pa kolladhambawhe huusu katama Iyarkona kittate illiqepa isiashshana waarsho kisha Uso kala ashsha.

³⁰ Haytusanaka taafawhe qhawho lakki onkate hinasete ūakkadha, Iyesuse i’usundhe kaa’ita liqqana i’abaqhe pa “Poqolho haani, mi’aye Daawite akko ma’ala ine qhararsadh!” Payongipa riirongi.

³¹ Waarshoka qhamu k’ambaynenuki usundhe qheeri, naqharray usundhe “Poqolho haani, mi’aye Dawite akko ma’ala ine qhararsadh!” Kipayepa uuma riirongi.

³² Iyesuseka ishshikaaripa ooūupa hasa napayu: “Mo’o anhune konni kawwoote?”

³³ Usudheka innapayena: “Poqolho haani, ehxhe haani qhamu ine qhashamneki awwooni.”

³⁴ Iyesuseka iqhararsadhipa ehxhe huusundhiisi naqaqappadhopa ehxhe huusundhika haattay haytoosi hi’ongi, usundheka Iyesuse kala ashshongi.

Iyesuse Kaanaste Dhammataki

Katama Iyyerusalame Kula Hulli

(Mar. 11:1-11; Luk². 19:28-38; Yoh. 12:12-19)

21 ¹ Iyyerusaleme kula itt’uyepa qodhdhesi Qubo Ekerkitona kaanta ūaqay Betefaage anapayina hxafongina Iyesuse kolladhambawhe lakkina hasi napayipa eragu: ² “Qodhisay hunena miinate ūaqa kula ashshindha, haytusana ahxafte payni, hattay harre te’ashabi temi’ayye illay ūaqasa ahxafinteye ishiqindapa hasa kula yeokaasangu. ³ Yaūhakaki huneema olo ūalla payni <Poqolhonuki qeeūase> napayapa Usoka hattaki eragni.”

⁴ Olisaka hossi hxuumambakottay hasa payamipa toohamoy qhamu dhikkaninu:

⁵ “Mi’aye T’iyyoonena hasa napayi

«Haadhi Nigusa haahi toodhi
kodhdhinipa harre pa mi'aye harrate
sappeema hadhupa hekula okayu.»

⁶Kolladhambawhesika i'ashshepa qhamosi
Iyesuse nuḥalli kula harresisi ishiqongi.

⁷Harresiisi mi'aye hiisi illay okaasongipa
laalladhe huusundhiisika nasappeema
ḥafongipa Iyesuseka hadhdhupa nasaappa
ḥakkadhu. ⁸Waarshosina koro kisha laalladhe
huusundhiisiki onkeema ḥafe, koro tookoka
kaareti qharre qoqondhepa isionkeema
ḥafangi. ⁹Waarsho intawi pa hokeetika

“Hosainaj, mi'aye Dhawitenu!

Homakaḥko Poqolhitottay okaaya

hohepoqadhi,

Hosaina, quta moontitoka!” Kipayepa

isirrira.

¹⁰Ikatama Iyerusalameḥa ḥullina koro
kaasay idhdhahxipa isihasa paya: “Ata husi
yaḥa?” ¹¹Waarshoka hasi paypa nuholasu:
“Husi kulay hxuumambakoosi Naziratesi
piyye Gelilana kittate ḥaqanu okayi Iyesuse.”

Iyesuse Manne Hallikito Kulaki Ashi

(Mar. 11:15-19; Luk'. 19:45-48; Yoh. 2:13-22)

¹²Iyesuse Manne Hallikitona qintemi
okayi pa koro ḥaytusana moore lassadhapa
isiḥorqadha kaasasi qoru; koro kodhatte
oohadhana ḥ'arabheesadhapa koro
ḥalalo lassadhana ḥakkatadhe lallaaqoy.

¹³“Iyesuseka hasina payi: «Manne hayyu,

manne qissootate kipayame» apayipa
atooḥoy naqharray hune horro sarambawhe
nabhadhdhame akotte!”

¹⁴Iyesuse iManne Hallikitona ḥaqana
taafawhe pa tonnawhe Uso kula okayipa
dhinnisoy. ¹⁵Naqharray rafisambawhe

k'eesadheete pa kollisambawhe higgate
dhahxhooḥosi Iyesuse kodhipa olhossi
mi'aadhe manne Hallikitona: “Mi'aye
Daawitenu Hosayna kalata innukodhdha”

payepa isiriirasi iḥiena immiiroodhe;
¹⁶usundheka innapayena: “Olho mi'aadhisa
payeesi a'abaqhay?” Iyesuseka innapayna:

“Ee, anabaqha, k'aalesi iyyanna:

«Dhelle pa mi'aadhe hanna shurana

pakoomi kalata qarisisi» huni napapongu

intaa?”

¹⁷Haama usundhe hxurupa katamana
kittateka liqupa qodhdhesi anapayi Bitaniya
kula ashshopa haaha rafu.

Karkosi Belese anapayi Awsho Yenaḥaqi

(Mar. 11:12-14,20-24)

¹⁸Iyesuse singato awnettay iḥaḥipa
katama Iyerusalame kula isiholana ipuffi.

¹⁹Onkate kaantaka karko laasite liqa
hoana belese payi tayupa nakula ashshoy,
naqharray qhooti yeawshu mallay aahxe
malettay awshitako to'okoka yematayu, hussa
mallay karkosina hasi napayi: “Ḥaynu
koru awshitako innihela ḥaqu.” Karkosika

Ḥ21:9 Hosaina payo pako ibrayst'atettay hantu dhinis.

hattaki haḥawi. ²⁰ Kolladhambawheka i'olisa hi'ena idhahxhe pa hasa payongi: “Ata! Karku belesate malaali haattay haḥawi?”

²¹ Iyesuseka hasi napayi: “Dhuke anhune ḥalli, apayni saḥagotaka adhukaysatepa isihuni heqatte payni olho karku belesatesa kodhdhamadhi patta ḥandhima qubunakaki annappaytena: <Ḥaytuna roppamipa ashshoy kala paso kitta hatabamay> payni ikodhdhamanna. ²² Dhukkaysadhe ashsheeqte payni olho aqissate kaasay a'akkanangu.”

Kasfo Qhoota Humna Iyesuse Ka'ita Iit'uyi

(Mar. 11:27-33; Luk. 20:1-8)

²³ Iyesuse Manne Hallikitona qintemi okayi pa isikoro kollisana rafisambawhe k'eesadheete pa haadhiqe piyyate Uso kulaki okayepa hasa payongipa kasḥadhongi: “Oli kaasay humna hunkataki akotti? Humnisi yaḥa hotteeḥi?” ²⁴ Iyesuseka hasi payipa nuholasu: “Anoka kasfo tookko anhune kasḥanni; apayni hune olisa yeholasi payni Anoka oli kaasasi humna hunkattay qhama kodhisa anhune ḥallina. ²⁵ Shoḥatte Yohannise ahanuki okayti? Moontikim korito kanta?” Usundheka hasi payepa illena laaqadhongi: “<Moontiki okayti> kannapayni payti <Lammi moonu isihuni dhukkaysadhongu?> Ki'inena payni. ²⁶ <Korito kanta> Annapayni payni, koro kaasay Yohannisesi hxuumambakoma qhooti dhihadhi maallay, waarshosika anqaabni.”

²⁷ Husa maallay “Ini'arrika” kinapayepa Iyesusenu holasongi. Usoka innapayina: “Lammi Anoka oli kaasasi humna hungattay qhama kodhisa anhune ḥallinika.”

Liqnosi Dhelle Lakkina

²⁸ Nakaleemaka Iyesuse hasi usundhena payi: “Mali hune liqti? Qhawho tookko dhelle lakki sheeqa ḥaqa, usundhisana mi'aye tookko kula okayupa hasa napayu: <Mi'aye hayyu, kuyyu pashossi dhishto weynate kulaki a'ashshintipa kodhmo kodhana.>

²⁹ Mi'ayesika <Anuwo'i> kinappayipa iishoy. Ikodhdhitama kabay haani mi'ayesinu inudhagatipa kodhmosi kula ashshoy.

³⁰ Paaposi mi'aye lanka kula ashshi pa qhamusi kulaki hayu, mi'ayesika innapayina: <Paapo hayyu e'e anashshina> naqharray yeashshuka.

³¹ “Lammi dhellisa lakkina hunkaki hayo paapo huusuna kodhi?” Usundheka hasi payepa nuholasongi: “Mi'ayisa paayyootate!” Iyyesuseka hasi napayi: “Dhuke anhune ḥalli, koro k'arat'o soḥa pa hemamasa Ahxase Hallikito kula ḥulleete ihune intawnangi. ³² Shoḥambako Yohanise onke pare ḥagungitoosi hune hi'aasenuki hune kula okayi, hune kabay hunidhukkaysadhongu, hek'arat'o soḥapa hemamasa kabay idhdhukkaysadhe. Hune kabay hussasi ahiite kaki payini c'uppito kala huni holongu pa Halliko dhukkaysadhangu.

Liqno Koro Dhishto Weynate Hxayyadhina

(Mar. 12:1-12; Luk². 20:9-19)

³³ “Into liqno pilako abaqhasindha. Qhawho tooko pasho huususa dhishto weynate dhishadhi, usoka pashosi dhishto weynateesi ohinupa hxohxono awsho weynate anat’iibnisika qhotopa qarisu, tayho tifiteteka naqubadhu; haysa tubettay pashosi weynateesi koro qhotadhanu hxayyupa piyye pilatte kula ashshoy. ³⁴ Lefidhesi ana awsho weynate yuuti qhooti hxafe maallay kodhambawhe huususi korossi qhotadha kula eragu. ³⁵ Korossi qhotadhaka kodhanbawhesi huususi iqappepa tokkoosi itubhbhaye, tokkoosi ippoqe, tookkoosika awruqettaki hattabe. ³⁶ Uso hantuka iholi kodhanbawhe hessi qhara’itanu qulaasi eragu. Korossi qhotadhaka qhamosi kodhambawhe tokkate kulaki kodhe. ³⁷ ‹Mi’aye hayyusi ikaanasnangi› kippayipa dhikattate mi’aye huususi eragu. ³⁸ Naqharray korosi qhotadha mi’ayesiisi ihi’enna hasi payepa suladhongi: ‹Husi kulay dhañhaalmakosi huusuye, okaya poqnipa pashusa huususi tayni!› ³⁹ Husa mallay qabongipa pashosi dhishto weynatena kittate lihasongipa poqongi. ⁴⁰ Lammi paapusa dhishto weynatena i’okayi payni qhotambawhisaasi mali paasini?” ⁴¹ Usundheka innapayena: “Koro maqakusasi i’okaynapa yeqhararsadhuna bheqhupa koro

pile heawshusa pasho dhishto weynatena saati qe’astina nueragnanu tee’hu.”

⁴² Nakaleemaka Iyesuse hasi napayi: “K’aalesi mat’aafa k’ulk’ulito kittate iyyanna: ‹Awrukosi koro manne qubhadha iishi iholipa awruko dhikita manne qaba kodhdhu, hussaka kodhmo Poqolhito, ehxhxe haaninuka dhahxhxootesi› intaa huni napapongu?”

⁴³ “Hussa maallay hasa anhunena payi, Axahase Hallikito ihunena akamnapa waarsho awsho awshinanu tee’hami. [⁴⁴ Qhawho awruku sappeema rani immusuqhsuqhna, kabay qhawho awruku uso sappeema laaqami iyyoqhamna.”]

⁴⁵ Rafisambawhe k’eesadheete pa Feresawadhe i’olissa abaqhenna Iyesuse qhamu usundheesi fallisa i’ubadhe. ⁴⁶ Husa maallay isinnaqabe wo’a, naqharray waarsho qhooti hxuumambako kabeema Uso dhihadhi maallay iqaabe.

Liqno Yi’o Akkeetena

(Luk². 14:15-24)

22 ¹ Iyesuse iholipa liqnottay hasa payupa nu’fallu: ² “Ahxase Moontito, nigusitto akke mi’aye huusunu yi’o qarisisiki liqti. ³ Nigusitosi koro o’fami yi’osi amanne akkeetesa qarisi kula qhamu okaynenu aylaadhe huususiki nakula eraki, naqharray korosi yi’usa kula okaye yewo’u. ⁴ Nigusasi iholipa kodhambawhe pilena hasa payupa

eragu: ‹Korossi a’oofi kula ashshindhapa hasa napayangu: ‹Haadhi, yi’ossi akkeetesi anqarisi, fardhawe pa qhole kokoobeesika asaahi, olho kaasaki qari, husa maallay yi’ossi akeete kula okaya!››⁵ Hessi ayi’onu oofi kabay idhafepa qhawho kaasay hayto iwoo’i kula: tooko pasho kula, tookoka moore kula ashshoy, ⁶koro tookoka kodhambawhesisi iqappepa nahikkayongipa bheqhongi.

⁷“Hingisana nigusitosi immiroodhipa foolisadhe naeragupa ashongi korosi ayiladhe huususi bheqhesi paa’hongi, katama huusundhiisika hattettay nadhiloni.

⁸“Haysa tubettay ayiladhe huusuna hasi napayi: ‹Haadhi yi’osi akkeete iqari, naqharray korossi a’oofi hoyi’usanu qee’asa yekodhdhu. ⁹Husa maallay onke dhamma kula ashshindhapa qhawho atayte kaasasi yi’ossi akkeete kula oo’angu.›

¹⁰“Kodhambawheka onkadhe kulaki ashshepa qhawho ittaye kaasay hemaqoomapa heheesoomaasika illeema holasoongi, husa maallay koro mannesi ahayhitonu yiito qarisi kaleema hoqhqu.

¹¹“Naqharray nigusitosi korossi yi’o akkeete kula a’ofisi emmenu manne kala hullina, qhawho tooko hoyelalle rugmakito urkuyusiki tayi. ¹²Hasaka napayu: ‹Dhalito hayyu, lalle rugmakitoosi atuurkuyuna mala hasa kala hulliti?› Naqharray qhawhosi i’k’ambayi. ¹³Nigusitosika kodhambawhe huusuna hasi napayi: ‹Harqqepa luhhe

nashabapa qinte kula lihasangupa ashshongu tukkango kitteema k’urangu, haytusanaka ooye pana ilqe illaqhume kodhdhamanaye.›

¹⁴“Momaalla payni heo’fame hekisha, naqharray heqholame heqhac’a.”

Kasfo Qhoota Gibirro Mureete

(Mar. 12:13-17; Luk. 20:20-26)

¹⁵Haysa tubettay Feresawadhe i’ashshepa Iyesuse fallite ifalladhittay qhamu qhuqhinenu suladhongi, ¹⁶Kolladhambawhe huusundhiisika Herodisena koro huusu illay Iyesuse kula eragongi; usundheka ashshongi hasa payongipa Iyesuse kasfadhongi: “Kollisambako haani, Ato qhama qhawho dhukate kodhdhitisa anhoaraani, miinte qhawhito eemetay ya’hanuka atuliqatika. Dhuke onke Hallikitoosika koro kollisti, ¹⁷Into ine falli, K’esaarenu gibirro kappare iqee’asam yeqee’asti?” ¹⁸Naqharray Iyesuse dhohmunte tuusundhiisiki inna’aripa hasa napayu: “Hune hehepapaseesa, mo’o mallaka ayyetemmite? ¹⁹Into saantibisa agibironu teehtesi yeokaasa.” Usundheka santibe anadinaare payitaki nuokaye. ²⁰Usoka hasi paypa usundhe kasfadh: “Qhawho santibina faqa pa makahko asantibisa toohi haaha?” ²¹Usundheka: “Honigusa piyye Roomenna hoK’eesare” kinnapaye. Usoka hasi paypa nuholasu: “Lammi hoK’eesaresi K’eesarenu teeha, hoHallikitoosika Hallikonu teeha.” ²²Usundheka ihusasi abaqhe tubettay

Ƴallitisattay idhdhahxhepa helahxuroogipa ashshongi.

Kasfo Qhoota Fartate HaƳe Kaa'ita Ii'uyi

(Mar. 12:18-27; Luk'. 20:27-40)

²³ KuyaƳagusana korossi iyyana fartate haƳamako yeƳaqi Sedik'awyanane anapay Iyesuse kulaki okayepa hasa napayoongipa kasƳadhongi: ²⁴ “Kollisambako, Muuse kulay i'inenana payna qhawho mi'aye yedhalunaki fari payni Ƴaso huusu innaƳayisasa holapa qhawhusa farinu sanynye qaƳu ²⁵ Qormaadhe taanina manne tokkate shambho taƳƳhanki Ƴaqa, usundhisana kittate qharungo naƳaye i'akkipa mi'aye yedhalunna faru, hussa mallay Ƴasoossi uso kala Ƴaqaka naƳayesi tuususa holu. ²⁶ Qhamusa kula ho'nakala Ƴaqaka, ho'ishakka, haga qhawho taƳƳhan saasa naƳuƳullepa farroongi. ²⁷ Usundhe kaasay iffarre tubettay naƳayesika iffarti. ²⁸ Usundhe kaasay qhooti a'akke maallay kuyaƳago koro farri haƳina usundhisa taƳƳhanna kittate naƳaye taƳhaki kodhdhinti?”

²⁹ Iyesuse hasi payipa nuholasu: “Hune Ma'affe K'ulk'ullawhe pa humna Hallikitoosi qhooti huni arte maallay adhdhapangu.

³⁰ “Fartate haƳamako tubettay koro qhamo erkambatadhe moontito kulaki kodhdhini dhiishay ye'akkini, ye'akkannika. ³¹⁻³² K'aalesi Halliko qhoota fartate haƳamako kaa'ita hunena payina, ‹Ano

Halliko Abrehamepa hoYisaak'e pana hoYaik'oobe› huni nappabongu intaa? Momalla payni Halliko Waako koro Ƴaqitona dhiishey hokoro farrina Ƴandhika.” ³³ Waarshoka i'olisaasi abaqhina kollise tuusuttay idhdhahxhi.

Hayo Hayidhe Kaasanu Qula

(Mar. 12:28-34; Luk'. 10:25-28)

³⁴ Iyesuse sedhuk'awadhesi olhu Ƴalline qhamu dhabsipa k'ambayongisa Feresawadhe i'abhaqhepa illeema holongi. ³⁵ Usundhisana kittate kollisambako Higgatte tooko temmi nawoipa hasa napayupa kasƳadhu: ³⁶ “Kollisambako, hayo Hayidhe kaasanu qula hunka?”

³⁷ Usoka hasi napayi: “‹Poqolho Halliko haahuusi saƳago haahu kaasattay, nabse taahu kaasattay, dhihattoote taahu kaasattay c'ikadha› ³⁸ hayu hokaasana qulapa hopaayyootate. ³⁹ Hayo husisi liqa holankaka ‹Qormitto haahuusi qhamo pukaƳate taahu kula c'igadha› ⁴⁰ Higge pa hxuumambawhe kaasaka hayo lakki sappemi quptame.”

Kristoose YaƳa

(Mar. 12:35-37; Luk'. 20:41-44)

⁴¹ Feresawadhe i'illeema holena Iyesuse hasi payipa usundhe kasƳadhu.

⁴² “Qhoota Kristoose mali hune liqti?^k Uso Mi'aye haaƳa?” Usundheka: “Mi'aye

^k22:42

Dawite.” Kinnapayepa nuholasoongi.

⁴³ Usoka hasi napayi: “Emma Daawite innasso Hallikitottay hoqhqhina moonuki <Poqolho> napayi?”

⁴⁴ “<Halliko Poqolho hayyuna:

<Paragaradhe haahusi luhe haahu kalay hagan holasni saasa yela miskitto koray <fakkadh> kinapay.>

⁴⁵ “Hussa maallay Daawite <Poqolho> napayipa oofu payni mali mi’aye huusu kodhdhe alkasni?”

⁴⁶ Hingisana qhawho olho to’okoka nuholasi taakinti kuyafagusanu koru qhawho yahaka hoUso kasfadhenu shahxumi ye’afaqika.

Kollisambawhe Higge Muuse Pa
Qhoota Maqno Feresawadheete

(Mar. 12:38-39; Luk². 11:43,46; 20:45-46)

23 ¹ Haysa tubettay Iyesuse waarsho pa kolladhambawhe huusuna hasi napayi: ² “Kollisambawhe higgatte pa Feresawadhe <fakkate Muusesi <fakkadhe.

³ Husa maallay olhu ihunena paye kaasasi kodhapa tifitadhongu, naqharray olho usundhe kodheesi olokodhema momalla payni usundhe olhu <falleesi yekodheye.

⁴ Dhooqho rifishaasiki ikoro sappeema hadhdhase, naqharray usundhe qofakotakaki yekohxekka. ⁵ Kodhmo huusundhi kaasay qhamu koronu hi’aasnenu k’aali toohepa olho tungo liqa kiteema <fadhongipa isiqandhafisadhapa laalladhe qissootatesika

isi sikaabosadha. ⁶ Manne anayi’o qarisinaka hayto kaanasamiisiki qee’fe, manne huusundhi qissootatena kallaka <fakkate kaanasamti, ⁷ hayto mooratenaka hasato pana koro kaasay qhamunu kakahinipa <Kollisambawhe haani> anapayunuki c’igadhe. ⁸ Naqharray Kollisambako haahundhi to’oko qhooti kodhdhipa hune kaasay <fassawhe pa qharumadhe kodhdhangu maallay <Kollisambawhe> olopayamepa isahune oofa. ⁹ Holupa qhoota aqua moontito Appa sheeqte maallay, piyyina yahana <Appa> innapayongupa isaoofangu. ¹⁰ Hohunena gula Kiristoose patta qhooti kodhdhi maallay <hegulooma> olopayamepa isaoofamangu. ¹¹ Qhawho hunena kittate gula ikodhambako hune kodhdha. ¹² Qhawho hegulasa ipalamna, naqharray qhawho hetakoosa ikanasamna.”

Kollisambawhe Higgate Pa
Feresawadheesi Qhamu Ameetuy

(Mar. 12:40; Luk². 11:39-42,44,45; 20:47)

¹³ “Hune hehepapaseesa kollisambawhe higge Muusena pa Feresawadhe heoyidha! Momalla payni koro Ahxase Moontitosa qhamu yehullinenu qhoota anna mankahe k’ubte mallay, hune puka’ate taahundhina huni hullinte, hehullinanaka annadhawrasangu.”

[¹⁴ “Hune hehepapaseesa kollisambawhe Higgate pa Feresawadhe heoyindha!

Momalla payni mannadhe hiske tiire nafaritinaki heneŕe haqhaste, koronu hehi'asenuka qhoota qissoote sikaapooste maallay qhaqhite maqaki a'akantte.]

¹⁵“Hune hehepapaseesa kollisambawhe higge Muusena pa Feresawadhe heoyidha! Momalla payni qhawho tookkosi dhukkaysadhe taahundhi kula holasenu pasopa piyyaadhe kaasaka a'ashshite, aholaste tubettay maqno hahundhina kaanta harqo lakki amaqako kottepa hatte Gahanamatenu isaqarisangu!

¹⁶“Hune intawambawhe tatafte, heoyidha! Momalla payni <Qhawho manne Hallikitotaki agutadhi payni rakko yenaŕaqi; naqharray wark'essi Manne Hallikitona ŕaqataki agutadhi payni iqabamna> payte. ¹⁷Hune ŕeebawhe pa taafawhe, wark'isa pa Mannissa Hallikito wark'isasi k'ulk'ullessena hunka qula? ¹⁸Laadhdhi a'iyangunna: <Qhawho hayto anateehako teehtiki agutadhi payni yeolo sheeqti, naqharray teehekosi hayto anateehako teeħina sappeete ŕaqataki agutadhi payni agutisattay iqabamna.> ¹⁹Hune taafawhe, teeħako pa haytusa teeħako k'ulk'ulesana hunka qula? ²⁰Hussa maallay qhawho yahaka hoħayto teeħakitottay agutadhi haytusa teeħakito pa olisa hayto teeħakitona sappeete ŕaqa kaasataki agutadhi. ²¹Yahaka homanne Hallikitottay agutadha Manne Hallikito pa Hallikoosi Mannisana ŕaakataki agutadhi. ²²Homoontottay agutadhaka ŕakkate

Hallikito pa hossi ŕakkatisana ŕakkadhataki agutadhi.

²³“Hune hehepapaseesa, kollisambawhe higge Muusena pa Feresawadhe heoyidha! Momalla payini k'imamepa keppe pana bisabilanaki aħarqo hudhdhana tooko teeħte, naqharray olhossi qula higgate ŕaqaasi ahelahxurte, usundhisana kittateka qhaqhite dhukatatepa hxurako pa dhukkaysatame hunihxuronguna ahxay tokosika kodhe hune qeeŕasa. ²⁴Hune intawambawhe taafte, olho aŕugtena kittate raasitako ahela tifatepa kabay olho kaala kula qaŕiisi isaloqhangu.

²⁵“Hune hehepapaseesa kollisambawhe higge Muusena pa Feresawadhe heoyidha! Momalla payni shullo pa taankito seetosi anashoħangupa naqharray kittate saro pa koŕolungo nahoqhqu. ²⁶Ato Feresawito taafakko, qhariteema shullo pa taankito kitte naqarisma ħaysa tubettay seetoka hoħeesa inna kodhdhiniye.

²⁷“Hune hehepapaseesa kollisambawhe higge Muusena pa Feresawadhe heoyidha! Momalla payni hawlesi apiyye piŕattay siripa seeto isinaħeet'asiki aliqte, naqharray kitte tahundhi meqhqhe koro farrina pa olho logme kodhdhi kaasay nahoqqhisika liqti. ²⁸Holupa seetito hune korito mintate koro pare ŕaqa alliqte, naqharray poorko haahundhi pasaste pa maqnotaki hoqhqi.

²⁹“Hune hehepapaseesa kollisambawhe higge Muusena pa Feresawadhe heoyidha! Momalla payni hawle hxuumambawhatte

aqaristepa awruqessi ahawle koro pare
 ƴaqa sappeema qaƴinisi isasirangupa ³⁰ isa
 iyyanguna: ‹Kedhdhay perre appadhe
 haaninaki anƴaqni payni ahxay k’eeqhte
 hxuumambawhatte elisenu iniusundhe ƴale
 kodhdhooni›. ³¹ Lammi husittay koroosi
 hxuumambawhe poqina mi’aadhe huusundhi
 qhama kodhdhitesa hune heƴalli. ³² Laadhdhi
 kodhmosi appadhe haahundhi payyesi hune
 dhikkisa. ³³ Hune tawwidhe, mi’aadhe puutate
 mala qhaqhitesa hatte Gahanamate nakalla
 pinne alkasinte? ³⁴ Husa maallay haadhi
 Ano hxuumambawhe pa arnanambawhe
 pana kollisambawheesiki anhune kula
 eragni, usundhisana kittate tookke tookkesi
 appaħnangu, tookkesi mask’alaama adhisinte,
 hibhasika mannadhe haahundhi qissootatena
 atubhangu, katama tookkonu karo katama
 tooko kulaki aqoqorte. ³⁵ Husa maallay
 k’eeqhte Abelesi pare ƴaqanu payyati
 haga mi’ayye Berakiyu Zekariyase aManne
 Hallikitopa ħaytosi anateehako teeħi kitteema
 poqte saasa k’eeqhtesi koro pare ƴaqana
 piyyeema elti kaasay mallay qhaqhite
 ihuneema hxafnay. ³⁶ Dhuke anhune ƴalli
 qhaqhitisaa kaasay dhalatise hxafti.”

Iyesuse Qhamu Katama Iyyerusalamenu Ooyi

(Luk. 13:34-35)

³⁷ “Ato Iyyerusalame, Iyyerusalame,
 tehsumambawhe paaħay, hahekula eragisika
 awruqettay isahattabay, qhamu lukkalite
 c’iwc’iwaadhe hiisise hoolo kaleemate

holsati kula tara me’itaki ami’aadhe haahise
 hekula holase wo’i, naqharray hune
 huniwo’ongu. ³⁸ Lammi manne haahundhi
 ihunena ƴonnangi. ³⁹ Anhunena iyyana haga
 paytena: ‹Homakaħko Poqolhitottay okaaya
 hohepoqadhi› saasa; lanka huniye hi’inte.”

Iyesuse Qhamu qhoota Manne

K’ulk’ulawhe Kaa’ita Hxuuma ƴalladhi

(Mar. 13:1-2; Luk. 21:5-6)

24 ¹ Iyesuse iManne K’ulk’ulawhatte
 liqipa isiasishana kolladhambawhe
 Manne K’ulk’ulawhesi awruqettay qubhadhi
 nuhi’asenuki Uso kula iit’uye. ² Naqharray
 Uso hasi payipa nuholasu: “Oli kaasasi
 ahi’angu? Dhuke anhune ƴalli, awruqisa
 a’ille sappeema teeli yepullamongina yehasa
 haqhne.”

³ Iyesuse Qubo Ekerkitona sappeete
 iƴakkadhana kolladhambawhe huusu Uso
 kulaki okayepa kasƴadhongi: “Olisa paraki
 kodhdhamani? Okaye taahu pa perre
 dhikkatatesi milikite mootaka anarraani?”

⁴ Iyesuseka hasi paypa nuholasu:
 “Yaħaka qhamu yehune dhappisninu
 hetiƴitadhindha! ⁵ Koro kisha ippayna
 ‹Ano Kristoose› pa makaħko Hayyuttay
 okayupa koro kishaasi dhappisu. ⁶ Qhoota
 orħangito pa ote orħangito a’abaqhinte,
 olisa kaasay kodhdhamadhenu kitte
 naqeeƴama, ikodhdhitama kabay dhikkate
 yetaamuye qhamu huni murukintenu
 hetiƴitadhidha. ⁷ Momaalla payni waarshoka

waarshoomi haŋani, mangisteka mangisteemi haŋinti; piyyaadhe ūawni ūawnina laaŋe pa titito kodhdhamanna. ⁸ Kabay olissa kaasay qhuqhayte payyootate. ⁹ Hingisana rakkonuki likkasnepa hune teeŋongi, ihune paah̄naka, qhoota Makaŋko Hayyu maallay koro kaasaki hune shikkina. ¹⁰ Hingisana koro kisha dhukkaysadhe tuusundhisi marmadhettaki idhdhappamne, qhawho tookko tookkosiki fartenu likkasnipa teeŋu, koroka i'ille papaŋana. ¹¹ Hxuumambawhe ayyaki haŋanapa koro kishaasi dhappisoongi. ¹² Maqno naŋanana paayyati c'igno koro kishana ishalalla. ¹³ Naqharray qhawho haga dhikkate saasa kokisadhi uso dhinna. ¹⁴ Waarsho kaasanu qhamu misikire kodhdhintinu otesi heesay Ahxase Hallikitona piyye qhaaŋe kaasaki torruyaminti. Hingisana dhikkate i'okaynay.”

Rakko Uuma Maqa

(Mar. 13:14-23; Luk². 21:20-24)

¹⁵ “Lammi qhamosi hxuumambako Danielettay ūallamti kula: apayni <lokmesi koro patisnaki> ŋayto k'ulk'ulawisa shikkaaripa hi'angu payni; qhawho nappaba ihelataaya! ¹⁶ Hingisana koro piyye Yihudanna ūaqa ikkaro quppeete qoradha. ¹⁷ Qhawho manneete sappete ūaqaka manneete kalla maahxato akkenu inni oodhdhu. ¹⁸ Qhawho pashito

ūaqaka lalle akkadhenu inni hollu. ¹⁹ Hingisana yayadhdhe sheeqoma pa hemi'aadhe shurrasha iheoyadhe! ²⁰ Lammi qoradhe taahundhi katango kitteema taakinti kuyaŋago hxaysingitosa qhamu yekodhdhintinu qissadha. ²¹ Hingisana haga piyye qhaaŋe uumamenu paayyati haga hantu saasa olho abari yekodhdhamadhu pa karo miinateka yekodhdhamanni rakko uuma maqa kodhdhamana. ²² Kuyaŋisaki yemahxnaongi payni ahxay qhawho to'okoka hodhinna yeūaqnika, naqharray koro qholami maallay kuyaŋisa immahxna'hangi.

²³ “Hingisana yaŋakaki hunena payina <Haadhi Kristoose hassi ūaqi> taakinti <Haysa koranaki ūaqi> payni olodhukaysadhe. ²⁴ Momalla payni kristoosadhe ayya pa hxuumambawhe ayyaki haŋana, innu alkasama payni hessi qholamesikaki dhappisenu milikitaadhe kanoomapa olho koro dhahxhisaasi konne.

²⁵ “Haadhi anintoosipa hune ūalla. ²⁶ Husa maallay yaŋakaki hunena payina <Haadhi mandhito i'ūaqi> payni olonakula ashshe, <Haadhi ŋayto yearmadhinaki ūaqi> payni olodhukaysadhe. ²⁷ Qhamo qawwaŋago moontito ibhaqhi payni ŋayto oqhaye liqapa ŋulla saasa ŋaytoosi haahisi kula okaye Ano Mi'aye Qhawhitonaka hasi kodhdhinti. ²⁸ Allaŋato ŋayto oloko naafarisaami illaholi.”

Kristoosena Lanka Hole Huusu

(Mar. 13:24-27; Luk'. 21:25-28)

²⁹“Kuyafissa rakkito tubettay hattay oqhaye i'imnay, leeƒoka hammako huususi yeteehniku, huske moontitoka ihayyina, humnaadhe moontitoka illelehnangi. ³⁰Hingisana milikite Ano Mi'aye Qhawhitonaka moontito ihiinangi, koro piyyatte ƒaaka kaasay i'ooyna, Ano Mi'aye Qhawhitoka urrate pa humna pana kaanaste dhammattay anokaayana iyyehiinangi. ³¹Usoka erkambatadhe huususiki kaatako uuma ƒuuqata eragni, usundheka hayto salahtaki ashshinepa haga moontito hinaasenu hinase saasa korossi Usoosi qholamiisi illeema holasongi.”

Liqno Dhishtakko Belesatena

(Mar. 13:28-31; Luk'. 21:29-33)

³²“Liqnoosi karko belesatena kolladha; apayni qharre hiisiki nafuc'ukipa aahxeka namartaahongi payni hingisana oybako qhamu it'uyisa a'arrangu. ³³Qhamusa kula olisa kaasasi ahiite payni husa okaye, Ano Mi'aye Qhawhitona uuma qhamu manqaheema it'uytisa arindha. ³⁴Dhuke anhune ƒalli, oli kaasay hagi dhikkani saasa dhalati yeliqinika. ³⁵Moonto pa piyye issarpina, naqharray K'aale tayyu mo'okaki payni yesarpintika.”

Okaye Iyesusesi Yaħaka Yeari

(Mar. 14:32-37; Luk'. 17:26-30,34-36)

³⁶“Naqharray qhoota kuyafagusa pa saatisa kaa'ita Paapo malettay erkambatadhe moontitoka ikodhdhe Mi'ayeka ikodhdha yaħaka hoara yeƒaqika. ³⁷Qhamosi iperre Noohena kodhdhiti kula Ano Mi'aye Qhawhitoka anokaayana qhamusa kulaki kodhdhinti. ³⁸ƒandhe patitate yeokayongina qhara'ita Noohe hagi markabeema hullini saasa koro iyyi'apa isiƒuga, i'ille akkapa isi illa akkateesa. ³⁹ƒandhesi patitate hagi okaynepa kaasasi ooshongi saasa qhamu yearongi kula, okaye Ano Mi'aye Qhawhitonaka qhamusa kulaki kodhdhini. ⁴⁰Hingisana qhawho lakki illeƒali pashito kodhane; tookko i'akkamna, tookko ihaqhna. ⁴¹Hiske lakki qhut'mate yooqhne, toote i'akamnay, toote ihaqhnay. ⁴²Hussa mallay Poqolho haahundhi kuyafago hunkana qhamu okayni qhoota huniarte mallay ubhadhapa tiƒitadongu. ⁴³Naqharray oliisi arindha, pappo manneete kereƒeko awne saate tingana qhamu okaynisaki ari payni iubanapa tiƒadho ahxay.

⁴⁴“Hussa mallay huneka qarsadhapa tiƒitadonguma Ano Mi'aye Qhawhitoka saate hunihela sheeqtenaki anokayniye.”

Kodhambako dhukate pa homaqa

(Luk'. 12:41-48)

⁴⁵“Lammi aylito dhukate pa isiarnane sheeqapa poqolho koro huusunu saati qeeʼastina qhamu yi’o yiashninu isi’uso hawwana yaña? ⁴⁶Kodhambako Poqolhossi iholina olhossi anapayisi kodha hohepoqadhi. ⁴⁷Dhuke anhune ʼalli, olhu sheeqi kaasa sappeemi uso hawwani.

⁴⁸“Naqharray kodhambako maqakusa ‹Poqolho hayyu hattay yeokaynima i’olanna› kipayipa isidhihadhapa ⁴⁹korossi i’illetay kodhadhesi tubhbhato payupa koro hxahxayoodha ʼale isiyiapa isiʼuga payni, ⁵⁰poqolho aylitusana kuyaʼagu ye’dhihadhupa saati yehela sheeqinaki okaynipa ⁵¹lakkisa qhaqhupa it’a huususika koro hepapaseesa ʼale nakodhu; haysanaka ooye pa ilqe illaqhume nakodhdhamana.”

Liqnosi Ihaadhe Hudhdhanna

25 ¹Nakaleema Iyesuse hasi payi: “Hingisana Ahxase moontito ihaadhe hudhdhan hehammako qhawsisadhepa haantito akkadheni riqadhongiki liqti. ²Usundhisana kittate ihaadhe hxiubin ʼeebawhe, holupa ihaadhe hxiubin arnambawhe. ³Ihaadhe ʼeeppisa hammakosi idhdhooqhadheka payni laambaasi yenakala sheeqadongi. ⁴Naqharray ihaadhe arnanambawhisa hammako huusundhi kaleema laambasi mahxato pilettay inakala

sheeqadhe, ⁵haantito qhooti oladhi maallay usundhe kaasasiki pi’aate qabtipa pi’aadhongi.

⁶“Naqharray iparekitte hxaftina ikkito iyyana: ‹Haadhi haantitosi iokaayaye haʼapa akadhangu› kiqhaskadhi. ⁷Hingisana ihaadhesi to’oteemi haʼepa hammako huusundhiisi qarsadhongi. ⁸Ihaadhe ʼeeppesi arnambawhesina hasi napaye: ‹Hammako haani i’inenaimnaye akoma’ala laamba haahundhina ine qhoota!› ⁹Naqharray ihaadhe arnambawhesi hasi payepa nuholasoongi: ‹Yekodhdhinti; momalla payni laamba haani ine pa hueesi yehxafniye ashshindhapa koro lassana pitmadhangu›. ¹⁰Ihaadhe ʼeeppesi laamba pitmadhate i’ashshena haantitosi i’okay. Ihaadhesi qarsadheka haantitosi ʼali karo mannesi anyi’o hantadhenu qarisi kula hulloongipa mankaheka ak’uppu.

¹¹“Haysa tubettay ihaadhe tookkesika okoto olladhapa okayongi isihasa kodhdha: ‹Poqolho haani! Poqolho haani! Into mankahe ine qhash!› ¹²Uso naqharray hasi paypa nuholasu: ‹Dhuke anhune ʼalli, anuhune’ari!› ¹³Hussa maallay kuyaʼagusa pa saatisaasi huniarteye ubadhapa tiʼitadhongu.”

Liqno Qhawho Izzañ Anu Kodhate Qhootina

(Luk'. 19:11-27)

¹⁴“Qhamusa kula Ahxase Moontito qhawho piyye pile kula ashshangoma haʼipa ay laadhe huususi hekula ooʼupa olhu sheeqisi nuqhootoki liqti. ¹⁵Qhawhossi

usundhe kaasanu kodhate anamekilite payisi nuqhootoy; qhawho tookkonu, meklite¹ hsubinki nuteehi, tookkonuka meklite lakki innuteehi, tookkonuka meklite toote innuteehipa piyye pile kula ashshoy. ¹⁶Kodhambakosi meklite hsubin akadhi hattaki ashshi nagatupa meklite hsubinsi nakalla lihasu. ¹⁷Kodhambakosi meklite lakki akkadhika i'ashshi nagatupa meklite lakki nakalla lihasu. ¹⁸Naqharray qhawhossi meklite toote akkadhi i'ashshi piyye qhotopa meklitesi poqolhitoosi maayu.

¹⁹“Qhawhossi i'uuma oladhi tubettay aylaadhesi huusu kulaki holipa kodhatesisi na'ale dhihe payyu. ²⁰Aylitosi meklite hsubin akkadhi meklite hsubinki nakalla lihasipa okayu hasa napayu: <Poqolho hayyu, haadhi meklite hsubinki ayeteehi; kabay meklite hsubinki annakalla lihasi!> ²¹Poqolhossi huusuka innapayna: <pare, ato aylito dhukate pa hoheesa; qhoota olho takkasata dhuke tayati maallay olho dhamma sappeemateki anho hawwanni, hxaso Poqolhito qhootadhenu hulli!>

²²“Holupa aylitossi meklite lakki akadhika i'okayipa hasa napayu: <Poqolho hayyu, haadhi meklite lakkisiki ayye teehti, annagatina meklite lakkisiki annakalla lihasi!> ²³Poqolhossi huusuka innapayina: <Ato aylito dhukate pa hoheesa; olho takkasattay qhoota adhuke tayati maallay

olho dhamma sappeemateki anho hawwanni, hxaso Poqolhito qhootadhenu hulli!>

²⁴“Aylitosi meklite toote akkadhika i'okayipa hasa napayu: <Poqolho hayyu, ato hoatu poohadhuna qimadhapa atupuluna isailla holsadha, qhawho dhohmako qhama kodhdhitisa anhoara, ²⁵hussa mallaki anqaabipa meklite taahuusi ashsho piyye kaleema maayaye, haadhi kodhatte taahusi yela'akki!> ²⁶Poqolhossi huusuka hasi napayipa nuholasu: <Ato aylito maqako pa pusu'ito! Anupoohadhuna qhama qimadhapa anupulluna isan soo'adhasa a'aray? ²⁷Laadhdhi hnge anholina kodhatte tayyu olho nakalla ligita illi qhama akkaninu koro nagatnatanu ahxay teehe hoqee'asa. ²⁸Kodhatisasi na'akkapa qhawhossi meklite hudhdhan sheeqanu tee'angu.>

²⁹“Momalla payni hosheeqa kaasanu anaanu padhawna, innuna'anaka; naqharray hoyesheeqina husa faqaasika ana'akkina. ³⁰Kodhambaku latusi tukkangusa kala qintate faqa kula lihasapa k'urangu, haytusanaka ooye pa ilqe illaqhume kodhdhamana.”

Qhaqhite Dhikkatate

³¹“Mi'aye Qhawhitoka kanaste tuusuttay erkambatadhe kaasay illay i'okayaana fakatesi kaanasamtesa i'a'akkani, ³²waarsho kaasay usokulaki illa holli,

¹25:15 Mekilite payyo pako Grikatettay talanti. Husa payyo pirre dhinaare 6000 qabay, husa payyo tamoosa perko hudhango lakkina.

qhamosi koshshito taleete kittate femme reehi kula, usoka i'okaynapa waarshosi illenakalla reehoy. ³³ Femmesi miskitooma, talesi pihateema ishikkarashni. ³⁴ Hingisana Nigusitusa hessi karo miskitottay faqana hasina payni: «Hune hessi Paapo hayyu hune saki, okayapa Ahxasesi piyye qhaat'e uumamenu paayyati hune qarsamtisi tayangu! ³⁵ Momalla payni anpufipa yeyi'ashongu; dheebodhapa yefukisangu; hayhito kodhdhapa manne haahundhi kula okayana aye'akkate; ³⁶ allale dhabina ayeurkeeste; an'udhamina ayeudhansate; anshabamina aokaytepa yekasfadhangu.» ³⁷ Hingisana hepare faqa hasi paynepa nuholasongi: «Poqolho hanni ata paraka puffitipa hohi'aanipa hoyiashooni? Paraka dheebotipa hohi'anipa hofukisaani? ³⁸ Paraka hayhito kodhdhitipa hohi'anipa manne haani kula ho'oo'ani? Paraka lalle dhabtipa hourkeesani? ³⁹ Paraka udhamti taakinti shabamapa hohi'anipa hokasfadhani?» ⁴⁰ Poqolhossi hasi paynipa nuholasu: «Dhuke anhune falli, hisi hayu qhac'omana kittate qhawho to'okonuka olho tookko kotte payni husa qhama yeesi kotte kula!»

⁴¹ «Nakala korossi pihate koray faqana hasi napayni: «Hune heqhic'amte, yelakanta pata! Hattesi yeime sheeqti Orrito pa erkamabawhe huusunu qarsanti kula ashshindha. ⁴² Ampufina huniyeyi'ashongu; andheepodhina huniyefukisongu. ⁴³ Hayhito

ankodhdhipa okayaana huniyefakkadhongu; alalle dhabina huniyeurkesongu; anudhamina huniyefudhansadhongu; ashabamina huni okayongupa yekasfadhangu» ⁴⁴ Usundheka hasi paynepa nuholasongi: «Poqolho, ata paraka puffiti taakinti paraka dheebotipi; paraka hayhito kodhdhitipi okayay taakinti paraka lalle dhabinti; paraka udhamti; taakinti paraka shabamtipi hohi'aanipa isi'inho kodhooni?» ⁴⁵ Usoka hasa paynipa nuholasu: «Olho hisi hayu qhac'omana kittate qhawho tookkonu huni kodhongi kaasay qhama yesi huni kodhongi kula.» ⁴⁶ Husa maallay usundhe ikaro qhaqhite perre yehume sheege kula ashshana koro pare faqa kabay karo faqa perre yehume sheeqe kulaki ashshini.”

Koro Ayihudhate Qhamu Iyesusesi Poqe Wo'i

(Mar. 14:1-2; Luk'. 22:1-2; Yoh. 11:45-53)

26 ¹ Iyesuse ifallitisa kaasasi torruiyipa dhikkisu tubettay kolladhambawhe huusuna hasi napayi: ² “Kuyafago lakki tubettay baale Faasikay qhamu kodhdhitisa a'arrangu, Ano Mi'aye Qhawhito mask'alaama dhisamenuki alikkasnipa ayeteehu.”

³ Hingisana rafisambawhe k'eesadheete pa haadhiqe piyyatte qhawho hoK'eyafa anapay horafisambako k'eesadheetena manneemi illahole. ⁴ Iyesusesi dhohmuntettay qabepa poqenu suladhongi. ⁵ “Naqharray waarsho paqhato hafisnaye kuyafago baalatena ikodhdhe hxura” kipaye.

Hiskatosi Iyesusesi Shittottay Shiinti

(Mar. 14:3-9; Yoh. 12:1-8)

⁶Iyesuse qhawhossi qodhdhe Bitaniyana faaka qharro lemt'e nafaqti hoSimioonena manneete i'faqi. ⁷Mannisana Iyesusenu yi'o anuit'oosipa isiyiana hskato toote shitto hortu uuma nashooshi bilk'ate albast'irose anapayttay Uso kula okayipa shittosisi puka'ate tuusu sappeema na'elisi. ⁸Kolladhambawhe i'olisaasi hi'ena hasi payepa miiroodhongi: "Shittusa moonuki latu harkishami?" ⁹Ahxay shittusi hortu dhammasa alasnipa kodhatisasi ahiyawhenu qhootoy!" ¹⁰Iyesuseka olhu payeesi inna'aripa hasa napayu: "Hiskatuna manarakistengu? Ise kulay olho heesa iyyekoti. ¹¹Momalla payni hiyyawhe kuyaf'fe kaasay hune falli faakne, naqharray Ano kuyaf'fe kaasay anuhune fale faakini. ¹²Ise hushittusi yesappeema elisti maaytenu yeqarisenu. ¹³Dhuke anhune falli, oti heesasi apiyye qhaat'e kaasay torruiyana oli hskatu kotti qhoota hiisi helataayenu atorruyna."

Yihuda Qhamu Iyesuse

Likkasepa Teehenu Qari

(Mar. 14:10-11; Luk'. 22:3-6)

¹⁴Haysa tubettay kolladhambawhesi hudhdhanpa lakkina kittate tookko kodhdha, Yihuda Ask'oroottay rafisambawhessi koro Ayihudhate kulaki ashshipa hasa napayu:

¹⁵"Usoosiki alikkasipa hune teeha payni hune mo'o ayyeteehinte?" Usundheka pirradhe anaasate kodhdhi hudhango izza'hi nuteehe. ¹⁶Usoka Iyesusesi likkasepa tee'enu kuyaf'ago nuqarraasi isiti'itadha.

Iyesuse Baale Faasikanna

Kolladhambawhe Huusu falli Yi'o Yi'i

(Mar. 14:12-21; Luk'. 22:7-14; 21-23; Yoh. 13:21-30)

¹⁷Baalesi Dhilangitona kuyaf'ago payyotatena kolladhambawhe Iyesuse kulaki okayepa hasa napayoongi: "Esse baale Faasikasi ahaama ashshinaani hoqarisaanika wooti?" ¹⁸Usoka innapayina: "Akatama kula hullanguna qhawhoma alliqinteye hasa napaya: <Kollisambako iyana <Heere yela hxafiye; esse baale Faasikaasi kolladhambawhe hayyu illay manne haahusa ayiinani.>>" ¹⁹Kolladhambawheka qhamosi Iyesuse nu'falli kulaki ashshepa yi'osi Faasikaasi haama qarisongi. ²⁰Hayto i'awnuyina Iyesuse kolladhambawhesi hudhdhanpa lakki falli yi'onu fakkadhi. ²¹Iyyi'angina Iyesuse hasi napayi: "Dhuke anhune falli, huni yefale esse yi'ana kittate qhawho tookko illikkasnapa yeteehu." ²²Usundheka ifallitisa abaqhena qhooti uuma nudhagaati maallay hasi payepa puka'ate puka'ateema Uso kas'adhe paayongi: "Poqolho hayyu ata ano ankodhdhinim?" ²³Usoka iholi hasa napayu: "Qhawho likkasnapa yeteehu, husi yefale taango kula

ħarqo shokkisipa isioshadhaki uso. ²⁴ Ano Mi'aye Qhawhito qhamosi aqhoota hayyu toohi kula anfarra, naqharray qhawhusa Ano Mi'aye Qhawhitoosi likkasnapa yeteehu iheooyi! Qhawhusa yedhaladhu payniki nuwoyya.” ²⁵ Yihudasi likkasnapa Uso teeħuka hasi payipa kasfadhū: “Kollisambako, ata ano ankodhdhinim?” Iyesuseka innapayna: “Qhamusa ato payti kula.”

Esse Poqolhito

(Mar. 14:22-26; Luk'. 22:15-20; 1K'or. 11:23-25)

²⁶ Iyyi'angina Iyesuse dhilantaku akkipa ikkalataysadhi tubettay qoodhupa kolladhambawhe huusuna hasa payupa nuteeħu: “Haadhipa yi'ongu; husi sagango hayyuye.” ²⁷ Holu ūugteesika^m akkupa ikalataysadhi tubettay hasa payupa nuteeħu: “Haadhi hune kaasay ūugtina ūuga; ²⁸ haadhi husi k'eeqhte tayyu c'uppo koro kishana hxurasenu ellay, katabe qhawtite. ²⁹ Anhunena iyyana awshosi aweyne qhawtitate t'iibisi Ahxase Paapo hayyuna hune ūale hagan ūugni saasa ħaynu koru ūugtisi anuūugni.” ³⁰ Ikoladhe tubettay i'ashshepa Qubo Ekerkito sappeema hadhdhongī.

Pet'iroose Qhamu Iyesuse Marmani Qhariteemi ūallami

(Mar. 14:27-31; Luk'. 22:31-34; Yoh. 13:36-38)

³¹ Nakaleema Iyesuse hasi napayi: “Kallabgunna hune kaasay ayye marmangu momalla payni hasi payamtīpa tooħamoy: <Koshshitosi anshoqhna; ūemme irpangusaka pullamongi>. ³² Naqharray fartate anħafi tubettay piyye Gelilasa anħune intawni.” ³³ Pet'iroose iholi hasa napayu: “Hisi kaasaki homarmanakaki payni ano anhomarmani!” ³⁴ Iyesuseka hasi napayi: “Dħuke anho ūalli kallabgunna lukkalako yeūuuquna qħara'ita izzaħtaki ayemarmadhinti.” ³⁵ Pet'iroose naqharray innapayina: “Fartekaki kodhdhinti payni anho ūale farra dħiishey mo'okaki payni anuho marmanika!” Kolladhambawhe tokkeka kaasaka isihasa kodhdħa.

Iyesuse Ĥayto Geetesemaane Anapaysa Qhamu Qissadhi

(Mar. 14:32-42; Luk'. 22:39-46)

³⁶ Ĥaysa tubettay Iyesuse kolladhambawhe huusu illi ħayto Getesemaane anapayi kulaki ashshi; iħaytosinna hxafenna kolladhambawhatte hasi napayi: “Hune ħaysa qayyndhama Ano ħaysa korasa anashshinīpa qissadhaye.” ³⁷ Pet'iroose pa dhelle Zebdiwoose lakkisiki ħekala ooūipa ashshoy; nudhakaadħepa c'anak'ame

^m26:27 ūugte payyo pako dhilottay s'iwwa payyo, s'iwwa payyo milikite azanate pa rakko dhikitana.

paayyu. ³⁸Hasaka napayu: “Hagan fari saasa nabse tayyu uumi azanti, hassasa yefale kokisadhapa qayyongu”. ³⁹Takkassay usndhena kalla hiqqupa qulladhupa hasa payupa qissadhu: “Appa hayyu, i’alkasamna payni ũugti rakkito iyela liqqa; naqharray qhamo wo’ogo haahu kula dhiishay wo’ogo hayyu kula ũandhika.”

⁴⁰Iholi kolladhambawhesi kula holuna hepi’adhesi hxafi. Husa maallay Pet’iroosena hasa payu: “Saate to’otekaki ayyefale kokisadhe malalte? ⁴¹Temmateema qhamu huni hullintenu kokisadhapa qissadhangu, nasso iqarima sagango tardhambako.” ⁴²Lanki holi ashshopa hasa payupa qissadhu: “Appa Hayyu ũuqti anuũugu malttay yesarpinti payni iwwo’o haahu kodhdha.” ⁴³Holupa kolladhambawhesi kula okayina ehxhe huusundhi pi’atetaki naqapame mallay hepi’adhesi hxafi ⁴⁴Holu haama hela hxurupa ashsho qissootesi qhara’ita qissadhisi isha qissadhu. ⁴⁵Haysa tubettay kolladhambawhesi kula holupa hasa napayu: “Tannu helarafapa hxaysadhangu! Haadhi saatesi i’it’uyti, Ano Mi’aye Qhawhito harqqe c’uppolawhatesa ayelikasnipa yeteehu. ⁴⁶Qhawhosi likkasnapa yeteehuka i’okaayaye; haũapa ashshini!”

Qabame Iyesuse

(Mar. 14:43-50; Luk[?]. 22:47-53; Yoh. 18:3-12)

⁴⁷Hannay iũallitate qayyana kolladhanpawhesi hudhanpa lakkina kittate tookko hosi Yihudha anapayi i’okayi; uso ũaleka koro pillawwaadhapa dhaymidhdhe dhooqhadha hokisha okayi; usundhisasika rafisambawhe k’eesadheete pa haadhiqe piyyate eragi. ⁴⁸Hosi likkasnapa teeĥu korossinna inapayi: “Qhawhusa ammayini usoye Usoosi qaba” kipaypa nugudhu. ⁴⁹Usoka minakalti Iyesuse kula it’uyipa “Kollisambako, nakayho ihokodhdha” napayupa mayyu. ⁵⁰Iyesuseka hasi napayi: “Dhalito hayyu lammi olho annuokaytisi waadhpa kodhay.” Hingisana korossi Iyesuse kulaki okayipa qabupa shapu. ⁵¹Hingisana hessi Iyesuse ũale ũaqana kittate qhawho tookko ishokki pilawwo yukupa kodhambakosi rafisambako k’eesadheetena qhamte qhaqhu. ⁵²Iyesuseka hasi napayi: “Pilawwo haahusi konkoneema holas, koro pillawaadhe shaqadha pillawaadhetaki humni. ⁵³P’qeeũasa payini ahxay Ano Paapo hayyusi anukasũanipa Uso Erkambatadhe orĥangito hekumaadhe dhammasa dhihamaasi ye’eragu? ⁵⁴Lammi hasi kodhdhiti payni k’aalesi mat’afe k’ulk’ulawhatte kittate iyyana: <Rakko akadhe Uso qeeũasa> mali dhikantiqe?” ⁵⁵Hingisana Iyesuse waarshosina hasi napayi: “Qhamo qhawho koro sara aqabi kulaki ayyeqabenu

pillawaadhe pa dhaymidhdhe dhooqhatepa hxafoongu? Ammanne K'ulk'ulawhatte kuyaŋago kaasay hune kollisapa isanhune ŋale ŋaakana huniye qabongu. ⁵⁶Naqharray oli kaasay olhunamallay kodhdhamadhi, k'aalessi hxuumambawhe toohe qhamu dhikkadhintinu." Hingisana kolladhambawhe kaasay i'Uso hxurepa qoradhongi.

Iyesusesi Koro-Qhaqhite-Qhaqha Minteemi Iit'uyi

(Mar. 14:53-65; Luk'. 22:54-55; Yoh. 18:13-14,19-24)

⁵⁷Hingisana korossi Iyesuse qabi qhawhossi k'eesadhe rafisa K'eyafa anapayina manne huusu kulaki a'ashshittay, kollisamabawhe higge Muusena pa haadhiqe piyyatte husuna manneemi illa hole. ⁵⁸Naqharray Pet'iroose ikkeetipa sikaabnonu isinnakala ashshapa qhawhossi k'eesadhe kaasanu qulana hoK'eyyafana naŋale hxafoy; olho kodhdhamanaasika eemenu qinte kula holupa korossi mannissa tiŋadha kabeema ŋakkadhu. ⁵⁹Hingisana rafisambawhe k'eesadheete pa [haadhiqe piyyate] pana Korossi-Qhaqhite-Qhaqha kaasay qhamu poqnenu Iyesusema misikiradhe ayya qeeŋe. ⁶⁰Koro ayyadhe masakara hokisha i'it'uya kaki payni misikirungo qhaqhite fartatesa Uso hxafasnaasi yenatayongi; dhikkatate misikiradhe lakki na'it'uyi. ⁶¹Misikiradhesika hasi paye: "Qhawhu iyyana: <Manne K'ulk'ulawhesi anpullipa

kuyaŋago izzhasa qubhadhe alkasa.>" ⁶²K'eesitosi k'eesadhe kaasanu qula ihafi shikkaarupa hasa payu: "Olho koru hooma ŋalli kaasana olho to'okoka atuholasinti?" ⁶³Naqharray Uso ik'ambay. Hantuka k'eesitosi k'eesadhe kaasanu qula hasi payi: "Makaŋko Halliko ŋaqitotaki anho'agutadhi, Ato Mi'aye Hallikito Kristoose payni ineŋalli!" ⁶⁴Iyesuseka hasi napayi: "Ee, qhamusa ato ŋalliti kula. Naqharray anhune kaasanu ŋalla, ŋaynu koru Ano Mi'aye Qhawhito humna hayyuttay Hallikito miskitto ka'ila anŋakkadhanaki ayyehi'inte, laadhi moontikki an'urratettay okayaanaki ayyehiinte." ⁶⁵Hingisana k'eesitosi k'eesadhe kaasanu qula laalle tuusu i'hela kaaŋipa hasa payu: "Haadhi Hallikoomi ŋallite dhaqqsatito ŋalladhi! Hunekka dhaqqsatiasi a'abaqhtengu, ŋaynu koru misikiraadhe pile hemoyto ine qeeŋasa? ⁶⁶Mali hune liqti?" Usundheka "Farte Uso qeeŋasa!" Kipayepa nuholasoongi. ⁶⁷Hingisana minteemi waawe natuffe pa isitutubha; koro tookkoka i'kakanaŋasadhapa isihasa napapaya: ⁶⁸"Kristoose into hxuuma ŋalladh: <Yaŋa hoshoghi?>"

Pet'iroose Qhamu Iyesuse Marmadhi

(Mar. 14:66-72; Luk'. 22:56-62; Yoh. 18:5-18,25-27)

⁶⁹ŋaysa tubettay Pet'iroose hok'eesitosi k'eesadhe kaasanu qulana manneete qintati ŋakkadhana shette toote uso kula

okayipa hasa napayi: “Atoka Iyesusesi piyye Gelila fale a’faqti!” ⁷⁰Naqharray uso hasi payipa koro kaasay minteema marmadhoy: “Olisa apayti anu’ari!” ⁷¹Mankañesi qintate seeto kula analiqina kula okayuna shette kodhambate pilaate holi hi’ipa korossi ñaysana faqana hasa payi: “Qhawhuka Iyesusesi piyye Nazirate falli faqi!” ⁷²Pet’iroose naqharray hasi paypa akutadhupa lanka maramadhoy: “Kulay qhawhusa a’fallitiisi anuarika!” ⁷³Pokkoto salina hantuka koro ñaytusana shikkaara Pet’iroose kulaki okayepa hasa napayoongi: “Karayka qhama usundhe fale kodhdhitisa fallite taahu iho’arasay!” ⁷⁴Usoka inniagutadhapa isiheqhiic’ana hasa payu: “Ano kulay qhawhusasi anuari” kippayina lukkalako hattaki fuuqi. ⁷⁵Ñingisana Pet’iroose olhossi Iyesuse napayina: “Lukkalako ye’fuuquna qhara’ita izzahtaki ayemarmadhintisi.” Ihela taayipa seeto kula liqupa uuma ooyoy.

Yihuda Pñesiibisi

(Kodha. 1:16-20)

27 ¹Singato awnettay rafisambawhe k’eesadheete pa ñaadhiqe piyyatte kaasay Iyesuseema qhamu qhaqhite fartate qhaqhasnenuki suladhe. ²Ñaysa tubettay Iyesusesi ishabepa ashshongi qhawhosi piyye

rafisa Pilat’oose anapayinu likkasongipa teeñongi.

³Yihudasi Ask’orootay qhamu alyesuseema qhaqhite qhaqhisa i’hi’ina dhihattoote kitteema ihulli, ashshopa rafisambawhessi k’eesadheete pana ñadhiqesi piyyatenu pirre hudhangosi izzañisi nuholasu pa hasa napayu: ⁴“Qhawhu dhappite yena’faqtiisi qhoota fartenu likkasipa teeña maallay andhapi.” Naqharray usundhe hasi payepa nuholasoongi: “Emma ineesi moine rakkisi? Hxaso haahu!” ⁵Usokka pirre hudhango izzañasisi Manne Hallikito kaleemi hela yakipa ashshoy hesiibisupa faru.

⁶Rafisambawhessi k’eesadheeteka pirre hudhango izzañasisi i’akkepa hasa payongi: “Kodhati ñorto k’eeqhtate qhooti kodhdhiti maallay kodhatte Manne Hallikitosa lahxenu yepayamu.” ⁷Hussa maallay i’illena laaqadhe tubettay i’ashshepa hawle chullate qhawho siqqe dhoobana pashottay pitamoongi. ⁸Hussa maallay haga kuyyu saasa pashusana “Pasho k’eeqhtate” anapay.

⁹Onke hasa liqattay hxuumasi Ermiyaasettay hasa payamipa tooñamoy idhdhikkadhi. “Ñorto Usoosi kodhdhina dhelle Isiraelate nu’qabadhe pirre hudhango izzañisi akkongipa, ¹⁰qhamosi Halliko ye’ñaysa pashossi qhawho siqqe dhoobana teeñongi.”

Iyesuse Pilat'oose Minteema Qhamu Itt'uy

(Mar. 15:2-5; Luk'. 23:3-5; Yoh. 18:33-38)

¹¹ Hingisana Iyesuse qhawhossi piyye rafisa minteemi itt'uy, qhawhossi piyye rafisaka hasi paypa Iyesusesi kasfadhhu: "Ato Nigusa Ayihudate?" Iyesuseka hasi paypa nuholasu: "Ano qhamusa ato payti kula."
¹² Naqharray rafisambawhe k'eesadheete pa haadhiqe piyyatte i'uso kasasena Uso olho to'okoka yeholasu. ¹³ Hingisana Pilat'ooseka: "Qhamo olho me'e maallay hokasasesi atu abaqhti?" Kinnapay. ¹⁴ Naqharray qhawhossi piyye rafisa hagi dhahxhxini saasa Iyesuse olhossi anamallay Usokasasina olho tookkoka yeholasu.

Iyesuseema Qhaqhite Fartate

Qhamu Anaqhaqhi

(Mar. 15:6-15; Luk'. 23:13-25; Yoh. 18:39-19:16)

¹⁵ Qhawhosi piyye rafisa kuyaŷago baalatena koro shappamana kittate qhawhu waarsho nakasfadhisi ishiqenu aati sheeqi.
¹⁶ Hingisana qhawho maqno kodhettay aramapa isishappama hoBarbaane anapay ŷaqa. ¹⁷ Husa maallay Pilat'oose korossi haama illaholiisi hasi paypa kasfadhhu: "Yaŷaasiki anhune ishiqniki awooote? Barbanesim, Kristoosesi Iyesuse anapaysi?"
¹⁸ Olhu namaallay hasa payi Iyesusesi yokunte maqattay qhamu likkasepa teeŷhongisi qhooti ari maallay. ¹⁹ Pilat'ooseka iŷakkateesi qhaqhitatena sappeete

ŷakkadhana naŷaye tuusu hasi paytipa uso kula erkasami: "Awni qhoota qhawhusana ulsinge qhooti yerakkise maallay qhawhusa dhappite yena ŷaqtina innana oloku kodhu."

²⁰ Naqharray rafisambawhe k'eesadheete pa haadhiqesi Barbanesi qhamo anu'ishqnipa Iyesusesi apoqunnu waarsho qhamu kasfanenuki qarise. ²¹ Pilat'ooseka lanka iholi hasa payupa waarshosiisi kasfadhhu: "Emma qhawhu lakkina hunkaasiki anhune ishiqni?" Waarshoka hasi paypa nuholasu: "Barbanesi qhamo a'ine ishiqtisiki awooni." ²² Pilat'ooseka innapayna: "Emma Kristoosessi Iyesuse anapaysi malaala ampasini?" Waarsho kaasay hasi paypa nuholasu: "Mask'alakooma idhdhisama!" ²³ Pilat'ooseka hasi paypa waarshosiisi kasfadhhu: "Momalla ata!? Olisa mudhappi?" Naqharray usundhe hasi payepa uuma riirongi: "Mask'alakooma idhdhisama!" ²⁴ Husa maallay Pilat'oose i'olisaasi eemmina paqhato pattama olho qarra yekodhdhinisa i'aripa ŷarqqe huususi korossi minteema ŷandhettay helashoŷupa hasa payu: "Ano farte qhawhuna anuŷaqa, naqharray hune heiyana idhdhisamana pukaŷate!"

²⁵ Waarshosi ŷaytusana ŷaqa kaasay hasi payi: "K'eqhite tuusu inepa mi'aadhe haani sappeema ikodhdhita."

²⁶ Hingisana Pilat'oose Barbanesi i'ishiqipa nuhxurru, naqharray Iyesusesi itubhbhasi

tubettay qhamo idhdhisamninu likkasupa teeñu.

Korossi Orhangito Iyesusena

Qhamo Innañikke

(Mar. 15:16-20; Yoh. 19:2-3)

²⁷ Hingisana korossi orhangito Iyesusesi iqabepa qhawhosi piyye rafisana manne huusu kula ashshongittay, korossi orhangito pile kaasasika Iyesuse kabeema illaholasongi.

²⁸ Laalle tuususi na'akkongipa lalle idhdhasi urkeesongi. ²⁹ Qhat'me illamarongipa pukañateema nuñadhonggi, hayrikoosika ñarqqo huusu miskitottay qhamo iqabaninu kodhasongi, isinnamiinta ququladhapa isihasa nakodhdhapa isinnañikka: “Nigusa Ayihudate nakayho i'hokkodhdha!”

³⁰ Waaweka isinnatuffa, hayrikosisika naata'akongipa isinnapukkañatettay tubhbha. ³¹ Inna balashoodhe tubettay laallesi idhdhaasi innayukepa laalle tuusu urkeesongipa mask'alakooma dhisenu ashshongittay.

Mask'ala Sappeema Dhisame Iyesuse

(Mar. 15:21-32; Luk'. 23:26-43; Yoh. 19:17-27)

³² Immanne qhawhosi piye rafisana qintate liqatana qhawho piyye K'erenanna hoSimioone anapayisiki tayepa qhamu mask'alako Iyesusesi dhooqñninu kittesongi.

³³ Haysa tubettay ñayto anapay Golgootanaki hxafe, golgota payyo meqhte pukañate

qhawhitona ³⁴ T'ajje weynate anatiiqo ñiibi qhamu ñugninu nuteehongi, naqharray Uso logodhepa ñugeesi ñiishi. ³⁵ Imask'alakooma dhise tubettay laalladhe huusuna it'a innak'uradhepa qhootadhongi. ³⁶ Nakabeema ñakkadhongipa isitiñadhangi. ³⁷ Hasa payongipa tooñe olhosi akasasittay hi'aasasi mask'alakito qharo sappeema shoqhongi: “Husi Nigusasi Ayihudhate Iyesuse” ³⁸ Qhawho lakki hekoro sara tookkosi miskitto kaañila tookkoosika piñhato kaañila Iyesuse ñale dhisongi.

³⁹ Koro onke'ita liqaka isiñoosapa pukañane husundhisika isinu lelehisapa isihasa napapaya: ⁴⁰ “Ato hossi Manne K'ulk'ulawhe pullapa kuyañago izzañsa qubhadhay, into hedhunis. Mi'aye Hallikito akodhdhiti payni into mask'alakito odhdhi!”

⁴¹ Qhamusa kula rafisambawhe k'eesadheetepa kollisambawhe higge Muusena pana ñaadhiqe piyyateka illemi holepa isina palashoodha pa isinapayangina: ⁴² “Koro pileesi idhdhinnisi, naqharray pukañate tuususi dhinise yealkasu! Into Uso Nigusa Isiraelate payni mask'alakito sappeete i'oodhdhama anUso dhukaysanaaniye! ⁴³ Uso Hallikoosiki amanadhipa isi'yyana ‹Ano Mi'aye Hallikitoye› apayni Halliko iwwo'a payni into i'uso dhinisa!” ⁴⁴ Qhamusa kula korosi koro sarapa Uso ñale dhisamuka isidhaqisa.

Farte Iyesuse

(Mar. 15:33-41; Luk'. 23:44-49; Yoh. 19:28-30)

⁴⁵ Saate tappinu paayyati haga saate kollan saasa piyye qhaaf'e kaasaki tukkani. ⁴⁶ Saate kollan ihxaftina Iyesuse ikkitto dhammaataki hasa paypa riiru: "Elohe, Elohe laama sebek'itaani!" A'ishiq'a payni "Halliko Hayyu! Halliko Hayyu! Moonuka yehxurti?" ⁴⁷ Korossi haytusana shikkaarana kittate koro tookko i'olisaasi abaqhina ipayana: "Hussa Eliyaasi oo'fi!" ⁴⁸ Hattay korossinna kittate qhawho tookko isoripa olho saaqhe liqaasi fuge makashti kitteema fadh'hupa hayrikito qharoma shabupa Iyesuse qhamu fuginu nuit'osu. ⁴⁹ Naqharray koro tookko i'iyana: "Into salapa Eliyaase i'okayipa isiUso dhinisana eemni!" ⁵⁰ Iyesuse ikkitto dhammattaki iholi riirupa nabse tuususi helateehu. ⁵¹ Hingisana laallesi Manne K'ulk'ulawhatte kittate akaratika qutapa kalasasi lakkisa illena kalla kaa'fanti, piyyeka illelhti, awruqe siimmineka iqoqodhame, ⁵² hawlaadheka iqhaqhashamepa koro farrina kittate k'ulku'lawhe kisha fartate ha'fongi. ⁵³ Hawlaadheeteka liqongipa Iyesuse iffartate ha'fi tubettay ashshongi katamasi k'ulku'lawwi kula hulloongipa koro kishanu armadhongi. ⁵⁴ Qhawhossi koro orhangito qhawho dhippa rafisa pana korosi Iyesusesi ille'fale tifadheka piyyesi lellehapa olho kodhdhamadhi kaasasi ihi'ena

immurukepa isihasa kodhdha: "Dhukeema qhawhu Mi'aye Hallikito!" ⁵⁵ Hiske kishaki hayto sikaabasa shikaripa olho Usooma kodhamadhasi isieemangi; usundhisaka hessi piyye Gelilanu hxafepa olho qee'asattay isiIyesusenu kodhadha. ⁵⁶ Usundhisana kittate Mariyaamesi piyye Megdalana pa Mariyaame yayye Yaik'oobe pa teYoosay pana yayye dhelle Zebdhiwoosenaki na'ale faqa.

Maayame Iyesuse

(Mar. 15:42-47; Luk'. 23:50-56; Yoh. 19:38-42)

⁵⁷ Hayto i'awnuyana qhawho shorokitto hoYosefe anapayi hopiye Armatiyanu okayi faqa, usoka kolladhambako Iyesuse. ⁵⁸ Qhawhusaka Pilat'oose kulaki ashshipa pukkafo Iyesusesi nawaatadhu, Pilat'ooseka qhamo innuteehamninu hayo tee'hu. ⁵⁹ Husa maallay Yoosefe pukka'osiisi i'odhdhasipa laalle pi'fattay maru. ⁶⁰ Hawle awrukito aqhotipa haannay qhawhossi olonamaayusa hawle qhawtooma maayu, haysa tubettay awruko dha'amma laaqupa hawlesittay k'ubopa ashshoy. ⁶¹ Mariyaame Megdalawite pa Mariyaame tootesi, haytusa hawleetena mintate i'fakkadhe.

⁶² Haqhayna k'idhamena singato rafisambawhe k'eesadheete pa feresawadhe Pilat'oose kulaki ashshepa hasa napayoongi. ⁶³ "Poqolho haani, kulay qhawhossi koro dhappisa haannay yefaruna qhara'ita

olhossi ipayina ‹Kuyaŷago ishana fartate anhaŷanasiki› anhela taayni. ⁶⁴Hussa maallay kolladhambawhe huusu qhamu ye’ashshine Uso kereŷongipa korito payongina: ‹Haadhi Iyesuse fartate ihaŷi› maallay koro hawlisa kuyyaŷago izzaħ saasa kokisnapa tiŷadhoosi hayi, abayni hasaki olokodhu payni dhappisessi qharra’itana kanta tetubeete uuma iqullay.” ⁶⁵Pilat’ooseka hasi napayi: “Haadhi koro orħangito hunetiŷanaasi ashsheqanguye, ashshindhapa qhamo a’artesa tiŷitatesongu.” ⁶⁶Hussa maallay i’ashshepa awrukossi hawleete sappeete ŷaqasa maatama shoqhongipa hawlesisi qhibambawhesittay tiŷitatesoongi.

Iyesuse Fartate Haŷi

(Mar. 16:1-10; Luk. 24:1-12; Yoh. 20:1-10)

28 ¹Kuyyaŷago hxaysingito issarpi tubettay torpana kuyaŷago payyootate Sanbatana singato awnettay Mariyaamesi piyye Megdalapa Mariyaame toote hawle eemenu ashshi. ²Tutuppe piyye leeche dhamma kikodhdhamadhi, erkambate Poqolhitoka montiki oodhdhipa awrukosi hawleete sappeete ŷaqaasi laaqipa nasappa ŷakkadhi. ³Erkambatisana miinte tiisika qawwaŷago kulaki nabhaqhti! Laalle tiisika qhamu aspitate ipiŷiti. ⁴Korossi hawle tiŷadhaka qhooti erkambatesi qaabe maallay iħottoladhepa koro farri kodhdhongu. ⁵Erkambatesika ħiskesina hasi napayi: “Hune oloqaabemma Iyesusesi

adhisiisi qhama qeeŷetesa anubhadhi. ⁶Hassa yeŷaqima Uso qhamosi iŷalli kula ihaŷi. Okayapa ħaytosi anamaayisika eemongu. ⁷Lammi hermatottay ashshindhapa kolladhanbawhe huusuna hasa payangupa nuŷallangu: ‹Uso fartate ihaŷi, piyye Gelila kulaki hune intawni, haahaka Uso hiinte.›” ⁸Ĥaysa tubettay ħiskesi qaabko pa hxaso dhammataka ħaytosi hawleetenu holepa kolladhambawhenu ŷallenu hermatottay ashshongi.

⁹Iyesuseka onkate innaliqipa hasa napayu: “Nakayho ihune kodhdha!” Usundheka Uso kulaki okayepa luhhe naqabadhongipa nusagatongi. ¹⁰Ĥingisana Iyesuse hasi napayi: “Olo qaabe! Ashshindhapa piyye Gelila kula qhamu ashshinenu ŷassawhe hayyunu ŷallanguma haahaki yehineye.”

¹¹Ĥiskesi ikolladhambawhe kula ashshangina korossi hawle tiŷadhana kittate tookke tookke katama kulaki ashshepa olho kodhdhamadhi kaasasi rafisambawhe k’eesadheetenu ŷallongi. ¹²Rafisambawhessi k’eesadheete i’ashshepa ħaadhiqe piyyatte illaholasongipa isuladhe tubettay qhibampawhenu kodhatte dhammay teeħongipa hasa napayoongi. ¹³“Hasa payapa waarshonu ŷallangu: ‹Ine anpi’anina kolladhambawhe awne iokaye Uso kereŷongipa ashshongittay›. ¹⁴Apayni rafisambako piyyatte oliisi abaqhi payni, qhamu yehuneema rakko okaasninu ine tomoma nuŷalinaye.” ¹⁵Hussa maallay

qhibampawhesi kodhatesisi i'akkadhepa qhamosi anu'falli kula kodhongi, haga kuyyu saasa olisaasi koro Ayihudatena kitate atorrui.

Iyesuse Kolladhambawhe
Huusunuki Armadhi

(Mar. 16:14-18; Luk'. 24:36-49; Yoh.
20:19-23; Kodha. 1:6-8; 1K'or. 15:3-8)

¹⁶Kolladhambawhesi hudhdhanpa to'onsika haytosi Iyesuse qhamu nu'falli kula qubo piyye Gelilana faqa kulaki ashse.

¹⁷I'Uso hi'ena inusagate, naqharray tookke

tookke qhamu Uso kodhdhisa yenuarmu.

¹⁸Iyesuseka hayto kolladhanpawhe na'faqe kulaki okaypa hasa napayu: "Montito pa piyyate humna rafisate Yeesiki tee'hami, ¹⁹lammi waarsho piyye qhaa'ete faqa kaasay kula ashshindhapa maka'anko Paapo pa hoMi'ayate pana hoNasso K'ulk'litottay sho'hatte sho'hangupa kolladhambawhe hayu kodhangu. ²⁰Olisa anhune falli kaasasi qhamu konnenu kollisangu! Haadhi Anoka haga piyye qhaa'e dhikkate saasa kuyya'ago kaasay hune fale ankodhdhiniye."